

შპს „შპს ეივონ კოსმეტიკს საქართველო“
(სკ 204556426)

ინდივიდუალური ფინანსური და მმართველობის ანგარიშგება,
დამოუკიდებელი აუდიტორის დასკვნა
2024 წლის 31 დეკემბერს დასრულებული წლისთვის

სარჩევი

დამოუკიდებელი აუდიტორის დასკვნა	2
მმართველობის ანგარიშგება	5
ფინანსური ანგარიშგება	
ფინანსური მდგომარეობის ანგარიშგება	8
მოგების ან/და ზარალის და სხვა სრული შემოსულობების ანგარიშგება	9
ფულადი სახსრების მოძრაობის ანგარიშგება	10
კაპიტალის მოძრაობის ანგარიში	11
ფინანსურ მდგომარეობასთან არსებული განმარტებითი შენიშვნები	12

დამოუკიდებელი აუდიტორის დასკვნა
შპს ეივონ კოსმეტიკს საქართველოს (ს/ნ 204556426) 2024 წლის 31 დეკემბრის მდგომარეობით
დასრულებული საანგარიშო პერიოდის ინდივიდუალური ფინანსური და მმართველობის
ანგარიშების შედეგების შესახებ

აუდიტორის მოსაზრება ფინანსურ ანგარიშგებაზე

ჩვენ ჩავატარეთ “შპს ეივონ კოსმეტიკს საქართველოს” (204556426) (შემდგომში „კომპანია“) ინდივიდუალური ფინანსური ანგარიშგების აუდიტი, რომელიც მოიცავს 2024 წლის 31 დეკემბრის მდგომარეობით დასრულებული საანგარიშგებო პერიოდის ფინანსური მდგომარეობის ანგარიშგებას, აღნიშნული თარიღით დასრულებული წლის მოგება-ზარალისა და სხვა სრული შემოსავლის ანგარიშგებას, საკუთარი კაპიტალის ცვლილებების ანგარიშგებას, ფულადი ნაკადების მოძრაობის შესახებ ანგარიშგებას და ფინანსურ ანგარიშგებაზე დართულ განმარტებით შენიშვნებს, მათ შორის მნიშვნელოვანი სააღრიცხვო პოლიტიკების მოკლე მიმოხილვას.

ჩვენი აზრით თანდართული ფინანსური ანგარიშგება უტყუარად და სამართლიანად ასახავს კომპანიის ფინანსურ მდგომარეობას 2024 წლის 31 დეკემბრის მდგომარეობით, აგრეთვე მისი საქმიანობის ფინანსურ შედეგებსა და ფულადი სახსრების მოძრაობას მს ფინანსური ანგარიშგების საერთაშორისო სტანდარტების შესაბამისად და სათანადოდ მომზადდა ბუღალტრული აღრიცხვის, ანგარიშგებისა და აუდიტის შესახებ საქართველოს კანონის შესაბამისად;

მოსაზრების საფუძველი

ჩვენ ჩავატარეთ აუდიტი აუდიტის საერთაშორისო სტანდარტების (ასს) შესაბამისად. ამ სტანდარტებით განსაზღვრული ჩვენი პასუხისმგებლობები დეტალურად აღწერილია ჩვენი ანგარიშის - „აუდიტორთა პასუხისმგებლობა ფინანსური ანგარიშგების აუდიტზე“ ნაწილში. ჩვენ დამოუკიდებელი ვართ კომპანიისგან ბუღალტერთა ეთიკის სტანდარტების საერთაშორისო საბჭოს „პროფესიონალ ბუღალტერთა ეთიკის კოდექსის“ (IESBA კოდექსი) შესაბამისად და შევასრულეთ ჩვენი სხვა ეთიკური ვალდებულებები, მოცემული მოთხოვნების თანახმად. დარწმუნებული ვართ, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

ჩვენი ანგარიშის გამოყენება

წინამდებარე ანგარიში მასში მოცემული მოსაზრების ჩათვლით, მომზადდა მხოლოდ კომპანიის ხელმძღვანელობისათვის და არა სხვა მიზნებისთვის. აღნიშნული მოსაზრების გამოთქმით ჩვენ არ ვიღებთ პასუხისმგებლობას რომელიმე სხვა მიზნისთვის ან რომელიმე სხვა პირის წინაშე, ვისაც აღნიშნული ანგარიში შეიძლება წარედგინოს, ან ვის ხელშიც ის შეიძლება აღმოჩნდეს გარდა იმ შემთხვევებისა, როდესაც აღნიშნული ცალსახად, წინასწარ იყო შეთანხმებული წერილობითი ფორმით.

ხელმძღვანელობის პასუხისმგებლობა ფინანსურ და მმართველობის ანგარიშგებაზე

ხელმძღვანელობა პასუხისმგებელია ფინანსური და მმართველობის ანგარიშგებების მომზადებასა და უტყუარად და სამართლიანად წარდგენაზე მს ფინანსური ანგარიშგების საერთაშორისო სტანდარტების შესაბამისად, ასევე ისეთ შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას ხელმძღვანელობას ევალება შეაფასოს კომპანიის ფუნქციონირებადობის უნარი და აუცილებლობის შემთხვევაში გაასაჯაროვოს ინფორმაცია, რომელიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საქმიანობის შეწყვეტა, ან თუ არ

აქვს სხვა რეალური არჩევანი, ასე რომ არ მოიქცეს.

აუდიტორის პასუხისმგებლობა ფინანსური ანგარიშგების აუდიტზე

ჩვენი მიზანია მოვიპოვოთ დასაბუთებული რწმუნება იმის თაობაზე, მოცემული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის ანგარიში, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ყველა არსებით უზუსტობას, რომლებიც შეიძლება არსებობდნენ.

უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი, ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას;

ჩვენ შევისწავლით აუდიტისთვის შესაფერისი შიდა კონტროლის საშუალებებს, რათა დავეგემოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ კომპანიის შიდა კონტროლის ეფექტიანობაზე;

ვაფასებთ ხელმძღვანელობის მიერ გამოყენებულ საადრიცხვო პოლიტიკის მიზანშე-წონილობას, ხელმძღვანელობის მიერ განსაზღვრულ საადრიცხვო შეფასებების დასაბუ-თებულობასა და შესაბამისი ინფორმაციის გასაჯაროებას;

დასკვნა გამოგვაქვს ხელმძღვანელობის მიერ ანგარიშგების საფუძვლად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა კომპანიის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის ანგარიშში ყურადღების გამახვილება ფინანსურ ანგარიშგებაში შესაბამის ინფორმაციის გასაჯაროებას, ან, თუ ამგვარი გასაჯაროებული ინფორმაცია ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის ანგარიშის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება კომპანია უკვე აღარ იყოს ფუნქციონირებადი საწარმო;

ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, ინფორმაციის გასაჯაროებას და ასევე, ფინანსური ანგარიშგება უზრუნველყოფს თუ არა ფინანსური ანგარიშგების საფუძვლად აღებული ოპერაციებისა და მოვლენების სამართლიან წარდგენას.

მეთვალყურეობაზე პასუხისმგებელ პირებს, სხვა საკითხებთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

ანგარიში სხვა საკანონმდებლო და მარეგულირებელ მოთხოვნებზე

ჩვენი ვალდებულებაა ჩატარებული პროცედურების საფუძველზე გამოვთქვათ მოსაზრება 2024 წლის 31 დეკემბრის მდგომარეობით დასრულებული საანგარიშგებო პერიოდის მმართველობის ანგარიშგების „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის მე-7 მუხლის მე-2 პუნქტის „ა“ ქვეპუნქტის, ამავე მუხლის მე-3, მე-6 და მე-10 პუნქტების მოთხოვნებთან შესაბამისობაზე და არსებითი უზუსტობების შემთხვევაში მიუთითოთ მათ არსზე, ასევე განვაცხადოთ მმართველობის ანგარიშგებაში კანონით განსაზღვრული რაიმე ინფორმაციის წარმოუდგენლობის შესახებ.

მოსაზრება მმართველობის ანგარიშგებაზე

ჩვენი აზრით კომპანიის 2024 წლის 31 დეკემბრის მდგომარეობით დასრულებული საანგარიშგებო პერიოდის მმართველობის ანგარიშგების კანონით განსაზღვრული ნაწილები შეესაბამება კანონის მოთხოვნებს ყველა არსებითი ასპექტის გათვალისწინებით.

კონსტანტინე ჭანტურიძე

რეგისტრირებული აუდიტორი,

ინდ. რეგ. ნომ. № SARAS-A-768413

შპს ბიზნეს კონსალტინგის (სკ 402191953, აუდიტორული ფირმის სარეგ. ნომ: SARAS-F-604338) სახელით

29 სექტემბერი 2025 წ.

**მმართველობის ანგარიშგება 2024 წლის 31 დეკემბრით დასრულებული პერიოდისათვის
შპს ეივონ კოსმეტიკს საქართველო ს/კ 204556426**

საქმიანობა, განვითარება, შედეგებისა და მდგომარეობის აღწერა

კომპანიის საქმიანობას წარმოადგენს:

პარფიუმერული და კოსმეტიკური ნაწარმით, ტანსაცმლით და აქსესუარებით საცალო ვაჭრობა ონლაინ გაყიდვების გზით.

კომპანიის საქმიანობის ძირითადი მარეგულირებელი დოკუმენტებია:

- საქართველოს საგადასახადო კოდექსი;
- საბაჟო კოდექსი;
- საქართველოს კანონი საავტომობილო ტრანსპორტით სახიფათო ტვირთების გადაზიდვის წესის დამტკიცების შესახებ
- საქართველოს კანონი ლატარიების, აზარტული და მომგებიანი თამაშობების მოწყობის შესახებ (კომპანია პერიოდულად აწყობს წამახალისებელ გათამაშებებს)

კომპანია საქონელს წვრილი საბითუმო პარტიებით და საცალოდ ყიდის საქართველოს მთელ ტერიტორიაზე.

სარეალიზაციო საქონლის ასორტიმენტი იყოფა შემდეგ ძირითად ჯგუფებად: დეკორატიული კოსმეტიკა, სახის კანის, სხეულისა და თმის მოვლის ხაზები, პარფიუმერია, ტანსაცმელი და აქსესუარები, პროდუქცია მაშაყცებისთვის, ბავშვებისთვის, სახლისთვის.

კომპანიის საქმიანობის არეალი შეზღუდულია პირდაპირი გაყიდვებით, კომპანიის სტრატეგიაში არ არის საცალო და საბითუმო ვაჭრობის განვითარება სავაჭრო ობიექტების მეშვეობით.

გასაყიდი საქონლის ასორტიმენტი არ არის შეზღუდული და მუდმივად ხდება სიახლეების წარდგენა. თუმცა, ამ ეტაპზე, კომპანიის მარკეტინგული სტრატეგია შემოიფარგლება ზემოთ ჩამოთვლილი კატეგორიებით.

გასაყიდი საქონლის ფასები სპეციფიკურია იმ ქვეყნის მიხედვით, რომელ ქვეყანაშიც ოპერირებს კომპანია. საფასო პოლიტიკა დამოკიდებულია მრავალ ისეთ ფაქტორზე, როგორიცაა: თვითღირებულება, ბაზარზე არსებული კონკურენცია, მიწოდების ხარჯები, თანამშრომლების ანაზღაურება და ასე შემდეგ.

საქმიანობის გაფართოების რამდენიმე პერსპექტივა განიხილება. მათ შორის: ქსელის გაფართოება აუთვისებელ ტერიტორიებზე შესვლით, აქტიური წარმომადგენლების რიცხვის ზრდით.

საქართველოს ტერიტორიაზე ჯერ კიდევ არის ისეთი გეოგრაფიული ერთეულები, სადაც არ ხორციელდება საქონლის მიწოდება. მიწოდების სერვისის გააქტიურება გამოიწვევს ჩვენი ქსელის განვითარებასაც.

აღსანიშნავია ქვეყნის მასშტაბი ინტერნეტიზაცია: ბევრ სოფელში თუ რეგიონში ინტერნეტის არსებობა ხელს შეუწყობს ჩვენს წარმომადგენლებს შეკვეთის უფრო მარტივად განთავსებაში. რაც დადებითად აისახება კომპანიის გაყიდვებზე.

აქტიური წარმომადგენლების ზრდა სხვადასხვა მარკეტინგული და გაყიდვების ხელშემწყობი სტრატეგიების შედეგად ავტომატურად იწვევს კომპანიის გაყიდვების ზრდასაც.

ინფორმაცია კომპანიის ობიექტების შესახებ

კომპანიის იურიდიული მისამართია თბილისი, წერეთლის 117. აღმინულ მისამართზე მდებარეობს კომპანიის საწყობი.

აღმინისტრაციული ოფისი განთავსებულია კოსტავას 37/39ში. კომპანიას ფილიალები არ აქვს.

კვლევებისა და განვითარების სფეროში ჩატარებული ღონისძიებების მიმოხილვა

ამ მიმართულებით საანგარიშგებო პერიოდში რაიმე სერიოზული კვლევა არ ჩატარებულა.

საქველმოქმედო საქმიანობა კომპანია დაკავებულია საქველმოქმედო საქმიანობით:

- პროგრამა ძუძუს კიბოს წინააღმდეგ
- პროგრამა ოჯახში ძალადობის წინააღმდეგ.

აღნიშნული პროგრამის ფარგლებში იყიდება სპეციფიკური საქონელი, რომელთა რეალიზაციიდან მიღებული შემოსავალი მიზნობრივად ხმარდება შესაბამისი მიმართულების საქველმოქმედო აქტივობებს.

საქმიანობის ძირითადი ფინანსური და არაფინანსური მაჩვენებლები

ა) ძირითადი ფინანსური მაჩვენებლები

კომპანიის საქმიანობის ბოლო სამი წლის ძირითადი ფინანსური მაჩვენებლები წარმოდგენილია ქვემოთ მოყვანილ ცხრილში ერთეულ ლარებში.

დასახელება	31-Dec-24	31-Dec-23	% წინა წელთან შედარებით
მიმდინარე აქტივები	5,401,831	5,856,158	-8%
გრძელვადიანი აქტივები	1,915,748	2,389,549	-20%
სულ აქტივები	7,317,579	8,245,708	-11%
მიმდინარე ვალდებულებები	2,012,531	2,420,439	-17%
გრძელვადიანი ვალდებულებები	1,544,868	1,856,350	-17%
მოგება/ ზარალი	301,940	-268,272	
სულ კაპიტალი	3,760,179	3,968,918	-5%
შემოსავალი რეალიზაციიდან	19,722,259	22,028,181	-10%
რეალიზებული პროდუქციის თვითღირებულება	10,015,933	13,303,066	-25%

როგორც ცხრილიდან ჩანს, საანგარიშგებო პერიოდის რეალიზაცია წინა წელთან შედარებით შემცირებულია 10%-ით.

ფინანსური მდგრადობის ძირითადი მაჩვენებლები

მაჩვენებელი	მნიშვნელობა		ცვლილება
	წინა წელი	მიმდინარე წელი	
ავტონომიურობის კოეფიციენტი	0.48	0.51	0.03
ფინანსური ლევერიჯის კოეფიციენტი	1.08	0.95	-0.13
საკუთარი საბრუნავი სახსრებით უზრუნველყოფის კოეფიციენტი	0.27	0.34	0.07
მუდმივი აქტივების ინდექსი	0.60	0.51	-0.09
ინვესტიციის დაფარვის კოეფიციენტი	0.71	0.72	0.02
საკუთარი კაპიტალის მანევრირების კოეფიციენტი	0.40	0.49	0.09
ქონების მობილობის კოეფიციენტი	0.71	0.74	0.03
საბრუნავი საშუალებების მობილობის კოეფიციენტი	0.23	0.37	0.14
მარაგის უზრუნველყოფის კოეფიციენტი	0.70	1.30	0.60
მოკლევადიანი დავალიანების კოეფიციენტი	0.57	0.57	0.00

ლიკვიდობის კოეფიციენტები

მაჩვენებელი	მნიშვნელობა	ცვლილება
-------------	-------------	----------

	წინა წელი	მიმდინარე წელი	
მიმდინარე (საერთო) ლიკვიდობის კოეფიციენტი	2.42	3.64	-1.22
სწრაფი (შუალედური) ლიკვიდობის კოეფიციენტი	1.46	1.96	-0.50
აბსოლუტური ლიკვიდობის კოეფიციენტი	0.56	1.00	-0.44

ძირითადი რისკები და გაურკვევლობები

საბაზრო რისკი

საბაზრო რისკი არის იმის რისკი, რომ კომპანიის მოგება ან კაპიტალი, ან მისი უნარი, მიაღწიოს ბიზნეს ამოცანებს, გაუარესდება საბაზრო განაკვეთების, ფასების ცვლილების ან მერყეობის შედეგად. საბაზრო რისკი მოიცავს მარჟის განაკვეთის რისკს, სავალუტო რისკს და ფასდაღებასთან დაკავშირებულ სხვა რისკებს, რომელსაც ექვემდებარება კომპანია. კომპანიის ხელმძღვანელობა აწარმოებს კომპანიის მიმდინარე ფინანსური მდგომარეობის მონიტორინგს, აფასებს მის დამოკიდებულებას მარჟის ცვალებადობის მიმართ და მის ზეგავლენას კომპანიის მომგებიანობაზე.

სავალუტო რისკი

კომპანია მცირედ ექვემდებარება ძირითადი უცხოური ვალუტის გაცვლითი კურსების რყევის გავლენას მის ფინანსურ მდგომარეობასა და ფულად ნაკადებზე. ამ რისკის შემცირების ერთერთი მიზეზია სასაქონლო მატერიალური მარაგის მოწოდება ქართულ ლარში. ხელმძღვანელობა სავალუტო რისკს აკონტროლებს ლარის გაუფასურების და სხვა მაკროეკონომიკური ინდიკატორების მონიტორინგით, რაც მას აძლევს საშუალებას მინიმუმამდე დაიყვანოს ეროვნულ ვალუტასთან მიმართებაში სავალუტო კურსის ცვალებადობის შედეგად განცდილი დანაკარგები.

საფასო რისკი

საფასო რისკი არის საბაზრო ფასების ცვალებადობის შედეგად შემოსავლების მერყეობის რისკი, მიუხედავად იმისა, აღნიშნული ცვალებადობა გამოწვეულია ინდივიდუალური ფაქტორებით, თუ ბაზარზე არსებული ფაქტორებით. კომპანიაზე გავლენას ახდენს მისი საქონლის საფასო რისკი, რომელიც ექვემდებარება ძირითად და სპეციფიურ საბაზრო რყევებს. საფასო რისკს პოტენციური დანაკარგების პერიოდული შეფასებით მართავს. აღნიშნული დანაკარგები შესაძლებელია გამოიწვიოს საბაზრო პირობების გაუარესებამ და დანაკარგების შესაჩერებელი შესაბამისი ლიმიტების, მარჟებისა შენარჩუნებამ.

საოპერაციო რისკი

საოპერაციო რისკი წარმოადგენს რისკს, რომელიც წარმოიშვება სისტემის მოშლის, ადამიანური შეცდომის, თაღლითობისა და გარე მოვლენების შედეგად. კონტროლის არარსებობის შემთხვევაში საოპერაციო რისკმა შეიძლება გამოიწვიოს რეპუტაციის გაუარესება, იურიდიული სირთულეები, ფინანსური ზარალი და საქმიანობის შეჩერება. კომპანია ვერ შეამცირებს ყველა საოპერაციო რისკს, მაგრამ უნდა ეცადოს ამ რისკების მართვას კონტროლის გარემოსა და პოტენციური რისკების მონიტორინგისა და მათზე ადეკვატური რეაგირების საშუალებით. კონტროლი გულისხმობს მოვალეობების გადანაწილებას, წვდომის, ავტორიზაციისა და შედარების პროცედურებს, შიდა და გარე აუდიტს, პერსონალის განათლებასა და პროცესების შეფასებას.

ღირექტორი:

ნანა კვირიჩილაძე

შპს ეივონ კოსმეტიკს საქართველო (სკ 204556426)

ფინანსური მდგომარეობის ანგარიში 2024 წლის 31 დეკემბრით დასრულებული წლისათვის

ვალუტა: ლარი

დასახელება	31/12/24	31/12/23	
ფული და ფულის ექვივალენტები	2,003,552	1,349,344	ა1
მოკლევადიანი მოთხოვნები	1,936,005	2,193,173	ა2
სასაქონლო-მატერიალური მარაგი	1,413,849	2,248,430	ა3
წინასწარ გაწეული ხარჯები	4,719	14,774	ა4
საგადასახადო აქტივები	43,705	50,438	ა5
სულ მიმდინარე აქტივები	5,401,831	5,856,158	
აქტივის გამოყენების უფლება	1,596,853	1,996,067	ა6
ძირითადი საშუალებები	318,895	323,125	ა7
არამატერიალური აქტივები		70,357	ა8
სულ გრძელვადიანი აქტივები	1,915,748	2,389,549	
სულ აქტივები	7,317,579	8,245,708	
მოკლევადიანი ვალდებულებები	2,012,531	2,420,439	ა9
სულ მიმდინარე ვალდებულებები	2,012,531	2,420,439	
გრძელვადიანი საიჯარო ვალდებულებები	1,544,868	1,856,350	ა6
სულ გრძელვადიანი ვალდებულებები	1,544,868	1,856,350	
სულ ვალდებულებები	3,557,400	4,276,789	
საწესდებო კაპიტალი	176,000	176,000	ა10
მოგება/ ზარალი	3,584,179	3,792,918	ა10
სულ კაპიტალი	3,760,179	3,968,918	
სულ ვალდებულებები და კაპიტალი	7,317,579	8,245,708	

დირექტორი:

ნანა კვირჩილაძე

შპს ეივონ კოსმეტიკს საქართველო (სკ 204556426)

მოგების ან/და ზარალის და სხვა სრული შემოსულობების ანგარიში 2024 წლის 31 დეკემბრით დასრულებული წლისათვის

ვალუტა: ლარი

მოგ ან/და ზარ და სხვა სრ შემოს ანგარიშგება	2024	2023	შენიშვნა
შემოსავალი რელიზაციიდან	19,722,259	22,028,181	ბ1
რეალიზებული პროდუქციის თვითღირებულება	-10,015,933	-13,303,066	ბ2
საერთო მოგება	9,706,326	8,725,115	
სხვა შემოსავალი (საოპერაციო)	621,604	670,958	ბ1
საოპერაციო ხარჯები	-10,082,279	-9,668,820	ბ2.1
საოპერაციო მოგება	245,652	-272,747	
არასაოპერაციო შემოსავლები	59,940	51,550	ბ1.1
არასაოპერაციო ხარჯები			
სხვა სრული შემოს (ვალ ნაშთ გადაფასება)	-3,651	-47,076	ბ3
წლის მოგება განგრძობითი საქმიანობიდან	301,940	-268,272	

დირექტორი:

ნანა კვირჩილაძე

შპს ეივონ კოსმეტიკს საქართველო (სკ 204556426)
ფულადი სახსრების მოძრაობის ანგარიში 2024 წლის 31 დეკემბრით დასრულებული
წლისათვის

ვალუტა: ლარი

საოპერაციო საქმიანობა	2024 წელი	2023 წელი
მომხმარებლებისაგან მიღებული ფულადი სახსრები	24,008,146	26,442,092
მომწოდებლებზე, თანამშრომლებზე გადახდილი ფულადი სახსრები და გადასახადები	-22,893,352	-26,780,059
საოპერაციო საქმიანობა სულ	1,114,794	-337,967
საინვესტიციო საქმიანობა		
კაპიტალური დანახარჯები	-6,195	
საინვესტიციო საქმიანობა სულ	-6,195	0
საფინანსო საქმიანობა		
გადახდილი დივიდენდები	-510,680	
მიღებული პროცენტები	59,940	51,550
საფინანსო საქმიანობა	-450,740	51,550
ფულადი სახსრების შემოსვლა/გასვლა	657,859	-286,417
ვალუტის კურსის ცვლილების გავლენა ფულად სახსრებსა და მათ ეკვივალენტებზე	-3,651	-47,076
ფულადი სახსრები და მათი ეკვივალენტები საანგარიშგებო პერიოდის დასაწყისში	1,349,344	1,682,837
ფულადი სახსრები და მათი ეკვივალენტები საანგარიშგებო პერიოდის ბოლოს	2,003,552	1,349,344

დირექტორი:

ნანა კვირიჩილაძე

შპს ეივონ კოსმეტიკს საქართველო (სკ 204556426)
კაპიტალის მოძრაობის ანგარიში 2024 წლის 31 დეკემბრით დასრულებული წლისათვის

ვალუტა: ლარი

	საწესდებო კაპიტალი	მოგება ან/და ზარალი	სულ კაპიტალი
	ბალანსი 31.12.2022 მდგომარეობით	176,000	4,061,192
2023	წმინდა მოგება პერიოდში	-268,272	
	გადახდილი დივიდენდი		
	საწესდებო კაპიტალის ზრდა/კლება		
	ბალანსი 31.12.2023 მდგომარეობით	176,000	3,792,920
2024	წმინდა მოგება პერიოდში	301,940	
	გადახდილი დივიდენდი	-510,680	
	საწესდებო კაპიტალის ზრდა/კლება		
	ბალანსი 31.12.2024 მდგომარეობით	176,000	3,584,180

დირექტორი:

ნანა კვირჩილაძე

შპს „ეივონ კოსმეტიკს საქართველო“ ფინანსურ ანგარიშგებასთან არსებული შენიშვნები 2024 წლის 31 დეკემბრით დასრულებული წლისათვის

1. ზოგადი ინფორმაცია

საფირმო სახელწოდება: შპს ეივონ კოსმეტიკს საქართველო
სამართლებრივი ფორმა: შეზღუდული პასუხისმგებლობის საზოგადოება
საიდენტიფიკაციო ნომერი: 204556426
რეგისტრაციის ნომ, თარ: 11/06/2008
მარეგისტრირებელი ორგანო: თბილისის საგადასახადო ინსპექცია
იურიდიული მისამართი: საქართველო, თბილისი, დიდუბის რაიონი, წერეთლის გამზ., №117

დირექტორი: ნანა კვირჩილაძე, 01002019196

პარტნიორები:

შეზღუდული პასუხისმგებლობის საზოგადოება ეივონ ნეზერლენდს ჰოლდინგს, 34209926 /ნიდერლანდები/, 03.08.2004. 100% 100 ცალი წილი

ცვლილებები:

საანგარიშო პერიოდში სარეგისტრაციო მონაცემებში განხორციელდა ცვლილება: დირექტორად დაინიშნა მარიამ პაკაცოშვილი პნ 01010012276. ის 2025 წლის 17 აპრილს შეცვალა ნანა კვირჩილაძემ, პნ 01002019196

კომპანიის საქმიანობას წარმოადგენს:

პარფიუმერული და კოსმეტიკური ნაწარმით, ტანსაცმლით და აქსესუარებით საცალო ვაჭრობა ონლაინ გაყიდვების გზით საქართველოს მთელ ტერიტორიაზე.

სარეალიზაციო საქონლის ასორტიმენტი: დეკორატიული კოსმეტიკა, სახის კანის, სხეულისა და თმის მოვლის ხაზები, პარფიუმერია, ტანსაცმელი და აქსესუარები, პროდუქცია მამაკაცებისთვის, ბავშვებისთვის, სახლისთვის.

კომპანიის საქმიანობის არეალი შეზღუდულია პირდაპირი გაყიდვებით, კომპანიის სტრატეგიაში არ არის საცალო და საბითუმო ვაჭრობის განვითარება სავაჭრო ობიექტების მეშვეობით.

გასაყიდი საქონლის ასორტიმენტი არ არის შეზღუდული და მუდმივად ხდება სიახლეების წარდგენა. თუმცა, ამ ეტაპზე, კომპანიის მარკეტინგული სტრატეგია შემოიფარგლება ზემოთ ჩამოთვლილი კატეგორიებით.

კომპანიის იურიდიული მისამართია თბილისი, წერეთლის 117. აღმნიშნულ მისამართზე მდებარეობს კომპანიის საწყობი. აღმინისტრაციული ოფისი განთავსებულია კოსტავას 37/39ში. კომპანიას ფილიალები არ აქვს.

2. მომზადების საფუძველი

მოცემული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების კომიტეტის (ბასკ) მიერ გამოშვებული მსს ფინანსური ანგარიშგების საერთაშორისო სტანდარტების შესაბამისად. ფინანსური ანგარიშგება მომზადებულია კომპანიის საქმიანობის უწყვეტობის საფუძველზე იმ დაშვებით, რომ კომპანია განაგრძობს ფუნქციონირებას პროგნოზირებად მომავალში. კომპანიის ხელმძღვანელობასა და დამფუძნებლებს სურვილი აქვთ განავითარონ კომპანიის საქმიანობა საქართველოში. ხელმძღვანელობას სჯერა, რომ უწყვეტობის პრინციპის გამოყენება შესაფერისია კომპანიისთვის. კომპანიის საანგარიშგებო პერიოდი მოიცავს კალენდარულ წელს. ფინანსური ანგარიშგება მომზადებულია ისტორიული ღირებულებების საფუძველზე. ანგარიშგების სტანდარტის მიხედვით მომზადდება კომპანიის ხელმძღვანელობისაგან ითხოვს გარკვეული შეფასებების გაკეთებას, რაც გავლენას იქონიებს აქტივებისა და ვალდებულებების საანგარიშო ღირებულებაზე

ანგარიშგების შედეგის თარიღისათვის, ასევე იმოქმედებს შემოსავლისა და ხარჯების ოდენობაზე საანგარიშო პერიოდის განმავლობაში. ფაქტობრივი შედეგები შესაძლოა განსხვავდებოდეს მიმდინარე შეფასებისაგან. შეფასებები პერიოდულად გადაიხედება. კორექტირებები, რამაც სააღრიცხვო შეფასებების ცვლილებები გამოიწვია, მიეკუთვნება იმ პერიოდის ფინანსურ შედეგებს, როცა ეს ცვლილებები მოხდა. მნიშვნელოვანი სააღრიცხვო შეფასებების შესახებ განმარტებები მოცემულია მე-3 შენიშვნაში. არსებითი სააღრიცხვო პოლიტიკა მოცემულია მე-4 შენიშვნაში.

3. მნიშვნელოვანი სააღრიცხვო შეფასებები

კომპანია ახდენს გარკვეული სააღრიცხვო შეფასებებისა და გადაწყვეტილებების შემუშავებას მომავალი პერიოდებისათვის. ისინი შემუშავებულია გამოცდილებასა და სხვა ფაქტორებზე დაყრდნობით, რომელიც ითვალისწინებს კომპანიის ფუნქციონირებას განსაზღვრული მომავლის პირობებში. ქვემოთ მოყვანილია შეფასებები და დაშვებები, რომლებიც მომდევნო ფინანსურ წელში აქტივებისა და ვალდებულებების საბალანსო ღირებულებებში არსებითი ცვლილებების რისკის მატარებელია:

ა) ძირითადი საშუალებების და საინვესტიციო ქონების სასარგებლო მომსახურების ვადები - ძირითადი საშუალებების და საინვესტიციო ქონების ცვეთის დარიცხვა ხდება მათი სასარგებლო მომსახურების ვადის მიხედვით. სასარგებლო მომსახურების ვადების განსაზღვრა დამოკიდებულია ხელმძღვანელობის შეფასებებზე. სასარგებლო მომსახურების ვადები პერიოდულად გადაიხედება. შეფასების ცვლილებამ შესაძლოა არსებითი ცვლილება გამოიწვიოს ცალკეულ პერიოდებში საბალანსო ღირებულებასა და სრული შემოსავლის ანგარიშგებაში ასახულ თანხებში.

ბ) ფინანსური აქტივების გაუფასურება - კომპანია ხელმძღვანელობს „მოსალოდნელი საკრედიტო დანაკარგების“ (ECL) მოდელით. ეს საჭიროებს მსჯელობას იმის შესახებ თუ როგორ იმოქმედებს ეკონომიკური ფაქტორები ECL მოდელზე, რაც განისაზღვრება შეწონილი ალბათობის საფუძველზე. ზარალის ანარიცხის განსაზღვრა ხდება შემდეგნაირად: ა) 12-თვიანი მოსალოდნელი საკრედიტო ზარალი - მოსალოდნელი საკრედიტო ზარალი, რომელიც გამოწვეულია იმ დეფოლტის მოვლენებისგან ფინანსურ ინსტრუმენტებზე, რომელთა მოხდენაც შესაძლებელია შემდგომი 12 თვის განმავლობაში. ბ) არსებობის მანძილზე მოსალოდნელი საკრედიტო ზარალი - მოსალოდნელი საკრედიტო ზარალი, რომელიც გამოწვეულია ყველა შესაძლო დეფოლტის მოვლენისგან, რომელთა მოხდენაც შესაძლებელია ფინანსური ინსტრუმენტის მოსალოდნელი არსებობის მანძილზე. არსებობის მანძილზე მოსალოდნელი საკრედიტო ზარალის შეფასების მოდელი იმოქმედებს მაშინ, როდესაც ფინანსური აქტივის საკრედიტო რისკი ანგარიშგების პერიოდისათვის მნიშვნელოვნად გაზრდილია მის თავდაპირველ აღიარებასთან შედარებით, ხოლო თუ არ არის გაზრდილი 12-თვიანი მოსალოდნელი საკრედიტო ზარალი. კომპანიას შეუძლია განსაზღვროს რომ ფინანსური აქტივის საკრედიტო რისკი არ გაზრდილა მნიშვნელოვნად, იმ შემთხვევაში თუ აქტივს აქვს დაბალი საკრედიტო რისკი საანგარიშგებო წლისთვის. ზემოაღნიშნული მიდგომა აქვს გამოყენებული კომპანიას გაცემული სესხების გაუფასურების ანალიზისას. არსებობის მანძილზე მოსალოდნელი საკრედიტო ზარალის მოქმედება ყოველთვის ვრცელდება სავაჭრო და სხვა მოთხოვნებზე. დეტალები სავაჭრო და სხვა მოთხოვნების და გაცემული სესხების გაუფასურების შესახებ იხილეთ მე-4 და მე-5 შენიშვნაში. მომავალ პერიოდთან დაკავშირებული განუსაზღვრელობებიდან გამომდინარე ფაქტობრივი შედეგი შესაძლებელია მნიშვნელოვნად განსხვავდებოდეს იმ შედეგისგან, რომელიც აღრიცხულია ფინანსურ ანგარიშგებაში.

გ) იჯარის ვადა, ზღვრული სასესხო განაკვეთი და საიჯარო გადასახდელები - კომპანია იყენებს მსჯელობას იჯარის ვადის დადგენისას. განიხილავს ყველა სათანადო ფაქტს და გარემოებას, რომელიც მოიქარეს ეკონომიკურ სტიმულს უქმნის, გამოიყენოს იჯარის გაგრძელების უფლება, ან არ გამოიყენოს იჯარის ვადამდე შეწყვეტის უფლება. კომპანია ხელახლა აფასებს, საკმარისად სარწმუნოა თუ არა, რომ ის გამოიყენებს იჯარის გაგრძელების არჩევანის უფლებას, ან არ გამოიყენებს იჯარის ვადამდე შეწყვეტის უფლებას, იმ შემთხვევაში, თუ მოხდება რაიმე მნიშვნელოვანი მოვლენა, ან მნიშვნელოვნად შეიცვლება გარემოებები, რომლებიც: ა) მოიქარის კონტროლს ექვემდებარება; და ბ) გავლენას ახდენს იმის შეფასებაზე, საკმარისად სარწმუნოა თუ არა, რომ მოიქარე გამოიყენებს უფლებას, რომელიც ადრე გათვალისწინებული არ ჰქონდა ან არ გამოიყენებს ისეთ უფლებას, რომელიც ადრე გათვალისწინებული ჰქონდა. კომპანია იყენებს მსჯელობას ზღვრული სასესხო განაკვეთის დადგენისთვის. დაკვირვებადი მონაცემების გამოყენებით განისაზღვრება ძირითადი განაკვეთი, რომელიც კორექტირდება მოიქარისთვის დამახასიათებელი სპეციფიკური ფაქტორებით და უზრუნველყოფის (იჯარის ობიექტის)

მახასიათებლებით. საქართველოში ხშირად იჯარის ხელშეკრულება არ მოიცავს ჩანაწერს იჯარის გაგრძელების შესახებ. ზემოთხსენებული უფლების არსებობა გამყარებულია მიღებული საქმიანი პრაქტიკით. კომპანია ამგვარ საქმიან პრაქტიკას განიხილავს ხელშეკრულების შემადგენელ ნაწილად. ასეთი შემთხვევებისთვის საიჯარო ვალდებულების განსაზღვრისას შეფასებული საიჯარო გადახდები არის უცვლელი მთელი საიჯარო ვადის განმავლობაში განახლებადი პერიოდის ჩათვლით. მომავალ პერიოდთან დაკავშირებული განუსაზღვრელობებიდან გამომდინარე ფაქტობრივი საიჯარო გადახდები შესაძლებელია მნიშვნელოვნად განსხვავდებოდეს იმისგან, რაც წარდგენილია ფინანსურ ანგარიშგებაში.

დ) ინვესტიცია წილობრივ ინსტრუმენტებში სამართლიანი ღირებულების შეფასება - წილობრივ ინსტრუმენტებში არსებული ინვესტიციების სამართლიანი ღირებულება განისაზღვრა ფულადი სახსრების დისკონტირების ტექნიკის გამოყენებით, მოსალოდნელი ფულადი სახსრების საფუძველზე, რომელიც კლასიფიცირებულია როგორც სამართლიანი ღირებულების შეფასების მე-3 დონის იერარქია, შეფასების გაკეთებისას გამოყენებული მონაცემების მნიშვნელობიდან გამომდინარე.

4. არსებითი საადრიცხვო პოლიტიკის მიმოხილვა

4.1 შეფასების და წარდგენის ვალუტა

ფინანსური ანგარიშგების შეფასების და წარდგენის (პრეზენტაციის) ვალუტად კომპანია იყენებს ქართულ ლარს. ოპერაციები შეფასების ვალუტისგან განსხვავებულ ვალუტაში განიხილება, როგორც ოპერაცია უცხოურ ვალუტაში და აღირიცხება „სავალუტო კურსების ცვლილებათა გავლენა“ მოთხოვნების შესაბამისად. უცხოურ ვალუტაში ასახული მონეტარული აქტივები და ვალდებულებები გადაიანგარიშება საქართველოს ეროვნული ბანკის მიერ დადგენილი ვალუტის გაცვლის ოფიციალური კურსის შესაბამისად ბალანსის შედგენის თარიღისათვის. კონვერტაციის დროს წარმოშობილი კურსთაშორის სხვაობები აისახება მოგებისა და ზარალის ანგარიშგებაში. უცხოურ ვალუტაში განხორციელებული ოპერაციები აღირიცხება ოპერაციის განხორციელების დღეს არსებული გაცვლითი (სპოტ) კურსის შესაბამისად.

4.2 ინვესტიციები შვილობილ საწარმოში

კომპანიას გააჩნია კონტროლი საწარმოზე, როდესაც ის ექვემდებარება რისკებს, რომლებიც დაკავშირებულია ინვესტირებულ საწარმოში მისი მონაწილეობიდან ცვალებადი შემოსავლების მიღებასთან, ან გააჩნია ინვესტირებული საწარმოდან ცვალებადი შემოსავლების მიღების უფლება და ასევე ამ შემოსავალზე ზემოქმედების შესაძლებლობა, ინვესტირებულ საწარმოსთან მიმართებით თავისი უფლებამოსილების მეშვეობით. შვილობილი (ინდივიდუალურ ფინანსურ ანგარიშგებაში) და მეკავშირე (ერთობლივი საწარმოები არ აქვს) კომპანიების ინვესტიციის აღრიცხვა ხდება თვითღირებულებით.

4.3 ამონაგები

კომპანია აღიარებს შემოსავალს საქონლისა და მომსახურების მომხმარებლებისთვის გადაცემისას, იმ ანაზღაურების ოდენობით, რომლის მიღების უფლებასაც კომპანია მოელის ამ საქონლისა და მომსახურების გადაცემის სანაცვლოდ. კომპანია იყენებს ხუთსაფეხურიან მოდელს მომხმარებელთან გაფორმებული ხელშეკრულებების მიმართ:

- მომხმარებელთან ხელშეკრულების იდენტიფიცირება;
- სახელშეკრულებო ვალდებულებების დადგენა;
- გარიგების ფასის განსაზღვრა;
- გარიგების ფასის მიკუთვნება სახელშეკრულებო ვალდებულებასთან;
- შემოსავლის აღიარება, როდესაც პირი სახელშეკრულებო ვალდებულებას შეასრულებს.

კომპანია შემოსავალს აღიარებს სახელშეკრულებო ვალდებულების შესრულებისას, ანუ მაშინ, როდესაც კონტრაქტით გათვალისწინებულ მისაწოდებელ საქონელზე “კონტროლი” მომხმარებელს გადაეცემა ან შესრულება ხელშეკრულებით გათვალისწინებული მომსახურება.

შესასრულებელი ვალდებულება და შემოსავლის აღიარების მომენტი

კომპანიას შემოსავლის ძირითად ნაწილს იღებს პროდუქციის გაყიდვიდან, რომელიც აღიარდება დროის იმ მომენტში, მაშინ როცა ხდება მოცემულ საქონელთან დაკავშირებული კონტროლის მომხმარებლისთვის გადაცემა. კონტროლი შესაძლოა გადავიდეს მომხმარებელზე, როგორც გაგზავნის ისე

მიღების ადგილას. ეს განსაზღვრულია მომხმარებელთან წერილობითი ან ზეპირი ხელშეკრულების საფუძველზე.

საკონტრაქტო ღირებულების განსაზღვრა

კომპანიის შემოსავლის ძირითადი საკონტრაქტო ღირებულება არის ფიქსირებული და შესაბამისად, თითოეული კონტრაქტიდან მისაღები შემოსავლის განსაზღვრა ხდება მოცემული ფიქსირებული ფასების მიხედვით.

კომპანია არ განიხილავს დაფინანსების მნიშვნელოვან კომპონენტს, როდესაც აქტივზე

მომხმარებლისთვის კონტროლის გადაცემის თარიღსა და მიღებული ანაზღაურების თარიღებს შორის სხვაობა არის ერთ წელზე ნაკლები;

4.4 ფინანსური ინსტრუმენტები

კომპანია ფინანსურ აქტივებსა და ვალდებულებებს აღიარებს მაშინ, როდესაც ხდება ინსტრუმენტთან დაკავშირებული სახელშეკრულებო ვალდებულების მხარე. კომპანია ფინანსურ აქტივებს ჰყოფს შემდეგ კატეგორიებად - „ამორტიზებული ღირებულებით შეფასებული ფინანსური აქტივი“, „რეალური ღირებულებით შეფასებული ფინანსური აქტივი, ცვლილებების მოგებაში ან ზარალში ასახვით“, „რეალური ღირებულებით შეფასებული, ცვლილებების სხვა სრულ შემოსავალში ასახვით“. კომპანიის ხელმძღვანელობამ შეაფასა, თუ რომელი ბიზნეს მოდელი შეესაბამება კომპანიის ფინანსურ აქტივებს და ფინანსური აქტივები დააკლასიფიცირა შემდეგ კატეგორიებად - „ამორტიზებული ღირებულებით შეფასებული ფინანსური აქტივი“ და „რეალური ღირებულებით შეფასებული ფინანსური აქტივი, ცვლილებების მოგებაში ან ზარალში ასახვით“. წინა საანგარიშო პერიოდებში მომზადებულ ფინანსურ ანგარიშგებაში კომპანიის ფინანსური აქტივები წარმოდგენილია სავაჭრო და სხვა მოთხოვნებით, გაცემული სესხებით და ფული და ფულის ეკვივალენტებით. ფული და ფულის ეკვივალენტები მოიცავს ნაღდ ფულსა და ფულს მიმდინარე საბანკო ანგარიშებზე.

- ამორტიზებული ღირებულებით შეფასებული ფინანსური აქტივები

მოცემული აქტივები წარმოიქმნება მომხმარებლებისთვის საქონლისა და მომსახურების მიწოდებიდან, ასევე მოიცავს სხვა სახის ფინანსურ აქტივებს, რომლის ფლობის მიზანია სახელშეკრულებო ფულადი ნაკადების მიღება და ეს ფულადი ნაკადები წარმოადგენს მხოლოდ ძირს და მასზე დარიცხულ პროცენტს. ისინი საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური აქტივის შეძენასთან ან გამოშვებასთან და შემდგომში აღრიცხულია ამორტიზებული ღირებულებით, ეფექტური საპროცენტო განაკვეთის მეთოდის გამოყენებით, შემცირებული გაუფასურების რეზერვის მოცულობით.

- ინვესტიციები წილობრივ ინსტრუმენტებში

ფინანსური აქტივები, რომლებიც აკმაყოფილებენ კაპიტალის განმარტებას ემიტენტის მხრიდან ე.ი. ინსტრუმენტები, რომლებიც არ შეიცავს ხელშეკრულებით ვალდებულებას ფულადი სახსრების გადახდაზე და წარმოადგენს ნაჩივს პროცენტს, კომპანიის მიერ განიხილება, როგორც ინვესტიცია წილობრივ ინსტრუმენტებში. კომპანიის პოლიტიკით ინვესტიციები წილობრივ ინსტრუმენტებში აღირიცხება რეალური ღირებულებით მოგებაში ან ზარალში ასახვით (FVTPL), რადგან მათი ფლობის მიზანი არის საინვესტიციო შემოსავლის მიღება და არ არის გამიზნული სავაჭროდ. კომპანია მოგებაში ან ზარალში აღიარებს ინვესტიციებიდან მიღებულ დივიდენდებს. თავდაპირველი აღიარებისას ფინანსური ინსტრუმენტის რეალური ღირებულების საუკეთესო შეფასება არის გარიგების ფასი. არ ყოფილა შმთხვევა, როდესაც კომპანიას გადაწყვიტოს, რომ თავდაპირველი აღიარებისას შეფასებული რეალური ღირებულება განსხვავდება გარიგების ფასისგან.

- გაუფასურება

კომპანიას ევალება მოსალოდნელი საკრედიტო დანაკარგების აღრიცხვა თავის ფასიან ქაღალდებზე, სესხებსა და სავაჭრო მოთხოვნების ანგარიშებზე 12 თვიანი პერიოდისთვის ან მათი მთლიანი ვადისთვის. გაუფასურებასთან დაკავშირებული მოთხოვნების მიზანია, ფინანსური ინსტრუმენტების არსებობის მანძილზე მოსალოდნელი საკრედიტო ზარალის აღიარება ყველა ფინანსურ ინსტრუმენტთან მიმართებით, რომლის საკრედიტო რისკი თავდაპირველი აღიარების შემდეგ მნიშვნელოვნად გაიზარდა, მიუხედავად იმისა, გაუფასურება ინდივიდუალურად შეფასდა თუ ჯგუფურად, რისთვისაც კომპანია ითვალისწინებს ყველა გონივრულ ინფორმაციას.

- სავაჭრო და სხვა მოთხოვნები და სახელმძღვანელო აქტივები

კომპანია იყენებს გამარტივებულ მიდგომას და მოსალოდნელ ზარალს აღრიცხავს სავაჭრო და სხვა მოთხოვნების მუხლზე და სახელმძღვანელო აქტივზე. აღნიშნული მიდგომის მიხედვით არსებობის მანძილზე სავაჭრო მოთხოვნების მოსალოდნელი საკრედიტო ზარალი გამოითვლება რეზერვების მატრიცის გამოყენებით. გამარტივებული მიდგომა განიხილავს ზარალს სრულად მთელი პორტფელისთვის, განურჩევლად იმისა ადგილი ჰქონდა თუ არა საკრედიტო რისკის მნიშვნელოვან ზრდას პირველადი აღიარების შემდგომ. კომპანია სავაჭრო მოთხოვნების გაუფასურებას ახორციელებს მეთოდოლოგიის საფუძველზე:

- ინდივიდუალურად განიხილავს დაკავშირებული მხარეებისგან მისაღებ თანხებს;
- ინდივიდუალურად განიხილავს მნიშვნელოვანი დებიტორული დავალიანების მქონე დებიტორებს;
- ჯგუფურად ფასდება ყველა სხვა დებიტორული დავალიანება, რადგან კომპანიის გამოცდილებით დარჩენილი ერთობლიობა არ მოიცავს ინდივიდუალურად მნიშვნელოვან ელემენტებს;

- დაკავშირებული მხარეებისგან მისაღები თანხები

კომპანია ინდივიდუალურად განიხილავს გაუფასურებაზე დაკავშირებულ მხარეებთან არსებულ მოთხოვნებს და მხედველობაში იღებს სხვადასხვა ფაქტორებსა და ინდივიდუალურ გარემოებებს, რომელიც კომპანიას შესაძლოა გააჩნდეს მის დაკავშირებულ მხარეებთან ბიზნეს საქმიანობის პროცესში. აღნიშნული ანალიზის საფუძველზე კომპანიის ხელმძღვანელობა აფასებს მოსალოდნელი საკრედიტო ზარალის მოცულობას, რომელიც განისაზღვრება წარსულის გამოცდილების საფუძველზე. კომპანია არ აღიარებს დაკავშირებული მხარეების მიმართ არსებული სავაჭრო და სხვა მოთხოვნების გაუფასურების რეზერვს, რადგან კომპანიას არ გააჩნია აღნიშნული მოთხოვნების საკრედიტო გაუფასურების ნეგატიური გამოცდილება.

- მნიშვნელოვანი დავალიანების მქონე დებიტორები

შეფასებისას კომპანია მხედველობაში იღებს სხვადასხვა ფაქტორებსა და გარემოებებს, რომელიც შესაძლოა მოიცავდეს: ა) დებიტორის რეიტინგს, ბ) ფინანსურ მდგომარეობას, გ) მისაღები თანხების ვადაგადაცილების ხანგრძლივობას, დ) ნებისმიერ ხელმისაწვდომ სხვა, მ.შ. არაფინანსურ ინფორმაციას.

- ჯგუფურად შეფასებული სავაჭრო მოთხოვნები

იმისათვის, რათა განისაზღვროს მოსალოდნელი გაუფასურების დანაკარგი ჯგუფურად შეფასებულ სავაჭრო მოთხოვნებზე, მოთხოვნები ჯგუფდება მსგავსი საკრედიტო რისკისა და ხანდაზმულობის მიხედვით. სავაჭრო და სხვა მოთხოვნებს აქვს მსგავსი რისკიანობის მახასიათებელი. მოსალოდნელი გაუფასურების დანაკარგის განაკვეთები ეფუძნება კომპანიის საკრედიტო გაუფასურების წარსულ გამოცდილებას. ისტორიული მოსალოდნელი გაუფასურების დანაკარგის განაკვეთი კორექტირდება არსებული და სამომავლო მაკროეკონომიკური ფაქტორების გათვალისწინებით, რომელიც გავლენას ახდენს კომპანიის მომხმარებლებზე.

- ფულადი სახსრების და მათი ეკვივალენტების გაუფასურება

ფულადი სახსრების და მათი ეკვივალენტების მუხლზე კომპანია არ ახორციელებს გაუფასურების აღიარებას.

- ფინანსური აქტივების აღიარების შეწყვეტა

კომპანია წყვეტს ფინანსური აქტივის აღიარებას მხოლოდ იმ შემთხვევაში, როდესაც: ფინანსური აქტივიდან მისაღები ფულადი სახსრების მიღების საკონტრაქტო უფლებებს ვადა გასდის ან იგი გადასცემს ფინანსურ აქტივთან დაკავშირებული ფულადი ნაკადების მიღების უფლებას, ან შედის ისეთ გარიგებაში, როდესაც: ა) აქტივის გასვლასთან ერთად ხდება ყველა არსებითი რისკისა და სარგებლის კომპანიიდან გასვლა; ბ) კომპანია არ გადასცემს აქტივის ფლობასთან დაკავშირებულ არსებით რისკსა და სარგებელს, მაგრამ ასევე არ ინარჩუნებს კონტროლს ამ აქტივზე.

- ფინანსური ვალდებულებები

კომპანია მის ფინანსურ ვალდებულებებს აკლასიფიცირებს შემდეგი კატეგორიებიდან ერთ-ერთით: რეალური ღირებულებით, მოგებაში ან ზარალში ასახვით და სხვა ფინანსურ ვალდებულებებად. ფინანსური ვალდებულებები მოიცავს სავაჭრო და სხვა ვალდებულებებს, საიჯარო ვალდებულებებს. ფინანსური ვალდებულებები საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური ვალდებულებების

გამოშვებასთან. მსგავსი პროცენტის მატარებელი ვალდებულებები შემდგომში აღრიცხულია ამორტიზებული ღირებულებით ეფექტური საპროცენტო განაკვეთის მეთოდის გამოყენებით, რომელიც უზრუნველყოფს მუდმივი განაკვეთით ფინანსური ვალდებულების საბალანსო ღირებულებაზე საპროცენტო ხარჯის დარიცხვას. ნებისმიერი ფინანსური ვალდებულებისთვის საპროცენტო ხარჯი მოიცავს საწყის გარიგების ხარჯებს და ნებისმიერ დამატებით გადასახდელს ვალდებულების გამოსყიდვისთვის. ფინანსური აქტივები და ვალდებულებები ერთმანეთში გაიქვითება და ფინანსურ ანგარიშგებებში წარდგება სალდირებულად, თუ არსებობს შესაბამისი იურიდიული საფუძველი აღნიშნული თანხების ურთიერთჩათვლისთვის.

4.5 საპროცენტო შემოსავალი

1-ელ და მე-2 ეტაპზე მყოფი ფინანსური ინსტრუმენტებისთვის კომპანია საპროცენტო შემოსავალს აღრიცხავს ეფექტური საპროცენტო განაკვეთის (EIR) გამოყენებით მთლიან საბალანსო თანხაზე. მე-3 ეტაპზე არსებული ფინანსური ინსტრუმენტებისთვის საპროცენტო შემოსავალი დაიანგარიშება EIR-ის გამოყენებით სესხების ამორტიზებულ ღირებულებაზე.

4.6 ხარჯები

ხარჯების აღიარება ხდება სრული შემოსავლის ანგარიშგებაში, თუ წარმოიშობა მომავალი ეკონომიკური სარგებლის შემცირება, რაც დაკავშირებულია აქტივის შემცირებასა ან ვალდებულების ზრდასთან, რაც შეიძლება საიმედოდ განისაზღვროს. ხარჯები გაწევისთანავე აღიარდება მოგებისა და ზარალის ანგარიშგებაში, თუ ხარჯებისგან ეკონომიკური სარგებლის მოტანა მომავალში აღარ არის მოსალოდნელი ან თუ მომავალი ეკონომიკური სარგებელი აღარ აკმაყოფილებს ბალანსში აქტივად აღიარების კრიტერიუმებს. თუ ეკონომიკური სარგებელი მოსალოდნელია, რომ წარმოიქმნება რამდენიმე სააღრიცხვო პერიოდის განმავლობაში, მასთან დაკავშირებული ხარჯები სრული შემოსავლის ანგარიშგებაში აღიარდება გონივრული, სარგებლის მიღების პროპორციული განაწილების საფუძველზე.

4.7 იჯარა

- იდენტიფიკაცია

ხელშეკრულების დაწყებისას კომპანია აფასებს, მთლიანად ხელშეკრულება არის თუ არა იჯარა, ან შეიცავს თუ არა იჯარას. ხელშეკრულება არის საიჯარო ხელშეკრულება, ან შეიცავს იჯარას, თუ ხელშეკრულების მეშვეობით ხდება იდენტიფიცირებული აქტივის კონტროლის უფლების გადაცემა გარკვეული პერიოდის განმავლობაში ანაზღაურების მიღების სანაცვლოდ. იმის დასადგენად, ესა თუ ის ხელშეკრულება გადასცემს თუ არა მომხმარებელს იდენტიფიცირებული აქტივის გამოყენების კონტროლის უფლებას გარკვეული პერიოდის განმავლობაში, კომპანია აფასებს, გამოყენების პერიოდის განმავლობაში მომხმარებელს გააჩნია თუ არა უფლებები: - ხელშეკრულებაში იდენტიფიცირებული აქტივიდან პრაქტიკულად მთლიანი სარგებლის მიღების უფლება და - იდენტიფიცირებული აქტივის გამოყენების წესის განსაზღვრის უფლება.

- თავდაპირველი აღიარება

იჯარის ვადის დაწყების თარიღისთვის კომპანია აღიარებს აქტივების გამოყენების უფლებას და საიჯარო ვალდებულებას, გარდა იჯარისა, რომლის საიჯარო აქტივს დაბალი ღირებულება აქვს და - იჯარისა, რომლის ვადა 12 თვეზე ნაკლებია. იჯარა კომპანიის ანგარიშგებაში აღიარდება როგორც აქტივი, რომელიც წარმოადგენს იჯარის ვადის განმავლობაში, იჯარის ობიექტის გამოყენების უფლებას და ვალდებულება საიჯარო გადასახდელების ანაზღაურებისთვის.

იჯარის ვადის დაწყების თარიღისთვის კომპანია საიჯარო ვალდებულებას აფასებს იმ საიჯარო გადახდების დღევანდელი ღირებულების მიხედვით, რომლებიც ამ თარიღისთვის განხორციელებული არ არის. საიჯარო გადახდები დისკონტირდება იჯარაში ნაგულისხმევი საპროცენტო განაკვეთით, თუ ამ განაკვეთის განსაზღვრა შესაძლებელია. თუ ეს შეუძლებელია, გამოიყენება იჯარის ვადის დაწყების თარიღისთვის განსაზღვრული მოიჯარის ზღვრული სასესხო განაკვეთი. საიჯარო ვალდებულების შეფასებაში ცვლადი საიჯარო გადახდები მონაწილეობს იმ მოცულობით, რა მოცულობითაც დამოკიდებულია ინდექსზე ან განაკვეთზე. ცვლადი საიჯარო გადახდები თავდაპირველად ფასდება იჯარის ვადის დაწყების თარიღის მდგომარეობით ამ ინდექსის ან განაკვეთის გამოყენებით. სხვა ცვლადი საიჯარო გადახდები აღიარდება იმ პერიოდის ხარჯად, რომელსაც ისინი მიეკუთვნება. იჯარის ვადის დაწყების თარიღისთვის, კომპანიის ვალდებულება საიჯარო გადასახდელების ანაზღაურებისთვის მოიცავს: თანხებს, რომელთა გადახდა მოსალოდნელია ნარჩენი ღირებულების გარანტიების მიხედვით; შესყიდვის არჩევანის უფლების ფასს, თუ საკმარისად სარწმუნოა, რომ მოიჯარე გამოიყენებს ამ უფლებას;

იჯარის ვადამდე შეწყვეტისთვის ჯარიმებს, თუ იჯარის ვადა ასახავს მოიჯარის მიერ იჯარის ვადამდე შეწყვეტის არჩევანის უფლების გამოყენებას;

იჯარის ვადის დაწყების თარიღისთვის კომპანია აქტივების გამოყენების უფლებას თვითღირებულებით აფასებს. აქტივების გამოყენების უფლების თვითღირებულება მოიცავს: - საიჯარო ვალდებულების თავდაპირველ შეფასებას, - საიჯარო გადახდებს, რომლებიც უკვე განხორციელებულია იჯარის ვადის დაწყების თარიღისთვის, ან ამ თარიღამდე, მიღებული წამახალისებელი საიჯარო გადახდების გამოკლებით; - მოიჯარის მიერ გაწეულ თავდაპირველ პირდაპირ დანახარჯებს; და - იმ დანახარჯების შეფასებას, რომლებსაც მოიჯარე გასწევს საიჯარო აქტივის დემონტაჟისა და ლიკვიდაციის დროს საიჯარო აქტივის აღსადგენად ისეთ მდგომარეობაში მოყვანის მიზნით, რაც მოითხოვება საიჯარო ხელშეკრულების პირობებით.

- შემდგომი შეფასება

იჯარის ვადის დაწყების თარიღის შემდეგ დღევანდელი ღირებულებით შეფასებული საიჯარო ვალდებულება იზრდება პროცენტის დამატებით და მცირდება განხორციელებული საიჯარო გადახდებით. აქტივების გამოყენების უფლება მცირდება დაგროვილი ცვეთით და დაგროვილი გაუფასურების გამოკლებით. თუ საიჯარო ხელშეკრულების თანახმად საიჯარო აქტივზე საკუთრების უფლება იჯარის ვადის დასრულებისას მოიჯარეს გადაეცემა, ან აქტივების გამოყენების უფლების თვითღირებულება ასახავს მოიჯარის განზრახვას, რომ ის გამოიყენებს აქტივის შესყიდვის არჩევანის უფლებას, აქტივს ცვეთა ერიცხება იჯარის ვადის დაწყების თარიღიდან საიჯარო აქტივის სასარგებლო მომსახურების ვადის დასრულებამდე. სხვა შემთხვევაში, აქტივების გამოყენების უფლებას ცვეთა ერიცხება იჯარის ვადის დაწყების თარიღიდან შემდეგ ორ თარიღს შორის უფრო ადრინდელ თარიღამდე: აქტივების გამოყენების უფლების სასარგებლო მომსახურების ვადის დასრულებისა და იჯარის ვადის დასრულების თარიღი. საიჯარო აქტივი ამორტიზდება იჯარის ვადის შესაბამისად. იჯარის ვადის დაწყების თარიღის შემდეგ კომპანია ხელახლა აფასებს საიჯარო ვალდებულებას, საიჯარო გადახდების ცვლილებების ასახვის მიზნით. საიჯარო ვალდებულების ხელახალი შეფასების შედეგად მიღებული თანხა აღიარდება, როგორც აქტივების გამოყენების უფლების კორექტირება. თუმცა, თუ აქტივების გამოყენების უფლების საბალანსო ღირებულება მცირდება ნულამდე და ამავე დროს მცირდება საიჯარო ვალდებულების შეფასებაც, ხელახალი შეფასების თანხის დარჩენილი ნაწილი აღიარდება მოგება/ზარალში. საიჯარო ვალდებულება ხელახლა ფასდება გადასინჯული საიჯარო გადახდების და გადასინჯული დისკონტირების განაკვეთის გამოყენებით, ნებისმიერ შემდეგ შემთხვევაში, თუ: შეიცვალა იჯარის ვადა, ან შეიცვალა საიჯარო აქტივის შესყიდვის არჩევანის უფლების შეფასება. თუ შეიცვალა თანხები, რომელთა გადახდაც მოსალოდნელია ნარჩენი ღირებულების გარანტიის პირობის ფარგლებში ან შეიცვალა მომავალი საიჯარო გადახდები იმის გამო, რომ შეიცვალა ამ გადახდების განსაზღვრისთვის გამოსაყენებელი ინდექსი ან განაკვეთი, საიჯარო ვალდებულება ხელახლა ფასდება იჯარის ვადის დასაწყისში განსაზღვრული დისკონტირების განაკვეთის გამოყენებით, იმ შემთხვევის გარდა, როდესაც საიჯარო გადახდების ცვლილება გამოწვეულია საპროცენტო განაკვეთების ცვალებადობით. როცა კომპანია ახდენს იჯარის სახელშეკრულებო პირობების მოდიფიკაციას, ამ შემთხვევაში, აღრიცხვა დამოკიდებულია მოდიფიკაციის შინაარსზე: - იჯარის მოდიფიკაცია აისახება, როგორც განცალკევებული იჯარა, თუ მოდიფიკაციის შედეგად იზრდება იჯარის გამოყენების სფერო და იჯარის ანაზღაურება იზრდება გაზრდილი გამოყენების სფეროს შესაფერისი ანაზღაურებით. - იჯარის ისეთი მოდიფიკაციის შემთხვევაში, რომელიც არ აღირიცხება, როგორც განცალკევებული იჯარა, იჯარის მოდიფიკაციის ძალაში შესვლის თარიღისთვის მოიჯარე ხელახლა აფასებს საიჯარო ვალდებულებას გადასინჯული საიჯარო გადახდების დისკონტირებით გადასინჯული დისკონტირების განაკვეთის საფუძველზე. - იჯარის ისეთი მოდიფიკაციის შემთხვევაში, რომლის შედეგად მცირდება იჯარის მოქმედების სფერო, მცირდება აქტივების გამოყენების უფლების საბალანსო ღირებულება იჯარის ნაწილობრივ ან სრულად შეწყვეტის ასახვის მიზნით, მოგება/ზარალში აღიარდება ნებისმიერი შემოსულობა ან ზარალი, რომელიც დაკავშირებულია იჯარის ნაწილობრივ ან მთლიანად შეწყვეტასთან; საიჯარო ვალდებულება შემდგომში კორექტირდება იმგვარად, რომ მისმა საბალანსო ღირებულებამ ასახოს მოდიფიცირებული საიჯარო გადასახდელები მოდიფიცირებული ვადის განმავლობაში, რომლებიც დადისკონტირებულია მოდიფიკაციის თარიღისთვის არსებული განაკვეთით. ასეთ დროს, აქტივების გამოყენების უფლებაც შესაბამისი თანხით კორექტირდება. კომპანია არასაიჯარო კომპონენტებს გამოაცალკევებს საიჯარო კომპონენტებისგან.

- იჯარის ვადა

იჯარის ვადა არის იჯარის არაგაუქმებადი პერიოდი, რომლის განმავლობაშიც მოიჯარეს აქვს საიჯარო აქტივების გამოყენების უფლება, შემდეგ პერიოდებთან ერთად: ა) პერიოდები, რომლებსაც მოიცავს

იჯარის გაგრძელების არჩევანის უფლებას (მათ შორის მიღებული საქმიანი პრაქტიკით გამყარებული), თუ საკმარისად სარწმუნოა, რომ მოიჯარე ამ უფლებას გამოიყენებს; და ბ) პერიოდები, რომლებსაც მოიცავს იჯარის ვადამდე შეწყვეტის არჩევანის უფლება, თუ საკმარისად სარწმუნოა, რომ მოიჯარე ამ უფლებას არ გამოიყენებს. ხელმძღვანელობა იყენებს მსჯელობას იჯარის ვადის დადგენისას. იმის შესაფასებლად, საკმარისად სარწმუნოა თუ არა, რომ მოიჯარე გამოიყენებს იჯარის გაგრძელების უფლებას, ან არ გამოიყენებს იჯარის ვადამდე შეწყვეტის უფლებას, კომპანია განიხილავს ყველა სათანადო ფაქტს და გარემოებას, რომელიც მოიჯარეს ეკონომიკურ სტიმულს უქმნის, გამოიყენოს იჯარის გაგრძელების უფლება, ან არ გამოიყენოს იჯარის ვადამდე შეწყვეტის უფლება. კომპანია ხელახლა აფასებს, საკმარისად სარწმუნოა თუ არა, რომ ის გამოიყენებს იჯარის გაგრძელების არჩევანის უფლებას, ან არ გამოიყენებს იჯარის ვადამდე შეწყვეტის უფლებას, იმ შემთხვევაში, თუ მოხდება რაიმე მნიშვნელოვანი მოვლენა, ან მნიშვნელოვნად შეიცვლება გარემოებები, რომლებიც: ა) მოიჯარის კონტროლს ექვემდებარება; და ბ) გავლენას ახდენს იმის შეფასებაზე, საკმარისად სარწმუნოა თუ არა, რომ მოიჯარე გამოიყენებს უფლებას, რომელიც ადრე გათვალისწინებული არ ჰქონდა იჯარის ვადის დადგენისას, ან არ გამოიყენებს ისეთ უფლებას, რომელიც ადრე გათვალისწინებული ჰქონდა იჯარის ვადის განსაზღვრისას. ხელმძღვანელობა ყოველი საანგარიშგებო პერიოდის ბოლოსათვის ახდენს საიჯარო ვადების ხელახალ შეფასებას. საიჯარო ვადების ცვლილების ეფექტით ხდება აქტივის გამოყენების უფლებისა და საიჯარო ვალდებულების დაკორექტირება.

- ზღვრული სასესხო განაკვეთი

ზღვრული სასესხო განაკვეთი არის, საპროცენტო განაკვეთი, რომლის გადახდაც მსგავს ეკონომიკურ გარემოში მოუწევდა მოიჯარეს აქტივების გამოყენების უფლების ღირებულების მსგავსი ღირებულების აქტივის მოსაპოვებლად საჭირო სესხით სარგებლობისთვის, რომელსაც მსგავსი ვადა და უზრუნველყოფა ექნებოდა. ხელმძღვანელობა იყენებს მსჯელობას ზღვრული სასესხო განაკვეთის დადგენისთვის. დაკვირვებადი მონაცემების გამოყენებით განისაზღვრება ძირითადი განაკვეთი, რომელიც კორექტირდება მოიჯარისთვის დამახასიათებელი სპეციფიკური ფაქტორებით და უზრუნველყოფის (იჯარის ობიექტის) მახასიათებლებით.

- საიჯარო გადახდები

ხშირად იჯარის ხელშეკრულება არ მოიცავს ჩანაწერს (ან მოიცავს არასრულ ჩანაწერს) იჯარის განახლების/გაგრძელების შესახებ. ზემოთხსენებული უფლების არსებობა გამყარებულია მიღებული საქმიანი პრაქტიკის შესაბამისად. კომპანია ამგვარ მიღებულ საქმიან პრაქტიკას განიხილავს ხელშეკრულების შემადგენელ ნაწილად. ასეთი შემთხვევებისთვის, საიჯარო ვალდებულების განსაზღვრისას შეფასებული საიჯარო გადახდები არის უცვლელი მთელი საიჯარო ვადის განმავლობაში განახლებადი პერიოდის ჩათვლით.

მოკლევადიანი იჯარა და გრძელვადიანი იჯარა, რომლის საიჯარო აქტივს დაბალი ღირებულება აქვს კომპანიამ გადაწყვიტა მოკლევადიან იჯარასთან და დაბალი ღირებულების მქონე საიჯარო აქტივის იჯარასთან მიმართებაში გამოიყენოს გათავისუფლება. ამ იჯარასთან დაკავშირებული საიჯარო გადახდები აღირიცხება ხარჯის სახით იჯარის ვადის განმავლობაში.

- იჯარების პორტფელური აღრიცხვა

კომპანია მსგავსი მახასიათებლების მქონე საიჯარო ხელშეკრულებების პორტფელს აღრიცხავს გამარტივებული მიდგომის სახით, მხოლოდ იმ შემთხვევაში თუ კომპანია ვარაუდობს, რომ ხელშეკრულებების პორტფელთან მიმართებით იჯარის სააღრიცხვო პოლიტიკის გამოყენების გავლენა ანგარიშგებაზე არსებითად განსხვავებული არ იქნება პორტფელის შემადგენელი ცალკეული ხელშეკრულების მიმართ მისი გამოყენების შედეგისგან. ხელშეკრულებების პორტფელის მიხედვით აღრიცხვისას, კომპანია იყენებს ისეთ შეფასებებსა და დაშვებებს, რომლებიც ასახავს პორტფელის სიდიდესა და შემადგენლობას. კომპანია იყენებს ერთი დისკონტირების განაკვეთს საკმარისად მსგავსი მახასიათებლების მქონე საიჯარო ხელშეკრულებების პორტფელთან მიმართებით (როგორიცაა, მაგალითად მსგავსი კლასის საიჯარო აქტივების საიჯარო ხელშეკრულებები, რომლებსაც მსგავსი დარჩენილი იჯარის ვადა აქვთ ანალოგიურ ეკონომიკურ გარემოში და ნომინირებულია ერთი და იგივე ვალუტაში).

4.8 გადასახადები

- მოგების გადასახადი

2017 წლის 1 იანვრიდან საქართველოში ძალაშია მოგების გადასახადის ესტონური მოდელი. მის თანახმად მოგების გადასახადით დაბეგვრის საგანს წარმოადგენს: დივიდენდების განაწილება; სხვაობა გარიგების ფასსა და საბაზრო ღირებულებას შორის; ხრჯები, რომლებიც არ მიეკუთვნება ეკონომიკურ საქმიანობას; დანაკლისები; უსასყიდლოდ გადაცემული საქონელი და მომსახურება; ლიმიტს ზემოთ გაწეული წარმომადგენლობითი ხარჯები.

მოგების გადასახადის ხარჯი აღიარდება იმ საანგარიშგებო პერიოდში, როდესაც კომპანია ზემოთ ჩამოთვლილი მოვლენების შედეგად გარდა პირველისა, გაიანგარიშებს მოგების გადასახადს.

- გადავადებული გადასახადი

საქართველოს საგადასახადო კანონმდებლობაში შესული სპეციფიკური ცვლილებების გამო 2017 წლიდან საქართველოს რეზიდენტი კომპანიებისთვის აქტივების და ვალდებულებების საბალანსო და საგადასახადო ღირებულებებს შორის არ არსებობს დროებითი სხვაობები, რომელმაც შეიძლება გამოიწვიოს გადავადებული საგადასახადო აქტივების/ვალდებულებების წარმოქმნა.

- გადასახადები, გარდა მოგების გადასახადისა

გადასახადები გარდა მოგების გადასახადისა აღიარდება იმ საანგარიშგებო პერიოდში რა პერიოდშიც შესრულება დასაბეგრი ოპერაციები ან ქონების გადასახადის შემთვევაში - რა პერიოდისთვისაც წარმოიშვება საგადასახადო ვალდებულება კანონის თანახმად. წინასწარ გადახდილი გადასახადები, რომლისგანაც მოსალოდნელია მომავალში ეკონომიკური სარგებლის მიღება აღიარდება აქტივად. გადასახდელი დამატებული ღირებულების გადასახადი, რომელიც დაკავშირებულია დასაბეგრ გარიგებებთან, საგადასახადო ორგანოებისათვის გადასახდელი ხდება მომხმარებლებისთვის საქონლის ან მომსახურების მიწოდების თვის მომდევნო თვის 15 რიცხვამდე (ან უშუალოდ მომდევნო დღემდე, თუ ეს თარიღი არასამუშაო დღეს წარმოადგენს). საგადასახადო კოდექსით დადგენილია დღგ-ზე ანგარიშსწორება გაყიდვასა და შესყიდვას დღგ-ებში სხვაობაზე. დღგ აღიარებულია ფინანსური მდგომარეობის ანგარიშგებაში ასეთი სალდირების საფუძველზე.

4.9 ძირითადი საშუალებები

ძირითადი საშუალებების ერთეულის საწყისი აღიარება ხდება თვითღირებულებით. თვითღირებულების კომპონენტები მოიცავს შეძენის, ტრანსპორტირების ფასსა და უშუალოდ დაკავშირებულ დანახარჯებს, რომელიც აუცილებელია აქტივის სამუშაო მდგომარეობაში მოსაყვანად. შემდგომი დანახარჯები ჩაირთვება აქტივის საბალანსო ღირებულებაში მხოლოდ მაშინ, როდესაც შესაძლებელია აღნიშნული ტიპის დანახარჯისაგან მომავალი ეკონომიკური სარგებლის მიღება და შესაძლებელია მისი ღირებულების საიმედოდ განსაზღვრა. ყველა სხვა სახის დანახარჯი, რომელიც დაკავშირებულია მიმდინარე რემონტებთან, აღიარდება როგორც ხარჯი მისი გაწევის პერიოდში. ძირითადი საშუალებები აღირიცხება ისტორიულ ღირებულებას, დაგროვილ ცვეთასა და გაუფასურების ზარალს შორის სხვაობის თანხით. ცვეთა ერიცხება აღნიშნულ აქტივთა ჯგუფს, მთლიანად მათი სასარგებლო მომსახურების ვადის განმავლობაში. კომპანია იყენებს ცვეთის წრფივი დარიცხვის მეთოდს ძირითადი საშუალებების ყველა ჯგუფისათვის.

სასარგებლო სამსახურის ვადა და ცვეთის მეთოდი გადაიხედება ყოველი საანგარიშგებო პერიოდის ბოლოს, ღირებულების ცვლილების ეფექტის გათვალისწინებით, პერსპექტიულ საფუძველზე. იმ შემთხვევაში, თუ ძირითადი საშუალებების თითოეულ კომპონენტს გააჩნია განსხვავებული ექსპლუატაციის პირობები, მაშინ ამდაგვარ აქტივთა ჯგუფი აღირიცხება ინდივიდუალურად. ძირითადი საშუალებების ჯგუფების სასარგებლო მომსახურების ვადები მეტწილად წარმოდგენილია შემდეგნაირად:

კომპ ტექნიკა და პერიფერია	5 წელი;
ავეჯი	8 - 10 წელი;
სატრანსპორტო საშუალებები	10 წელი;
იჯარით აღებული ქონების კეთილმოწყობა	საიჯარო ხელშეკრულების მოქმედების ვადა

ძირითადი საშუალებების ცვეთის ხარჯი აღიარდება ხარჯებში, გარდა იმ შემთხვევისა, როდესაც აღნიშნული თანხა უნდა აღირიცხოს სხვა აქტივის საბალანსო ღირებულებაში. ძირითადი საშუალების ობიექტის აღიარება წყდება მისი გასხვისებისას ან როდესაც მისი შემდგომი გამოყენებიდან მომავალში ეკონომიკური სარგებლის მიღება აღარ არის მოსალოდნელი. მოგება ან ზარალი ძირითადი საშუალებების

გასვლის შედეგად განისაზღვრება საბალანსო ღირებულებისა და მიღებული წმინდა ანაზღაურების სხვაობით და აღიარდება სრული შემოსავლის ანგარიშგებაში.

4.10 საინვესტიციო ქონება

საინვესტიციო ქონებას კომპანია აქტივად აღიარებს როდესაც: ა) მოსალოდნელია, რომ საწარმო მიიღებს ამ ქონებასთან დაკავშირებულ მომავალ ეკონომიკურ სარგებელს; ბ) შესაძლებელია საინვესტიციო ქონების თვითღირებულების საიმედოდ შეფასება. საინვესტიციო ქონება აღირიცხება ისტორიულ ღირებულებას, დაგროვილ ცვეთას და გაუფასურების ზარალს შორის სხვაობის თანხით. ცვეთა ერიცხება აღნიშნულ აქტივთა ჯგუფს, მთლიანად მათი სასარგებლო მომსახურების ვადის განმავლობაში. კომპანია იყენებს ცვეთის წრფივი დარიცხვის მეთოდს. საინვესტიციო ქონების სასარგებლო მომსახურების ვადა განისაზღვრება 20-40 წლით. კომპანიის საკუთრებაში არსებულ მიწას ცვეთა არ ერიცხება. საინვესტიციო ქონების აღიარება წყდება მისი გასხვისებისას ან მაშინ, როდესაც მისი შემდგომი გამოყენებიდან მომავალში ეკონომიკური სარგებლის მიღება ადარაა მოსალოდნელი. მოგება ან ზარალი საინვესტიციო ქონების გასვლის შედეგად განისაზღვრება საბალანსო ღირებულებისა და მიღებული წმინდა ანაზღაურების სხვაობით და ჩაირთვება სრული შემოსავლის ანგარიშგებაში.

4.11 აქტივების გაუფასურება

ყოველი საანგარიშგებო პერიოდის ბოლოს საწარმო მიმოიხილავს აქტივების საბალანსო ღირებულებას რათა განსაზღვროს, არსებობს თუ არა მინიშნება აქტივის გაუფასურების შესახებ. ასეთის არსებობის შემთხვევაში, კომპანია ახორციელებს აქტივების ანაზღაურებადი ღირებულების შეფასებას. თუ შეუძლებელია ცალკეული აქტივის ანაზღაურებადი ღირებულების შეფასება, კომპანია განსაზღვრავს იმ ფულადი სახსრების წარმომქმნელი ერთეულის ანაზღაურებად ღირებულებას, რომელსაც განეკუთვნება მოცემული აქტივი. აქტივის ფულადი სახსრების წარმომქმნელი ერთეული წარმოადგენს აქტივების უმცირეს ჯგუფს, რომელიც მოიცავს მოცემულ აქტივს და წარმოქმნის ფულად სახსრებს უწყვეტი გამოყენების შედეგად, რომელთა მიღება, უმეტესწილად, დამოკიდებული არ არის სხვა აქტივებიდან ან აქტივთა ჯგუფიდან ფულადი სახსრების მიღებაზე. აქტივის (ან ფულადი სახსრების წარმომქმნელი ერთეულის) ანაზღაურებადი ღირებულება წარმოადგენს გასვლის დანახარჯებით შემცირებულ რეალურ ღირებულებასა და გამოყენების ღირებულებას შორის უდიდეს თანხას.

აქტივის გამოყენების ღირებულება არის აქტივიდან ან ფულადი სახსრების წარმომქმნელი ერთეულიდან მომავალში მისაღები ფულადი ნაკადების დისკონტირებული ღირებულება. აქტივის (ან ფულადი სახსრების წარმომქმნელი ერთეულის) საბალანსო ღირებულება უნდა შემცირდეს მის ანაზღაურებად ღირებულებამდე იმ შემთხვევაში, თუ მოცემული აქტივის (ან ფულადი სახსრების წარმომქმნელი ერთეულის) ანაზღაურებადი ღირებულება ნაკლებია მის საბალანსო ღირებულებაზე. შემცირების თანხა წარმოადგენს გაუფასურების ზარალს და აღიარდება ხარჯის სახით მოგება-ზარალის ან სხვა სრული შემოსავლის ანგარიშგებაში. ყოველი საანგარიშგებო პერიოდის ბოლოს კომპანია განსაზღვრავს არსებობს თუ არა რაიმე ნიშანი, რომლის მიხედვით წინა წლებში აღიარებული აქტივის (ან ფულადი სახსრების წარმომქმნელი ერთეულის) გაუფასურების ზარალი შესაძლოა ადარ არსებობდეს ან შემცირებული იყოს. მისი არსებობის შემთხვევაში, კომპანია აფასებს მოცემული აქტივის (ან ფულადი სახსრების წარმომქმნელი ერთეულის) ანაზღაურებად ღირებულებას. გაუფასურების ზარალის კომპენსირების შემთხვევაში იზრდება აქტივის (ფულადი სახსრების წარმომქმნელი ერთეულის) საბალანსო ღირებულება, მაგრამ არაუმეტეს იმ საბალანსო ღირებულებისა, რომელიც მიღებული იქნებოდა წინა წლებში გაუფასურების ზარალის აღიარება რომ არ მომხდარიყო.

4.12 სასაქონლო-მატერიალური მარაგები

კომპანიაში მარაგების შეფასება ხდება უმცირესი თანხით თვითღირებულებასა და ნეტო სარეალიზაციო ღირებულებას შორის. მარაგების თვითღირებულება მოიცავს მათ შეძენასა და გადამუშავებასთან დაკავშირებულ დანახარჯებს, აგრეთვე იმ დანახარჯებს რომელიც გაწეულია მის მოცემულ ადგილამდე ტრანსპორტირებისა და სათანადო მდგომარეობაში მოყვანისათვის. სასაქონლო-მატერიალური ფასეულობების შეძენის დანახარჯები მოიცავს მათი შეძენის ღირებულებას, საიმპორტო საბაჟო გადასახადს და სხვა არადაბრუნებად გადასახადებს, სატრანსპორტო, დატვირთვა-გადმოტვირთვის დანახარჯებს და მარაგების შეძენასთან უშუალოდ დაკავშირებულ სხვა დანახარჯებს. ყველა სახის სავაჭრო ფასდაკლება ამცირებს შეძენის დანახარჯებს. მარაგების ნეტო სარეალიზაციო ღირებულება არის შეფასებითი გასაყიდი ფასი გაყიდვისათვის საჭირო შეფასებითი დანახარჯების გამოკლებით.

4.13 დივიდენდები

გასაცემი დივიდენდები დგინდება კომპანიის დამფუძნებელი პარტნიორების გადაწყვეტილების საფუძველზე. დივიდენდები აღიარდება როგორც ვალდებულება და შესაბამისი თანხით მცირდება კაპიტალი. საანგარიშგებო პერიოდის შემდეგ ფინანსური ანგარიშგების დამტკიცებამდე გამოქვეყნებული დივიდენდები განიმარტება ბალანსის შემდგომ მოვლენებში.

4.16 ანარიცხები და პირობითი ვალდებულებები

პირობითი ვალდებულებები არ აისახება ფინანსურ ანგარიშგებაში, გარდა იმ შემთხვევისა, როდესაც მოსალოდნელია ეკონომიკური სარგებლის გასვლა კომპანიიდან და შესაძლებელია ამ ვალდებულების საიმედოდ შეფასება. ფინანსურ ანგარიშგებაში ასევე არ აისახება პირობითი აქტივები. მაგრამ ისეთი ფინანსური აქტივების შესახებ ინფორმაცია, რომლებთან დაკავშირებული ეკონომიკური სარგებლის შემოსვლა კომპანიაში მოსალოდნელია აისახება განმარტებით შენიშვნებში. იმ შემთხვევაში, თუ კომპანიას აქვს რწმუნება, რომ ეკონომიკური სარგებელი შემოვა კომპანიაში, მაშინ მასთან დაკავშირებული აქტივი და შემოსავალი აისახება იმ პერიოდის ფინანსურ ანგარიშგებაში, როდესაც ადგილი ჰქონდა შეფასების ცვლილებას. ანარიცხი წარმოადგენს ვალდებულებას, რომელიც დაკავშირებულია რაოდენობრივ და ღრობით განუსაზღვრელობებთან. კომპანიაში ანარიცხი აღიარდება, როდესაც კომპანიას აქვს მიმდინარე მოვალეობა (იურიდიული ან კონსტრუქციული), რომელიც წარმოიქმნება წარსული მოვლენის შედეგად და სავარაუდოა, რომ მოვალეობის დასაფარად საჭირო იქნება ეკონომიკურ სარგებელში განივებული რესურსების გასვლა; და შესაძლებელია ვალდებულების თანხის საიმედოდ შეფასება.

5. ფინანსური ინსტრუმენტები - რისკების მართვა

კომპანიის წინაშე არსებული ძირითადი რისკებია:

- საკრედიტო რისკი;
 - სავალუტო რისკი;
 - ლიკვიდურობის რისკი;
- საოპერაციო რისკი

კომპანია საოპერაციო საქმიანობის ნაწილში დგას ფინანსური ინსტრუმენტების გამოყენებიდან წარმოქმნილი რისკების წინაშე. ეს განმარტებითი შენიშვნა აღწერს კომპანიის მიზნებს, პოლიტიკებსა და პროცედურებს რისკების მართვისათვის და რისკების შეფასების მეთოდებს. ამ რისკებთან დაკავშირებული დამატებითი რაოდენობრივი ინფორმაცია წარმოდგენილია ფინანსურ ანგარიშგებაში.

ფინანსური ინსტრუმენტების ძირითადი კატეგორიები

კომპანიის ძირითადი ფინანსური ვალდებულებები მოიცავს სავაჭრო და სხვა ვალდებულებებს, საიჯარო ვალდებულებებს. ამ ფინანსური ინსტრუმენტების მთავარი მიზანია კომპანიის ფინანსური უზრუნველყოფა. კომპანიას გააჩნია ისეთი ფინანსური აქტივები როგორიცაა სავაჭრო და სხვა მოთხოვნები, ფული და ფულის ეკვივალენტები. ფინანსური ინსტრუმენტების ძირითადი კატეგორიები წარმოდგენილია შემდეგნაირად:

დასახელება	31/12/24	31/12/23
ფული და ფულის ეკვივალენტები	2,003,552	1,349,344
მოკლევადიანი მოთხოვნები	1,936,005	2,193,173
საგადასახადო აქტივები	43,705	50,438
მოკლევადიანი ვალდებულებები	2,012,531	2,420,439
გრძელვადიანი საიჯარო ვალდებულებები	1,544,868	1,856,350

- ფინანსური ინსტრუმენტების რეალური ღირებულება

რეალური ღირებულება არის საფასური, რომელიც მიიღება აქტივის გაყიდვისას ან გადაიხდება ვალდებულების გადასაცემად ორგანიზებულ ოპერაციაში საბაზრო მონაწილეებს შორის შეფასების დღეს, ან ასეთის არ არსებობის შემთხვევაში იმ ბაზრის მიხედვით რომელზეც აქვს წვდომა კომპანიას და ყველაზე ხელსაყრელია მოცემული თარიღისათვის. როცა შესაძლებელია, ინსტრუმენტის რეალურ ღირებულებას კომპანია განსაზღვრავს მოცემული ინსტრუმენტის მოქმედ ბაზარზე კოტირებული ფასით. ბაზარი მოქმედად ითვლება, თუ აქტივებისა და ვალდებულებების ოპერაციები მიმდინარეობს საკმარისი

სიხშირითა და მოცულობით, რათა უზრუნველყოს ინფორმაცია ფასების თაობაზე მუდმივ რეჟიმში. თუ მოქმედ ბაზარზე არ არსებობს კოტირებული ფასი, კომპანია რეალურ ღირებულებას განსაზღვრავს შეფასების მეთოდების გამოყენებით. შერჩეული შეფასების მეთოდი მაქსიმალურად იყენებს დაკვირვებად საბაზრო მონაცემებს, მინიმალურად ეყრდნობა არასაბაზრო მონაცემებს და ითვალისწინებს ყველა იმ ფაქტორს, რომლებსაც ბაზრის მონაწილეები ფასის დადგენისას მიიღებდნენ მხედველობაში. თავდაპირველი აღიარებისას ამა თუ იმ ფინანსური ინსტრუმენტის რეალური ღირებულების საუკეთესო მტკიცებულება არის გარიგების ფასი, ანუ გადახდილი ან მიღებული საკომპენსაციო თანხის რეალური ღირებულება. თუ კომპანია გადაწყვეტს, რომ რეალური ღირებულება თავდაპირველი აღიარებისას განსხვავდება გარიგების ფასისგან და რეალური ღირებულება არ დასტურდება იდენტური აქტივის ან ვალდებულების მოქმედ ბაზარზე არსებული კოტირებული ფასით, ასევე, ეს ღირებულება არ ეფუძნება შეფასებას ისეთი მეთოდის საფუძველზე, რომლის ცვლადებიც მოიცავენ მხოლოდ დაკვირვებადი ბაზრების მონაცემებს, ასეთ შემთხვევაში ფინანსური ინსტრუმენტი თავდაპირველად შეფასდება რეალური ღირებულებით, რომელიც დაკორექტირდება სხვაობით ამ ღირებულებასა და გარიგების ღირებულებას შორის. ნებისმიერი სხვაობა ამ ღირებულებასა და შეფასების მეთოდით მიღებულ თავდაპირველ ღირებულებას შორის მოგვიანებით სათანადო წესით აღიარდება მოგებაში ან ზარალში, ინსტრუმენტის სასიცოცხლო ვადის განმავლობაში, მაგრამ არაუგვიანეს იმ დროისა, როცა შეფასება მთლიანად ეყრდნობა დაკვირვებადი ბაზრის მონაცემებს ან როდესაც გარიგება დაიხურება. კომპანია აღგენს რეალურ ღირებულებას შემდეგი იერარქიის გამოყენებით, რომელიც ასახავს შეფასების გაკეთებისას გამოყენებული მონაცემების მნიშვნელობას: დონე 1: კოტირებული საბაზრო ფასი (კორექტირების გარეშე) მოქმედ ბაზარზე ანალოგიური ფინანსური ინსტრუმენტისთვის; დონე 2: მონაცემები გარდა იმისა, რაც შედის პირველ დონეში და რომლებიც თვალსაჩინოა როგორც პირდაპირ (ფასები), ასევე ირიბად (ფასებისაგან წარმოებული). ეს კატეგორია მოიცავს ინსტრუმენტებს, რომლებიც ფასდება შემდეგი მონაცემების გამოყენებით: მოქმედ ბაზრებზე კოტირებული საბაზრო ფასები მსგავსი ფინანსური ინსტრუმენტებისთვის; კოტირებული ფასები მსგავსი ინსტრუმენტებისთვის, რომლებიც ნაკლებად აქტიურად მიიჩნევა; ან შეფასების სხვა მეთოდები, რომლის ფარგლებშიც ყველა მნიშვნელოვანი მონაცემი არის პირდაპირ ან ირიბად თვალსაჩინო, საბაზრო მონაცემებიდან გამომდინარე; დონე 3: არათვალსაჩინო მონაცემები. აღნიშნული კატეგორია მოიცავს ყველა ინსტრუმენტს, რომლის ფარგლებში შეფასების მეთოდიცა მოიცავს მონაცემებს, რომლებიც არ ეყრდნობიან თვალსაჩინო მონაცემებს და არათვალსაჩინო მონაცემები მნიშვნელოვან გავლენას ახდენენ ინსტრუმენტის შეფასებაზე. აღნიშნული კატეგორია მოიცავს ინსტრუმენტებს, რომელთა შეფასება ხდება მსგავსი ინსტრუმენტებისთვის კოტირებული ფასების საფუძველზე, რომლის ფარგლებში მნიშვნელოვანი არათვალსაჩინო კორექტირებები ან დაშვებებია საჭირო, რათა აისახოს სხვაობები ინსტრუმენტებს შორის. რეალური ღირებულების შეფასება, რომელიც გამოყენებულია ამორტიზებული ღირებულებით აღრიცხული ფინანსური ინსტრუმენტებისთვის - სხვა ინვესტიციები, სავაჭრო და სხვა მოთხოვნები, გაცემული სესხები, სავაჭრო და სხვა ვალდებულებები, საიჯარო ვალდებულებები მოხდა მე-2 და მე-3 იერარქიის საფუძველზე. აღნიშნული იერარქიებისთვის მოხდა დისკონტირებული ფულადი ნაკადების მეთოდის გამოყენებით. რეალური ღირებულების შეფასება არაკოტირებული ფიქსირებული საპროცენტო განაკვეთის მქონე ფინანსური ინსტრუმენტებისთვის მოხდა მოსალოდნელი მომავალი ფულადი ნაკადების საფუძველზე, რომელიც დადისკონტირებულია მიმდინარე საპროცენტო განაკვეთით, რომელიც დამახასიათებელია მსგავსი საკრედიტო რისკის და დაფარვის ვადის მქონე ახალი ფინანსური ინსტრუმენტისთვის. 2024 და 2023 წლების 31 დეკემბერს დასრულებული წლებისთვის არ მომხდარა ცვლილება მე-2 და მე-3 დონის შეფასების იერარქიისთვის გამოყენებულ შეფასების მეთოდოლოგიაში. ფული და ფულის ეკვივალენტების რეალური ღირებულება შეფასებულია პირველი დონის

- კაპიტალის მართვა

კომპანია თავის კაპიტალთან დაკავშირებულ რისკს მართავს იმისათვის, რომ უზრუნველყოს ფუნქციონირებად საწარმოდ დარჩენა და ამავდროულად დაინტერესებული მხარეების უკუგების მაქსიმუმიზაცია, მოზიდული და საკუთარი კაპიტალის ოპტიმალური ბალანსის დაცვის გზით. კომპანიის მენეჯმენტი რეგულარულად მიმოიხილავს კაპიტალის სტრუქტურას. ზოგადი მიზნები, პოლიტიკა და პროცესები კომპანიის ხელმძღვანელობას გააჩნია საერთო პასუხისმგებლობა კომპანიის რისკების მართვის მიზნებისა და პოლიტიკის განსაზღვრისთვის, ამასთანავე, პასუხისმგებლობის შენარჩუნებასთან ერთად, მიზნებისა და პროცესების ეფექტურად დანერგვისთვის მას დელეგირებული აქვს პროცესების შემუშავებისა და ოპერირების უფლება კომპანიის ფინანსური მხარისთვის. კომპანიის მენეჯმენტი ღებულობს ყოველთვიურ ანგარიშგებას კომპანიის ფინანსური მხარისგან, მიმოიხილავს თავიანთი დასახული მიზნებისა და პოლიტიკის შესრულებისათვის განხორციელებული პროცესების ეფექტურობას.

კომპანიის მენეჯმენტის მთავარი მიზანი არის დაიცვას კომპანია რისკის მიუღებელი დონისაგან და საშუალება მისცეს მას მიაღწიოს საქმიანობის მიზანს. აღნიშნულ პოლიტიკასთან დაკავშირებული დამატებითი ინფორმაცია მოცემულია ქვემოთ.

- სავალუტო რისკი

სავალუტო რისკი განისაზღვრება, როგორც რისკი იმისა, რომ ფინანსური ინსტრუმენტების ღირებულება მერყევი იქნება სავალუტო კურსის ცვალებადობის გამო. უცხოურ ვალუტაში არსებული ფინანსური აქტივებისა და ვალდებულებების საბალანსო ღირებულება წარმოდგენილია შემდეგნაირად:

აქტივები	31/12/24	31/12/23
ფული ევროს საბანკო ანგარიშზე	EUR 784	EUR 10,068
ფული აშშ დოლარის საბანკო ანგარიშზე	\$36,309	\$198,488

უცხოურ ვალუტაში არსებული მცირე აქტივები მოცემულ კონკრეტულ შემთხვევაში კომპანიას არსებითი რისკების წინაშე ვერ აყენებენ.

ვალდებულებები	31/12/24	31/12/23
სავაჭრო ვალდებულებები	არ გააჩნია	არ გააჩნია
საიჯარო ვალდებულებები	\$13,000	

კომპანიის ხელმძღვანელობის მიერ სავალუტო რისკის მინიმიზაციისათვის გადადგმული აქვს ქმედითი ნაბიჯები: იმპორტულ საქონელზე (მთლიანად) სავაჭრო ვალდებულებების ვალუტა არის ქართული ლარი. იმის გამო, რომ მომწოდებელთან საბანკო ტრანზაქციები ვერ ხდება ლარებში, ნავაჭრი ამონაგები გადარცხვის უშუალოდ წინა პერიოდში კონვერტირდება დოლარში და დოლარი ირიცხება სპოტ კურსით ლარის მიმართ. რაც შეეხება მოკლევადიან საიჯარო ვალდებულებებს, სავალუტო რისკი, როგორც ცხრილიდან ჩანს, არაარსებითია.

- საკრედიტო რისკი

საკრედიტო რისკი არის ფულადი ზარალის მიღების რისკი დებიტორის ან სხვა კონტრაგენტის მიერ დავალიანების დაუფარავობის შემთხვევაში. კომპანიის საფრთხეს საკრედიტო რისკთან დაკავშირებით განაპირობებს თითოეული მომხმარებლის მახასიათებლები. კომპანიის საკრედიტო რისკი განპირობებულია გაცემული სესხებით, სავაჭრო და სხვა მოთხოვნებით და ფული და ფულის ეკვივალენტებით (გარდა ნაღდი ფულისა). კომპანია საკრედიტო რისკს მართავს გარკვეული პრინციპების საფუძველზე, რომლებიც ითვალისწინებს ყველა დაუფარავი საკრედიტო თანხის დაფარვის კონტროლს და პრობლემური ფინანსური აქტივების ინტენსიურ მართვას. საკრედიტო რისკის მონიტორინგის მიზნით, კომპანია მომხმარებლებს აერთიანებს მათი ვადაგადაცემის სტატუსის მიხედვით. საკრედიტო რისკის სამართავად კომპანია განიხილავს არის თუ არა დებიტორი სახელმწიფო, დაკავშირებული მხარე ან სხვა იურიდიული პირი. ფინანსური აქტივების საბალანსო ღირებულება წარმოადგენს მაქსიმალურ საკრედიტო რისკს (გარდა ნაღდი ფულისა). კომპანია საკრედიტო რისკის მართვის პოლიტიკის ფარგლებში ახორციელებს ფინანსური აქტივების საკრედიტო ხარისხის ანალიზს. სავაჭრო და სხვა მოთხოვნების საკრედიტო ხარისხის ანალიზი 2024 წლის 31 დეკემბრის მდგომარეობით, რომელიც არ შეიცავს არსებით მოთხოვნებს დაკავშირებული მხარეების მიმართ (საექვო და უიმედო მოთხოვნები გადაცემულია ფაქტორინგის წესით არცთუ შორეულ წარსულში) შემდეგია:

დასახელება	სულ	ხანდაზმულობა				
	31/12/24	თვემდე	3 თვემდე	180 დღემდე	წლამდე	წელზე მეტი
მოთხოვნები მიწოდებიდან და მომსახურებიდან	1,936,005	946,168	97,558	62,860	134,047	695,372
გაუფასურება თანხა	965,342	33,372	44,375	58,176	134,047	695,372

- ლიკვიდურობის რისკი

ლიკვიდურობის რისკში იგულისხმება საკმარისი ფინანსური რესურსის არსებობა, რათა მოხდეს ფინანსური ვალდებულებების დაფარვა შესაბამის ვადაში. ლიკვიდურობის რისკის მართვისთვის ხელმძღვანელობა ახორციელებს სისტემატიურ ზედამხედველობას მოსალოდნელ მომავალ ფულად ნაკადებზე, რომელიც წარმოადგენს აქტივებისა და ვალდებულებების მართვის პროცესის ნაწილს. კომპანია ახდენს ლიკვიდურობის რისკების კონტროლს ვადიანობის ანალიზის მიხედვით და განსაზღვრავს კომპანიის სტრატეგიას მომავალი ფინანსური პერიოდისთვის. მოყვანილი ცხრილებიდან ჩანს, რომ კომპანიის ფინანსური ვალდებულებები შედგება მიმდინარე სავაჭრო და გრძელვადიანი საიჯარო ვალდებულებებისაგან.

დასახელება	1 წლამდე	1-5 წელი
მოკლევადიანი სავაჭრო ვალდებულებები	2,012,531	
გრძელვადიანი საიჯარო ვალდებულებები		1,544,868

კომპანიის პოზიციაა, რომ აქვს საკმარისი ლიკვიდობა (სწრაფი ლიკვიდობის კოეფიციენტი ძალიან მაღალია), რომ შეასრულოს მიმდინარე ვალდებულებები. ფული და ფულის ექვივალენტების ოდენობა უკვე ტოლია მიმდინარე ვალდებულებებისა, ამას ემატება მოკლევადიანი მოთხოვნები და მარაგები. კომპანიას ასევე კარგი პოზიცია აქვს გრძელვადიან საიჯარო ვალდებულებებში. საიჯარო ხელშეკრულებების კომპანიის მიერ ცალმხრივი გაუქმების შემთხვევაში პირგასამტეხლობები ორი თვის საიჯარო ქირას არ აღემატება.

6. ა1 ფული და ფულის ეკვივალენტები

დასახელება	31/12/24	31/12/23
ფული და ფულის ექვივალენტები	2,003,552	1,349,344

ფულის და ფულის ექვივალენტების საბალანსო ღირებულება შეესაბამება მათ რეალურ ღირებულებას. დამატებითი ინფორმაცია ფულის და ფულის ეკვივალენტების შესახებ იხილეთ მე-5 შენიშვნაში.

ა2. მოკლევადიანი მოთხოვნები

დასახელება	31/12/24	31/12/23
მოკლევადიანი მოთხოვნები	1,936,005	2,193,173

არ შეიცავს მოთხოვნებს დაკავშირებული მხარეების მიმართ, უიმედო და საეჭვო ვალების მიმართ მიდგომა აღწერილია დამატებით ინფორმაციაში სავაჭრო და სხვა მოთხოვნების შესახებ. იხილეთ მე-5 შენიშვნა.

ა3. მარაგები

დასახელება	31/12/24	31/12/23
სასაქონლო-მატერიალური მარაგი	1,413,849	2,248,430

კომპანიამ წლის ბოლოს გადახდა მარაგს, რათა შეეფასებინა უმცირესი ღირებულებით თვითღირებულებასა და შესაძლო სარეალიზაციო ღირებულებას შორის. ვადაგასული და გასაყიდად გაუვარგისებული საქონლის დროული ჩამოწერის გამო შესაძლო სარეალიზაციო ღირებულება თვითღირებულებაზე ქვემოთ არ ჩამოსულა.

ა5. საგადასახადო აქტივები და ვალდებულებები.

დასახელება	31/12/24	31/12/23
საგადასახადო აქტივები	43,705	50,438

წარმოადგენს საანგარიშო პერიოდის დასრულებიდან 15 დღეში გადასახდელ დღგ-ს, რომელიც დროულად იქნა გადახდილი.

ა6. გრძელვადიანი იჯარა, აქტივის გამოყენების უფლება, გრძელვადიანი საიჯარო ვალდებულებები

	საანგ პერ	შესადარ პერ
ა) აქტივების გამოყენების უფლებების ცვეთის ხარჯი საიჯარო აქტივის კლასის შესაბამისად;	399,213	499,017
ბ) საიჯარო ვალდებულებებთან დაკავშირებული საპროცენტო ხარჯი;	177,614	231,285
გ) მე-6 პუნქტის გამოყენებით აღრიცხულ მოკლევადიან იჯარასთან დაკავშირებული ხარჯი. ეს ხარჯი არ უნდა მოიცავდეს ისეთ იჯარასთან დაკავშირებულ ხარჯს, რომლის ვადაა არაუმეტეს ერთი თვე	-	-
დ) მე-6 პუნქტის გამოყენებით აღრიცხული ხარჯი, რომელიც დაკავშირებულია დაბალი ღირებულების მქონე აქტივების იჯარასთან. ეს ხარჯი არ უნდა მოიცავდეს დაბალი ღირებულების მქონე აქტივების ისეთ მოკლევადიან იჯარასთან დაკავშირებულ ხარჯს, რომელიც მითითებულია 53(გ) პუნქტში;	-	-
ე) ცვლად საიჯარო გადახდებთან დაკავშირებული ხარჯი, რომელიც გათვალისწინებული არ იყო საიჯარო ვალდებულებების შეფასებაში;	-	-
ვ) შემოსავალი, რომელიც მიღებულია გამოყენების უფლების აქტივების ქვეიჯარიდან;	-	-
ზ) იჯარასთან დაკავშირებით საწარმოდან გასული ფულადი ნაკადების ჯამური თანხა;	549,020	638,733
თ) აქტივების გამოყენების უფლებების ცვლილება; (ხელშეკრულების ცვლილება)	-265,521	670,197
ი) შემოსულობა და ზარალი, რომელიც მიღებულია უკუიჯარის პირობით გაყიდვის ოპერაციებიდან; და	-	-
კ) აქტივების გამოყენების უფლებების საბალანსო ღირებულება საანგარიშგებო პერიოდის ბოლოს, საიჯარო აქტივის კლასის შესაბამისად.	1,596,853	1,996,067

კომპანიის საიჯარო ხელშეკრულებები მოიცავს საოპერაციო საქმიანობისთვის განკუთვნილ სასაწყობო ფართების იჯარას. იჯარების სახელშეკრულებო პერიოდი ზოგ ხელშეკრულებაში მითითებულია გარკვეული ვადით, ავტომატური გაგრძელების შესაძლებლობით და ამიტომ შეფასებულია 5 წლით გასული პერიოდების გამოცდილების გათვალისწინებით. საიჯარო გადასახდელები ნომინირებულია ლარში და დოლარში. გამარტივებული მიდგომის სახით კომპანია პორტფელურად აღრიცხავს მსგავსი მახასიათებლების მქონე საიჯარო ხელშეკრულებებს, რადგან ვარაუდობს რომ ხელშეკრულებების პორტფელთან მიმართებით სტანდარტის გამოყენების გავლენა ფინანსურ ანგარიშგებაზე არსებითად განსხვავებული არ არის პორტფელის შემადგენელი ცალკეული ხელშეკრულების მიმართ მისი გამოყენების შედეგისგან. ხელშეკრულებების პორტფელის მიხედვით აღრიცხვისას, კომპანია იყენებს ისეთ შეფასებებსა და დაშვებებს, რომლებიც ასახავს პორტფელის სიდიდესა და შემადგენლობას.

აქტივის გამოყენების უფლება წარმოდგენილია შემდეგნაირად:

დასახელება	31/12/23	დარიცხული ცვეთა	31/12/24
აქტივის გამოყენების უფლება	1,996,067	399,213	1,596,853

საიჯარო ვალდებულებები წარმოდგენილია შემდეგნაირად:

დასახელება	31/12/23	ვალდ შემცირება	31/12/24
გრძელვად საიჯარო ვალდ-ბი	1,856,350	420,568	1,544,868

იჯარამ განიცადა მოდიფიკაცია, რომელიც არ საჭიროებს განცალკევებულ იჯარად ასახვას: ხელშეკრულებაში შევიდა ცვლილება - შეიცვალა მეიჯარე, მცირედ შეიცვალა ფართები და შესაბამისად, საიჯარო გადასახდელები.

კომპანია უმეტესი იჯარის შემთხვევაში აღიარებს აქტივის გამოყენების უფლების სახით არსებულ აქტივს და საიჯარო ვალდებულებას. აქტივების გამოყენების უფლება აღიარებულია საიჯარო ვალდებულებების ტოლი თანხით შესწორებული წინასწარი გადახდებით და დარიცხული ვალდებულებით. საიჯარო ვალდებულებები აღიარებულია მომავალი საიჯარო გადასახდელების ზღვრული სასესხო განაკვეთით დისკონტირებული ღირებულებით. ზღვრული სასესხო განაკვეთი არის საპროცენტო განაკვეთი, რომლის გადახდაც მსგავს ეკონომიკურ გარემოში მოუწევდა მოიჯარეს აქტივების გამოყენების უფლების ღირებულების მსგავსი ღირებულების აქტივის მოსაპოვებლად საჭირო სესხით სარგებლობისთვის, რომელსაც მსგავსი ვადა და უზრუნველყოფა ექნებოდა. დოლარში არსებულ საიჯარო ხელშეკრულებებზე წლიური 8 - 10% და ლარში არსებულ საიჯარო ხელშეკრულებებზე - 8 - 12%.

ა7. ძირითადი საშუალებები და მიწის ნაკვეთები

	საწყ ღირ პერ დასაწყის ში	აკუმ ცვეთა პერ დასაწყისში	საბალ ღირ პერ დასაწყის ში	შემოსვ ლა საანგ პერ	გასვლა საანგ პერ	ცვეთა საანგ პერიოდში	საბალ ღირ პერ ბოლოს
დაუმთავრ მშენ	58,888		58,888	98,598	-113,125		44,361
მანქანა-დანადგარები	459,546	-358,887	100,659	25,360	-621	-12,700	112,698
ოფისის აღჭურვილობა	854,506	-712,831	141,675	68,392	0	-61,762	148,306
ავეჯი და სხვა ინვენტარი	75,716	-59,600	16,116	0	-5,976	-1,599	8,540
იჯარით აღებული ქონების კეთილმოწყობა	152,889	-147,102	5,787	0	0	-798	4,989
	1,601,545	-1,278,420	323,125	192,350	-119,722	-76,859	318,895

შესადარისი პერიოდის მონაცემები:

2023 ძირითადი საშუალებები	დაუმთ მშენ	მანქანა - დანად გარები	სატრან სპორტ ო საშუა ლებები	ავეჯი და მოწყო ბილობა	საოფი სე აღჭურ ვილობა	იჯარით აღებული ქონების კეთილმო წყობა	ჯამი
<u>ღირებულება</u>							
შესადარისი პერიოდის ნაშთი	137,781	406,098		75,716	742,238	152,889	1,514,722
დამატება	119,513	80,326			148,003		347,842
გასვლა	198,406	26,879			35,735		261,019
ნაშთი პერიოდის ბოლოს	58,888	459,546		75,716	854,506	152,889	1,601,545
<u>ცვეთა და გაუფასურება</u>							

შესადარისი პერიოდის ნაშთი		379,746		57,542	659,814	146,303	1,243,405
წლის ხარჯი/დარიცხვა		6,020		2,058	53,244	798	62,120
გაუფასურება							
გასვლა		26,879			227		27,106
ნაშთი პერიოდის ბოლოს		358,887		59,600	712,831	147,102	1,278,420
ნეტო საბალანსო ღირებულება							
პერიოდის ბოლოს	58,888	100,659		16,116	141,675	5,787	323,125

სასარგებლო სამსახურის ვადები განსაზღვრულია შემდეგი ხანგრძლივობით:

სატრანსპორტო საშუალებები - 10 წელი;

ავეჯი - 10 წელი;

საოფისე კომპიუტერული ტექნიკა და პერიფერია - 5 წელი;

ა8. არამატერიალური აქტივები

		სხვა არამატ აქტივები
პერიოდის დასაწყისი (შესადარებელი პერიოდის ბოლოს)	ისტორიული ღირ	177,488
	აკუმულირებული ცვეთა	107,131
	ნეტო საბალანსო ღირებულება	70,357
საანგარიშო პერიოდის ბოლოს	შემოსვლა	
	გასვლა	
	ცვეთა	70,357
საანგარიშო პერიოდის ბოლოს	ისტორიული ღირ	
	აკუმულირებული ცვეთა	
	ნეტო საბალანსო ღირებულება	0

წარმოადგენდა პროგრამული უზრუნველყოფისა და სხვა მცირე აქტივების ღირებულებას, რომელმაც განიცადა სრული ამორტიზაცია;

ა9. მოკლევადიანი ვალდებულებები

დასახელება	31/12/24	31/12/23
მოკლევადიანი ვალდებულებები	2,012,531	2,420,439

წარმოადგენს მხოლოდ სავაჭრო ვალდებულებებს, სხვა მნიშვნელოვანი ვალდებულებები კომპანიას არ აქვს. ამორტიზებული ღირებულებით შეფასებული ფინანსური ვალდებულებების საბალანსო ღირებულება უახლოვდება სამართლიან ღირებულებას მათი მოკლევადიანი ხასიათის გამო. დამატებითი ინფორმაცია სავაჭრო და სხვა ვალდებულებების შესახებ იხილეთ მე-5 შენიშვნაში.

ა10. კაპიტალი

	საწესდებო კაპიტალი	მოგება ან/და ზარალი	სულ კაპიტალი	
	ბალანსი 31.12.2022 მდგომარეობით	176,000	4,061,192	4,237,192
2023	წმინდა მოგება პერიოდში		-268,272	
	გადახდილი დივიდენდი			
	საწესდებო კაპიტალის ზრდა/კლება			
	ბალანსი 31.12.2023 მდგომარეობით	176,000	3,792,920	3,968,920
2024	წმინდა მოგება პერიოდში		301,940	
	გადახდილი დივიდენდი		-510,680	
	საწესდებო კაპიტალის ზრდა/კლება			
	ბალანსი 31.12.2024 მდგომარეობით	176,000	3,584,180	3,760,180

კაპიტალი გაზრდილია საანგარიშო პერიოდის წმინდა მოგებით, დამფუძნებელი პარტნიორის შენატანებით და შემცირებულია გამოცხადებული და გაცემული დივიდენდებით. სხვა ცვლილებები არ განხორციელებულა.

ბ1 შემოსავლები საქონლის რეალიზაციიდან და სხვა საოპერაციო შემოსავალი

დასახელება	2024 წ	2023 წ
შემოსავალი რეალიზაციიდან	19,722,259	22,028,181
შემოსავლები საურავებიდან და სხვა მცირე საოპერაციო შემოსავლი	621,604	670,836
სულ საოპერაციო შემოსავლები	20,343,863	22,699,017

საქონლის რეალიზაცია აღწერილია ზოგად ინფორმაციაში საწარმოს შესახებ. შემოსავალი აღიარდება ღრის იმ მომენტში, როდესაც მომხმარებელს გადაეცემა კონტროლი საქონელზე.

ბ1.1 სხვა არასაოპერაციო შემოსავლები.

არასაოპერაციო საპროცენტო შემოსავლები	59,940	51,550
--------------------------------------	--------	--------

პროცენტები დაერიცხა ბანში არსებულ ნაშთებს, რომლებიც განთავსდა შეძლებისდაგვარად მაღალპროცენტიან ანაბრების ან მსგავსი ტიპის ანგარიშებზე.

ბ2 რეალიზებული საქონლის ღირებულება

დასახელება	2024	2023
რეალიზებული საქონლის თვითღირებულება	-10,015,933	-13,303,066

წარმოადგენს რეალიზებული საქონლის: პარფიუმერია, კოსმეტიკა, ტანსაცმ, აქსესუარები თვითღირებულებას.

ბ2.1 საოპერაციო ხარჯები გარდა რეალიზ საქ თვითღირებულებისა

დასახელება	2024	2023
------------	------	------

ზონალური მენეჯერების საკომისიოები	-4,297,494	-4,164,190
შრომის ანაზღაურება	-1,859,864	-1,674,476
მიწოდების და ტრანსპორტირების ხარჯები	-1,317,185	-1,337,631
საკონსულტაციო ხარჯები	-265,309	-559,865
აგუ ცვეთა	-399,213	-499,017
რეკლამის ხარჯები	-238,623	-400,602
კონფერენციებისა და მოგზაურობის ხარჯები	-166,807	-114,591
დანაკლისები და გაუვარგისება	-49,678	-239,458
სხვა ზედნაღები და ადმინ ხარჯები	-347,399	-78,834
კოლექციის ხარჯები	-98,563	-80,360
კომუნიკაციის ხარჯები	-34,719	-53,595
ცვეთა და ამორტიზაცია	-76,859	-62,120
კომუნალური ხარჯი	-39,012	-48,767
საგადასახადო ხარჯები	-142,229	-30,606
ქველმოქმედების ხარჯები	-80,682	-36,448
აგუ საპროც ხარჯი	-177,614	-231,285
უიმედო ვალების ხარჯები	-186,667	-23,357
დაცვის ხარჯები	-32,479	-26,860
საკანცელარიო საქონლის ხარჯები	-6,365	-6,635
გრძელვად იჯარის მოდიფიკაცია (არაგანცალკ)	-265,521	
ჯამი	-10,082,279	-9,668,697

ბ2.3 სხვა სრული შემოსულობები და ხარჯები

სხვა სრული შემოსულ/ხარჯები სავალ. ნაშთ. გადაფასებიდან	-3,651	-47,076
---	--------	---------

წარმოადგენს მონეტარულ ანგარიშებზე არსებული ნაშთების გადაფასებას ბალანსის შედგენის თარიღისათვის.

2024 და 2023 წლების 31 დეკემბერს დასრულებული წლისთვის აუდიტორულ კომპანიაზე გაწეული წლიური ფინანსური ანგარიშგების აუდიტის მომსახურების ღირებულება შეადგენს 15 ათას ლარს.

23. პირობითი ვალდებულებები

სასამართლო დავები.

კომპანიას არ ქვს მიმდინარე სასამართლო დავა

გადასახადები

კომპანიას მიაჩნია, რომ ყველა გადასახადი გაანგარიშებული და დეკლარირებული აქვს ზუსტად და ღრულად. ამიტომ არანაირი ანარიცხი არ წარადგინა ფინანსურ ანგარიშგებაში.

თავდებობა

კომპანია თავდებაში არ უდგას არავის.

24. დაკავშირებული მხარეები

კომპანიის დაკავშირებული მხარეები არიან: დამფუძნებელი პარტნიორები, დირექტორი, შვილობილი და მეკავშირე საწარმოები. დაკავშირებული მხარის იდენტიფიკაციისათვის გაითვალისწინება არა მხოლოდ წმინდა იურიდიული მხარე, არამედ მისი შინაარსი. კომპანიას დაკავშირებულ მხარეებთან სავაჭრო,

სასესხო ან სხვა მოთხოვნა-ვალდებულებები არ აქვს, არ აქვს არსებითი ოპერაციებიც, გარდა დირექტორის ხელფასისა. ყველა სხვა მაჩვენებელი განმარტებულია შესაბამის შენიშვნაში.

პარტნიორები:

შეზღუდული პასუხისმგებლობის საზოგადოება ეივონ ნეზერლენდს ჰოლდინგს, 34209926 /ნიდერლანდები/, 03.08.2004. საანგარიშო პერიოდში მასზე გაიცა დივიდენდი 510,680£.

დირექტორი: ნანა კვირჩილაძე.

25. საანგარიშგებო პერიოდის შემდგომი მოვლენები

საანგარიშგებო წლის შემდეგ კომპანიაში მნიშვნელოვან მოვლენებს ადგილი არ ჰქონია.

დირექტორი:
29/9/2025

ნანა კვირჩილაძე

შპს „შპს ეივონ კოსმეტიკს საქართველო“
(სკ 204556426)

ინდივიდუალური ფინანსური და მმართველობის ანგარიშგება,
დამოუკიდებელი აუდიტორის დასკვნა
2024 წლის 31 დეკემბერს დასრულებული წლისთვის

სარჩევი

დამოუკიდებელი აუდიტორის დასკვნა	2
მმართველობის ანგარიშგება	5
ფინანსური ანგარიშგება	
ფინანსური მდგომარეობის ანგარიშგება	8
მოგების ან/და ზარალის და სხვა სრული შემოსულობების ანგარიშგება	9
ფულადი სახსრების მოძრაობის ანგარიშგება	10
კაპიტალის მოძრაობის ანგარიში	11
ფინანსურ მდგომარეობასთან არსებული განმარტებითი შენიშვნები	12

დამოუკიდებელი აუდიტორის დასკვნა

შპს ეივონ კოსმეტიკს საქართველოს (ს/ნ 204556426) 2024 წლის 31 დეკემბრის მდგომარეობით დასრულებული საანგარიშო პერიოდის ინდივიდუალური ფინანსური და მმართველობის ანგარიშგების შედეგების შესახებ

აუდიტორის მოსაზრება ფინანსურ ანგარიშგებაზე

ჩვენ ჩავატარეთ “შპს ეივონ კოსმეტიკს საქართველოს” (204556426) (შემდგომში „კომპანია“) ინდივიდუალური ფინანსური ანგარიშგების აუდიტი, რომელიც მოიცავს 2024 წლის 31 დეკემბრის მდგომარეობით დასრულებული საანგარიშგებო პერიოდის ფინანსური მდგომარეობის ანგარიშგებას, აღნიშნული თარიღით დასრულებული წლის მოგება-ზარალისა და სხვა სრული შემოსავლის ანგარიშგებას, საკუთარი კაპიტალის ცვლილებების ანგარიშგებას, ფულადი ნაკადების მოძრაობის შესახებ ანგარიშგებას და ფინანსურ ანგარიშგებაზე დართულ განმარტებით შენიშვნებს, მათ შორის მნიშვნელოვანი სააღრიცხვო პოლიტიკების მოკლე მიმოხილვას.

ჩვენი აზრით თანდართული ფინანსური ანგარიშგება უტყუარად და სამართლიანად ასახავს კომპანიის ფინანსურ მდგომარეობას 2024 წლის 31 დეკემბრის მდგომარეობით, აგრეთვე მისი საქმიანობის ფინანსურ შედეგებსა და ფულადი სახსრების მოძრაობას მსს ფინანსური ანგარიშგების საერთაშორისო სტანდარტების შესაბამისად და სათანადოდ მომზადდა ბუღალტრული აღრიცხვის, ანგარიშგებისა და აუდიტის შესახებ საქართველოს კანონის შესაბამისად;

მოსაზრების საფუძველი

ჩვენ ჩავატარეთ აუდიტი აუდიტის საერთაშორისო სტანდარტების (ასს) შესაბამისად. ამ სტანდარტებით განსაზღვრული ჩვენი პასუხისმგებლობები დეტალურად აღწერილია ჩვენი ანგარიშის - „აუდიტორთა პასუხისმგებლობა ფინანსური ანგარიშგების აუდიტზე“ ნაწილში. ჩვენ დამოუკიდებელი ვართ კომპანიისგან ბუღალტერთა ეთიკის სტანდარტების საერთაშორისო საბჭოს „პროფესიონალ ბუღალტერთა ეთიკის კოდექსის“ (IESBA კოდექსი) შესაბამისად და შევასრულეთ ჩვენი სხვა ეთიკური ვალდებულებები, მოცემული მოთხოვნების თანახმად. დარწმუნებული ვართ, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

ჩვენი ანგარიშის გამოყენება

წინამდებარე ანგარიში მასში მოცემული მოსაზრების ჩათვლით, მომზადდა მხოლოდ კომპანიის ხელმძღვანელობისათვის და არა სხვა მიზნებისთვის. აღნიშნული მოსაზრების გამოთქმით ჩვენ არ ვიღებთ პასუხისმგებლობას რომელიმე სხვა მიზნისთვის ან რომელიმე სხვა პირის წინაშე, ვისაც აღნიშნული ანგარიში შეიძლება წარედგინოს, ან ვის ხელშიც ის შეიძლება აღმოჩნდეს გარდა იმ შემთხვევებისა, როდესაც აღნიშნული ცალსახად, წინასწარ იყო შეთანხმებული წერილობითი ფორმით.

ხელმძღვანელობის პასუხისმგებლობა ფინანსურ და მმართველობის ანგარიშგებაზე

ხელმძღვანელობა პასუხისმგებელია ფინანსური და მმართველობის ანგარიშგებების მომზადებასა და უტყუარად და სამართლიანად წარდგენაზე მსს ფინანსური ანგარიშგების საერთაშორისო სტანდარტების შესაბამისად, ასევე ისეთ შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას ხელმძღვანელობას ევალება შეაფასოს კომპანიის ფუნქციონირებადობის უნარი და აუცილებლობის შემთხვევაში გაასაჯაროვოს ინფორმაცია, რომელიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საქმიანობის შეწყვეტა, ან თუ არ

აქვს სხვა რეალური არჩევანი, ასე რომ არ მოიქცეს.

აუდიტორის პასუხისმგებლობა ფინანსური ანგარიშგების აუდიტზე

ჩვენი მიზანია მოვიპოვოთ დასაბუთებული რწმუნება იმის თაობაზე, მოცემული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის ანგარიში, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ყველა არსებით უზუსტობას, რომლებიც შეიძლება არსებობდნენ.

უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი, ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას;

ჩვენ შევისწავლით აუდიტისთვის შესაფერის შიდა კონტროლის საშუალებებს, რათა დავეგემოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ კომპანიის შიდა კონტროლის ეფექტიანობაზე;

ვაფასებთ ხელმძღვანელობის მიერ გამოყენებულ სააღრიცხვო პოლიტიკის მიზანშე-წონილობას, ხელმძღვანელობის მიერ განსაზღვრულ სააღრიცხვო შეფასებების დასაბუ-თებულობასა და შესაბამისი ინფორმაციის გასაჯაროებას;

დასკვნა გამოგვაქვს ხელმძღვანელობის მიერ ანგარიშგების საფუძვლად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა კომპანიის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის ანგარიშში ყურადღების გამახვილება ფინანსურ ანგარიშგებაში შესაბამის ინფორმაციის გასაჯაროებას, ან, თუ ამგვარი გასაჯაროებული ინფორმაცია ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის ანგარიშის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება კომპანია უკვე აღარ იყოს ფუნქციონირებადი საწარმო;

ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, ინფორმაციის გასაჯაროებას და ასევე, ფინანსური ანგარიშგება უზრუნველყოფს თუ არა ფინანსური ანგარიშგების საფუძვლად აღებული ოპერაციებისა და მოვლენების სამართლიან წარდგენას.

მეთვალყურეობაზე პასუხისმგებელ პირებს, სხვა საკითხებთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

ანგარიში სხვა საკანონმდებლო და მარეგულირებელ მოთხოვნებზე

ჩვენი ვალდებულებაა ჩატარებული პროცედურების საფუძველზე გამოვთქვათ მოსაზრება 2024 წლის 31 დეკემბრის მდგომარეობით დასრულებული საანგარიშგებო პერიოდის მმართველობის ანგარიშგების „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის მე-7 მუხლის მე-2 პუნქტის „ა“ ქვეპუნქტის, ამავე მუხლის მე-3, მე-6 და მე-10 პუნქტების მოთხოვნებთან შესაბამისობაზე და არსებითი უზუსტობების შემთხვევაში მივუთითოთ მათ არსზე, ასევე განვაცხადოთ მმართველობის ანგარიშგებაში კანონით განსაზღვრული რაიმე ინფორმაციის წარმოუდგენლობის შესახებ.

მოსაზრება მმართველობის ანგარიშგებაზე

ჩვენი აზრით კომპანიის 2024 წლის 31 დეკემბრის მდგომარეობით დასრულებული საანგარიშგებო პერიოდის მმართველობის ანგარიშგების კანონით განსაზღვრული ნაწილები შეესაბამება კანონის მოთხოვნებს ყველა არსებითი ასპექტის გათვალისწინებით.

კონსტანტინე ჭანტურიძე

რეგისტრირებული აუდიტორი,

ინდ. რეგ. ნომ. № SARAS-A-768413

შპს ბიზნეს კონსალტინგის (სკ 402191953, აუდიტორული ფირმის სარეგ. ნომ: SARAS-F-604338) სახელით



29 სექტემბერი 2025 წ.

**მმართველობის ანგარიშგება 2024 წლის 31 დეკემბრით დასრულებული პერიოდისათვის
შპს ეივონ კოსმეტიკს საქართველო ს/კ 204556426**

საქმიანობა, განვითარება, შედეგებისა და მდგომარეობის აღწერა

კომპანიის საქმიანობას წარმოადგენს:

პარფიუმერული და კოსმეტიკური ნაწარმით, ტანსაცმლით და აქსესუარებით საცალო ვაჭრობა ონლაინ გაყიდვების გზით.

კომპანიის საქმიანობის ძირითადი მარეგულირებელი დოკუმენტებია:

- საქართველოს საგადასახადო კოდექსი;
- საბაჟო კოდექსი;
- საქართველოს კანონი საავტომობილო ტრანსპორტით სახიფათო ტვირთების გადაზიდვის წესის დამტკიცების შესახებ
- საქართველოს კანონი ლატარიების, აზარტული და მომგებიანი თამაშობების მოწყობის შესახებ (კომპანია პერიოდულად აწყობს წამახალისებელ გათამაშებებს)

კომპანია საქონელს წვრილი საბითუმო პარტიებით და საცალოდ ყიდის საქართველოს მთელ ტერიტორიაზე.

სარეალიზაციო საქონლის ასორტიმენტი იყოფა შემდეგ ძირითად ჯგუფებად: დეკორატიული კოსმეტიკა, სახის კანის, სხეულისა და თმის მოვლის ხაზები, პარფიუმერია, ტანსაცმელი და აქსესუარები, პროდუქცია მამაკაცებისთვის, ბავშვებისთვის, სახლისთვის.

კომპანიის საქმიანობის არეალი შეზღუდულია პირდაპირი გაყიდვებით, კომპანიის სტრატეგიაში არ არის საცალო და საბითუმო ვაჭრობის განვითარება სავაჭრო ობიექტების მეშვეობით.

გასაყიდი საქონლის ასორტიმენტი არ არის შეზღუდული და მუდმივად ხდება სიახლეების წარდგენა. თუმცა, ამ ეტაპზე, კომპანიის მარკეტინგული სტრატეგია შემოიფარგლება ზემოთ ჩამოთვლილი კატეგორიებით.

გასაყიდი საქონლის ფასები სპეციფიკურია იმ ქვეყნის მიხედვით, რომელ ქვეყანაშიც ოპერირებს კომპანია. საფასო პოლიტიკა დამოკიდებულია მრავალ ისეთ ფაქტორზე, როგორიცაა: თვითღირებულება, ბაზარზე არსებული კონკურენცია, მიწოდების ხარჯები, თანამშრომლების ანაზღაურება და ასე შემდეგ.

საქმიანობის გაფართოების რამდენიმე პერსპექტივა განიხილება. მათ შორის: ქსელის გაფართოება აუთვისებელ ტერიტორიებზე შესვლით, აქტიური წარმომადგენლების რიცხვის ზრდით.

საქართველოს ტერიტორიაზე ჯერ კიდევ არის ისეთი გეოგრაფიული ერთეულები, სადაც არ ხორციელდება საქონლის მიწოდება. მიწოდების სერვისის გააქტიურება გამოიწვევს ჩვენი ქსელის განვითარებასაც.

აღსანიშნავია ქვეყნის მასშტაბი ინტერნეტიზაცია: ბევრ სოფელში თუ რეგიონში ინტერნეტის არსებობა ხელს შეუწყობს ჩვენს წარმომადგენლებს შეკვეთის უფრო მარტივად განთავსებაში. რაც დადებითად აისახება კომპანიის გაყიდვებზე.

აქტიური წარმომადგენლების ზრდა სხვადასხვა მარკეტინგული და გაყიდვების ხელშემწყობი სტრატეგიების შედეგად ავტომატურად იწვევს კომპანიის გაყიდვების ზრდასაც.

ინფორმაცია კომპანიის ობიექტების შესახებ

კომპანიის იურიდიული მისამართია თბილისი, წერეთლის 117. აღმნიშნულ მისამართზე მდებარეობს კომპანიის საწყობი.

ადმინისტრაციული ოფისი განთავსებულია მ. ასათიანის N5-ში. კომპანიას ფილიალები არ აქვს.

კვლევებისა და განვითარების სფეროში ჩატარებული ღონისძიებების მიმოხილვა

ამ მიმართულებით საანგარიშგებო პერიოდში რაიმე სერიოზული კვლევა არ ჩატარებულა.

საქველმოქმედო საქმიანობა კომპანია დაკავებულია საქველმოქმედო საქმიანობით:

- პროგრამა ძუძუს კიბოს წინააღმდეგ
- პროგრამა ოჯახში ძალადობის წინააღმდეგ.

აღნიშნული პროგრამის ფარგლებში იყიდება სპეციფიკური საქონელი, რომელთა რეალიზაციიდან მიღებული შემოსავალი მიზნობრივად ხმარდება შესაბამისი მიმართულების საქველმოქმედო აქტივობებს.

საქმიანობის ძირითადი ფინანსური და არაფინანსური მაჩვენებლები

ა) ძირითადი ფინანსური მაჩვენებლები

კომპანიის საქმიანობის ბოლო სამი წლის ძირითადი ფინანსური მაჩვენებლები წარმოდგენილია ქვემოთ მოყვანილ ცხრილში ერთეულ ლარებში.

დასახელება	31-Dec-24	31-Dec-23	% წინა წელთან შედარებით
მიმდინარე აქტივები	5,401,831	5,856,158	-8%
გრძელვადიანი აქტივები	1,915,748	2,389,549	-20%
სულ აქტივები	7,317,579	8,245,708	-11%
მიმდინარე ვალდებულებები	2,012,531	2,420,439	-17%
გრძელვადიანი ვალდებულებები	1,544,868	1,856,350	-17%
მოგება/ ზარალი	301,940	-268,272	
სულ კაპიტალი	3,760,179	3,968,918	-5%
შემოსავალი რეალიზაციიდან	19,722,259	22,028,181	-10%
რეალიზებული პროდუქციის თვითღირებულება	10,015,933	13,303,066	-25%

როგორც ცხრილიდან ჩანს, საანგარიშგებო პერიოდის რეალიზაცია წინა წელთან შედარებით შემცირებულია 10%-ით.

ფინანსური მდგრადობის ძირითადი მაჩვენებლები

მაჩვენებელი	მნიშვნელობა		ცვლილება
	წინა წელი	მიმდინარე წელი	
ავტონომიურობის კოეფიციენტი	0.48	0.51	0.03
ფინანსური ლევერიჯის კოეფიციენტი	1.08	0.95	-0.13
საკუთარი საბრუნავი სახსრებით უზრუნველყოფის კოეფიციენტი	0.27	0.34	0.07
მუდმივი აქტივების ინდექსი	0.60	0.51	-0.09
ინვესტიციის დაფარვის კოეფიციენტი	0.71	0.72	0.02
საკუთარი კაპიტალის მანევრირების კოეფიციენტი	0.40	0.49	0.09
ქონების მობილობის კოეფიციენტი	0.71	0.74	0.03
საბრუნავი საშუალებების მობილობის კოეფიციენტი	0.23	0.37	0.14
მარაგის უზრუნველყოფის კოეფიციენტი	0.70	1.30	0.60
მოკლევადიანი დავალიანების კოეფიციენტი	0.57	0.57	0.00

ლიკვიდობის კოეფიციენტები

მაჩვენებელი	მნიშვნელობა		ცვლილება
	წინა წელი	მიმდინარე წელი	
მიმდინარე (საერთო) ლიკვიდობის კოეფიციენტი	2.42	3.64	-1.22
სწრაფი (შუალედური) ლიკვიდობის კოეფიციენტი	1.46	1.96	-0.50
აბსოლუტური ლიკვიდობის კოეფიციენტი	0.56	1.00	-0.44

ძირითადი რისკები და გაურკვევლობები

საბაზრო რისკი

საბაზრო რისკი არის იმის რისკი, რომ კომპანიის მოგება ან კაპიტალი, ან მისი უნარი, მიაღწიოს ბიზნეს ამოცანებს, გაუარესდება საბაზრო განაკვეთების, ფასების ცვლილების ან მერყეობის შედეგად. საბაზრო რისკი მოიცავს მარჟის განაკვეთის რისკს, სავალუტო რისკს და ფასდაღებასთან დაკავშირებულ სხვა რისკებს, რომელსაც ექვემდებარება კომპანია.

კომპანიის ხელმძღვანელობა აწარმოებს კომპანიის მიმდინარე ფინანსური მდგომარეობის მონიტორინგს, აფასებს მის დამოკიდებულებას მარჟის ცვალებადობის მიმართ და მის ზეგავლენას კომპანიის მომგებიანობაზე.

სავალუტო რისკი

კომპანია მცირედ ექვემდებარება ძირითადი უცხოური ვალუტის გაცვლითი კურსების რყევის გავლენას მის ფინანსურ მდგომარეობასა და ფულად ნაკადებზე. ამ რისკის შემცირების ერთერთი მიზეზია სასაქონლო მატერიალური მარაგის მოწოდება ქართულ ლარში.

ხელმძღვანელობა სავალუტო რისკს აკონტროლებს ლარის გაუფასურების და სხვა მაკროეკონომიკური ინდიკატორების მონიტორინგით, რაც მას აძლევს საშუალებას მინიმუმამდე დაიყვანოს ეროვნულ ვალუტასთან მიმართებაში სავალუტო კურსის ცვალებადობის შედეგად განცდილი დანაკარგები.

საფასო რისკი

საფასო რისკი არის საბაზრო ფასების ცვალებადობის შედეგად შემოსავლების მერყეობის რისკი, მიუხედავად იმისა, აღნიშნული ცვალებადობა გამოწვეულია ინდივიდუალური ფაქტორებით, თუ ბაზარზე არსებული ფაქტორებით. კომპანიაზე გავლენას ახდენს მისი საქონლის საფასო რისკი, რომელიც ექვემდებარება ძირითად და სპეციფიურ საბაზრო რყევებს.

საფასო რისკს პოტენციური დანაკარგების პერიოდული შეფასებით მართავს. აღნიშნული დანაკარგები შესაძლებელია გამოიწვიოს საბაზრო პირობების გაუარესებამ და დანაკარგების შესაჩერებელი შესაბამისი ღონისძიებები, მარეებისა შენარჩუნებამ.

საოპერაციო რისკი

საოპერაციო რისკი წარმოადგენს რისკს, რომელიც წარმოიშობა სისტემის მოშლის, ადამიანური შეცდომის, თაღლითობისა და გარე მოვლენების შედეგად. კონტროლის არარსებობის შემთხვევაში საოპერაციო რისკმა შეიძლება გამოიწვიოს რეპუტაციის გაუარესება, იურიდიული სირთულეები, ფინანსური ზარალი და საქმიანობის შეჩერება. კომპანია ვერ შეამცირებს ყველა საოპერაციო რისკს, მაგრამ უნდა ეცადოს ამ რისკების მართვას კონტროლის გარემოსა და პოტენციური რისკების მონიტორინგისა და მათზე ადეკვატური რეაგირების საშუალებით. კონტროლი გულისხმობს მოვალეობების გადანაწილებას, წვდომის, ავტორიზაციისა და შედარების პროცედურებს, შიდა და გარე აუდიტს, პერსონალის განათლებასა და პროცესების შეფასებას.

დირექტორი:



ნანა კვირიჭილაძე

შპს ეივონ კოსმეტიკს საქართველო (სკ 204556426)

ფინანსური მდგომარეობის ანგარიში 2024 წლის 31 დეკემბრით დასრულებული წლისათვის

ვალუტა: ლარი

დასახელება	31/12/24	31/12/23	
ფული და ფულის ექვივალენტები	2,003,552	1,349,344	ა1
მოკლევადიანი მოთხოვნები	1,936,005	2,193,173	ა2
სასაქონლო-მატერიალური მარაგი	1,413,849	2,248,430	ა3
წინასწარ გაწეული ხარჯები	4,719	14,774	ა4
საგადასახადო აქტივები	43,705	50,438	ა5
სულ მიმდინარე აქტივები	5,401,831	5,856,158	
აქტივის გამოყენების უფლება	1,596,853	1,996,067	ა6
ძირითადი საშუალებები	318,895	323,125	ა7
არამატერიალური აქტივები		70,357	ა8
სულ გრძელვადიანი აქტივები	1,915,748	2,389,549	
სულ აქტივები	7,317,579	8,245,708	
მოკლევადიანი ვალდებულებები	2,012,531	2,420,439	ა9
სულ მიმდინარე ვალდებულებები	2,012,531	2,420,439	
გრძელვადიანი საიჯარო ვალდებულებები	1,544,868	1,856,350	ა6
სულ გრძელვადიანი ვალდებულებები	1,544,868	1,856,350	
სულ ვალდებულებები	3,557,400	4,276,789	
საწესდებო კაპიტალი	176,000	176,000	ა10
მოგება/ ზარალი	3,584,179	3,792,918	ა10
სულ კაპიტალი	3,760,179	3,968,918	
სულ ვალდებულებები და კაპიტალი	7,317,579	8,245,708	

დირექტორი:



ნანა კვირჩილაძე

შპს ეივონ კოსმეტიკს საქართველო (სკ 204556426)

მოგების ან/და ზარალის და სხვა სრული შემოსულობების ანგარიში 2024 წლის 31 დეკემბრით დასრულებული წლისათვის

ვალუტა: ლარი

მოგ ან/და ზარ და სხვა სრ შემოს ანგარიშგება	2024	2023	შენიშვნა
შემოსავალი რელიზაციიდან	19,722,259	22,028,181	ბ1
რეალიზებული პროდუქციის თვითღირებულება	-10,015,933	-13,303,066	ბ2
საერთო მოგება	9,706,326	8,725,115	
სხვა შემოსავალი (საოპერაციო)	621,604	670,958	ბ1
საოპერაციო ხარჯები	-10,082,279	-9,668,820	ბ2.1
საოპერაციო მოგება	245,652	-272,747	
არასაოპერაციო შემოსავლები	59,940	51,550	ბ1.1
არასაოპერაციო ხარჯები			
სხვა სრული შემოს (ვალ ნაშთ გადაფასება)	-3,651	-47,076	ბ3
წლის მოგება განგრძობითი საქმიანობიდან	301,940	-268,272	

დირექტორი:



ნანა კვირჩილაძე

შპს ეივონ კოსმეტიკის საქართველო (სკ 204556426)
ფულადი სახსრების მოძრაობის ანგარიში 2024 წლის 31 დეკემბრით დასრულებული წლისათვის

ვალუტა: ლარი

საოპერაციო საქმიანობა	2024 წელი	2023 წელი
მომხმარებლებისაგან მიღებული ფულადი სახსრები	24,008,146	26,442,092
მომწოდებლებზე, თანამშრომლებზე გადახდილი ფულადი სახსრები და გადასახადები	-22,893,352	-26,780,059
საოპერაციო საქმიანობა სულ	1,114,794	-337,967
საინვესტიციო საქმიანობა		
კაპიტალური დანახარჯები	-6,195	
საინვესტიციო საქმიანობა სულ	-6,195	0
საფინანსო საქმიანობა		
გადახდილი დივიდენდები	-510,680	
მიღებული პროცენტები	59,940	51,550
საფინანსო საქმიანობა	-450,740	51,550
ფულადი სახსრების შემოსვლა/გასვლა	657,859	-286,417
ვალუტის კურსის ცვლილების გავლენა ფულად სახსრებსა და მათ ეკვივალენტებზე	-3,651	-47,076
ფულადი სახსრები და მათი ეკვივალენტები საანგარიშგებო პერიოდის დასაწყისში	1,349,344	1,682,837
ფულადი სახსრები და მათი ეკვივალენტები საანგარიშგებო პერიოდის ბოლოს	2,003,552	1,349,344

დირექტორი:



ნანა კვირიჩილაძე

შპს ეივონ კოსმეტიკს საქართველო (სკ 204556426)
კაპიტალის მოძრაობის ანგარიში 2024 წლის 31 დეკემბრით დასრულებული წლისათვის

ვალუტა: ლარი

	საწესდებო კაპიტალი	მოგება ან/და ზარალი	სულ კაპიტალი
	ბალანსი 31.12.2022 მდგომარეობით	176,000	4,061,192
2023	წმინდა მოგება პერიოდში	-268,272	
	გადახდილი დივიდენდი		
	საწესდებო კაპიტალის ზრდა/კლება		
	ბალანსი 31.12.2023 მდგომარეობით	176,000	3,792,920
2024	წმინდა მოგება პერიოდში	301,940	
	გადახდილი დივიდენდი	-510,680	
	საწესდებო კაპიტალის ზრდა/კლება		
	ბალანსი 31.12.2024 მდგომარეობით	176,000	3,584,180

დირექტორი:



ნანა კვირჩილაძე

შპს „ეივონ კოსმეტიკს საქართველო“ ფინანსურ ანგარიშგებასთან არსებული შენიშვნები 2024 წლის 31 დეკემბრით დასრულებული წლისათვის

1. ზოგადი ინფორმაცია

საფირმო სახელწოდება: შპს ეივონ კოსმეტიკს საქართველო
სამართლებრივი ფორმა: შეზღუდული პასუხისმგებლობის საზოგადოება
საიდენტიფიკაციო ნომერი: 204556426
რეგისტრაციის ნომ, თარ: 11/06/2008
მარეგისტრირებელი ორგანო: თბილისის საგადასახადო ინსპექცია
იურიდიული მისამართი: საქართველო, თბილისი, დიდუბის რაიონი, წერეთლის გამზ., №117

დირექტორი: ნანა კვირჩილაძე, 01002019196

პარტნიორები:

შეზღუდული პასუხისმგებლობის საზოგადოება ეივონ ნეზერლენდს ჰოლდინგს, 34209926 /ნიდერლანდები/, 03.08.2004. 100% 100 ცალი წილი

ცვლილებები:

საანგარიშო პერიოდში სარეგისტრაციო მონაცემებში განხორციელდა ცვლილება: დირექტორად დაინიშნა მარიამ პაკაცოშვილი პნ 01010012276. ის 2025 წლის 17 აპრილს შეცვალა ნანა კვირჩილაძემ, პნ 01002019196

კომპანიის საქმიანობას წარმოადგენს:

პარფიუმერული და კოსმეტიკური ნაწარმით, ტანსაცმლით და აქსესუარებით საცალო ვაჭრობა ონლაინ გაყიდვების გზით საქართველოს მთელ ტერიტორიაზე.

სარეალიზაციო საქონლის ასორტიმენტი: დეკორატიული კოსმეტიკა, სახის კანის, სხეულისა და თმის მოვლის ხაზები, პარფიუმერია, ტანსაცმელი და აქსესუარები, პროდუქცია მამაკაცებისთვის, ბავშვებისთვის, სახლისთვის.

კომპანიის საქმიანობის არეალი შეზღუდულია პირდაპირი გაყიდვებით, კომპანიის სტრატეგიაში არ არის საცალო და საბითუმო ვაჭრობის განვითარება სავაჭრო ობიექტების მეშვეობით.

გასაყიდი საქონლის ასორტიმენტი არ არის შეზღუდული და მუდმივად ხდება სიახლეების წარდგენა. თუმცა, ამ ეტაპზე, კომპანიის მარკეტინგული სტრატეგია შემოიფარგლება ზემოთ ჩამოთვლილი კატეგორიებით.

კომპანიის იურიდიული მისამართია თბილისი, წერეთლის 117. აღმნიშნულ მისამართზე მდებარეობს კომპანიის საწყობი. აღმინისტრაციული ოფისი განთავსებულია მ. ასათიანის N5-ში. კომპანიას ფილიალები არ აქვს.

2. მომზადების საფუძველი

მოცემული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების კომიტეტის (ბასკ) მიერ გამოშვებული მსს ფინანსური ანგარიშგების საერთაშორისო სტანდარტების შესაბამისად. ფინანსური ანგარიშგება მომზადებულია კომპანიის საქმიანობის უწყვეტობის საფუძველზე იმ დაშვებით, რომ კომპანია განაგრძობს ფუნქციონირებას პროგნოზირებად მომავალში. კომპანიის ხელმძღვანელობასა და დამფუძნებლებს სურვილი აქვთ განავითარონ კომპანიის საქმიანობა საქართველოში. ხელმძღვანელობას სჯერა, რომ უწყვეტობის პრინციპის გამოყენება შესაფერისია კომპანიისთვის. კომპანიის საანგარიშგებო პერიოდი მოიცავს კალენდარულ წელს. ფინანსური ანგარიშგება მომზადებულია ისტორიული ღირებულებების საფუძველზე. ანგარიშგების სტანდარტის მიხედვით მომზადდება კომპანიის ხელმძღვანელობისაგან ითხოვს გარკვეული შეფასებების გაკეთებას, რაც გავლენას იქონიებს აქტივებისა და ვალდებულებების საანგარიშო ღირებულებაზე

ანგარიშგების შედეგის თარიღისათვის, ასევე იმოქმედებს შემოსავლისა და ხარჯების ოდენობაზე საანგარიშო პერიოდის განმავლობაში. ფაქტობრივი შედეგები შესაძლოა განსხვავდებოდეს მიმდინარე შეფასებისაგან. შეფასებები პერიოდულად გადაიხედება. კორექტირებები, რამაც სააღრიცხვო შეფასებების ცვლილებები გამოიწვია, მიეკუთვნება იმ პერიოდის ფინანსურ შედეგებს, როცა ეს ცვლილებები მოხდა. მნიშვნელოვანი სააღრიცხვო შეფასებების შესახებ განმარტებები მოცემულია მე-3 შენიშვნაში. არსებითი სააღრიცხვო პოლიტიკა მოცემულია მე-4 შენიშვნაში.

3. მნიშვნელოვანი სააღრიცხვო შეფასებები

კომპანია ახდენს გარკვეული სააღრიცხვო შეფასებებისა და გადაწყვეტილებების შემუშავებას მომავალი პერიოდებისათვის. ისინი შემუშავებულია გამოცდილებასა და სხვა ფაქტორებზე დაყრდნობით, რომელიც ითვალისწინებს კომპანიის ფუნქციონირებას განსაზღვრული მომავლის პირობებში. ქვემოთ მოყვანილია შეფასებები და დაშვებები, რომლებიც მომდევნო ფინანსურ წელში აქტივებისა და ვალდებულებების საბალანსო ღირებულებებში არსებითი ცვლილებების რისკის მატარებელია:

ა) ძირითადი საშუალებების და საინვესტიციო ქონების სასარგებლო მომსახურების ვადები - ძირითადი საშუალებების და საინვესტიციო ქონების ცვეთის დარიცხვა ხდება მათი სასარგებლო მომსახურების ვადის მიხედვით. სასარგებლო მომსახურების ვადების განსაზღვრა დამოკიდებულია ხელმძღვანელობის შეფასებებზე. სასარგებლო მომსახურების ვადები პერიოდულად გადაიხედება. შეფასების ცვლილებამ შესაძლოა არსებითი ცვლილება გამოიწვიოს ცალკეულ პერიოდებში საბალანსო ღირებულებასა და სრული შემოსავლის ანგარიშგებაში ასახულ თანხებში.

ბ) ფინანსური აქტივების გაუფასურება - კომპანია ხელმძღვანელობს „მოსალოდნელი საკრედიტო დანაკარგების“ (ECL) მოდელით. ეს საჭიროებს მსჯელობას იმის შესახებ თუ როგორ იმოქმედებს ეკონომიკური ფაქტორები ECL მოდელზე, რაც განისაზღვრება შეწონილი ალბათობის საფუძველზე. ზარალის ანარიცხის განსაზღვრა ხდება შემდეგნაირად: ა) 12-თვიანი მოსალოდნელი საკრედიტო ზარალი - მოსალოდნელი საკრედიტო ზარალი, რომელიც გამოწვეულია იმ დეფოლტის მოვლენებისგან ფინანსურ ინსტრუმენტებზე, რომელთა მოხდენაც შესაძლებელია შემდგომი 12 თვის განმავლობაში. ბ) არსებობის მანძილზე მოსალოდნელი საკრედიტო ზარალი - მოსალოდნელი საკრედიტო ზარალი, რომელიც გამოწვეულია ყველა შესაძლო დეფოლტის მოვლენისგან, რომელთა მოხდენაც შესაძლებელია ფინანსური ინსტრუმენტის მოსალოდნელი არსებობის მანძილზე. არსებობის მანძილზე მოსალოდნელი საკრედიტო ზარალის შეფასების მოდელი მოქმედებს მაშინ, როდესაც ფინანსური აქტივის საკრედიტო რისკი ანგარიშგების პერიოდისათვის მნიშვნელოვნად გაზრდილია მის თავდაპირველ აღიარებასთან შედარებით, ხოლო თუ არ არის გაზრდილი 12-თვიანი მოსალოდნელი საკრედიტო ზარალი. კომპანიას შეუძლია განსაზღვროს რომ ფინანსური აქტივის საკრედიტო რისკი არ გაზრდილა მნიშვნელოვნად, იმ შემთხვევაში თუ აქტივს აქვს დაბალი საკრედიტო რისკი საანგარიშგებო წლისთვის. ზემოაღნიშნული მიდგომა აქვს გამოყენებული კომპანიას გაცემული სესხების გაუფასურების ანალიზისას. არსებობის მანძილზე მოსალოდნელი საკრედიტო ზარალის მოქმედება ყოველთვის ვრცელდება სავაჭრო და სხვა მოთხოვნებზე. დეტალები სავაჭრო და სხვა მოთხოვნების და გაცემული სესხების გაუფასურების შესახებ იხილეთ მე-4 და მე-5 შენიშვნაში. მომავალ პერიოდთან დაკავშირებული განუსაზღვრელობებიდან გამომდინარე ფაქტობრივი შედეგი შესაძლებელია მნიშვნელოვნად განსხვავდებოდეს იმ შედეგისგან, რომელიც აღრიცხულია ფინანსურ ანგარიშგებაში.

გ) იჯარის ვადა, ზღვრული სასესხო განაკვეთი და საიჯარო გადასახდელები - კომპანია იყენებს მსჯელობას იჯარის ვადის დადგენისას. განიხილავს ყველა სათანადო ფაქტს და გარემოებას, რომელიც მოიჯარეს ეკონომიკურ სტიმულს უქმნის, გამოიყენოს იჯარის გაგრძელების უფლება, ან არ გამოიყენოს იჯარის ვადამდე შეწყვეტის უფლება. კომპანია ხელახლა აფასებს, საკმარისად სარწმუნოა თუ არა, რომ ის გამოიყენებს იჯარის გაგრძელების არჩევანის უფლებას, ან არ გამოიყენებს იჯარის ვადამდე შეწყვეტის უფლებას, იმ შემთხვევაში, თუ მოხდება რაიმე მნიშვნელოვანი მოვლენა, ან მნიშვნელოვნად შეიცვლება გარემოებები, რომლებიც: ა) მოიჯარის კონტროლს ექვემდებარება; და ბ) გავლენას ახდენს იმის შეფასებაზე, საკმარისად სარწმუნოა თუ არა, რომ მოიჯარე გამოიყენებს უფლებას, რომელიც ადრე გათვალისწინებული არ ჰქონდა ან არ გამოიყენებს ისეთ უფლებას, რომელიც ადრე გათვალისწინებული ჰქონდა. კომპანია იყენებს მსჯელობას ზღვრული სასესხო განაკვეთის დადგენისთვის. დაკვირვებადი მონაცემების გამოყენებით განისაზღვრება ძირითადი განაკვეთი, რომელიც კორექტირდება მოიჯარისთვის დამახასიათებელი სპეციფიკური ფაქტორებით და უზრუნველყოფის (იჯარის ობიექტის)

მახასიათებლებით. საქართველოში ხშირად იჯარის ხელშეკრულება არ მოიცავს ჩანაწერს იჯარის გაგრძელების შესახებ. ზემოთხსენებული უფლების არსებობა გამყარებულია მიღებული საქმიანი პრაქტიკით. კომპანია ამგვარ საქმიან პრაქტიკას განიხილავს ხელშეკრულების შემადგენელ ნაწილად. ასეთი შემთხვევებისთვის საიჯარო ვალდებულების განსაზღვრისას შეფასებული საიჯარო გადახდები არის უცვლელი მთელი საიჯარო ვადის განმავლობაში განახლებადი პერიოდის ჩათვლით. მომავალ პერიოდთან დაკავშირებული განუსაზღვრელობებიდან გამომდინარე ფაქტობრივი საიჯარო გადახდები შესაძლებელია მნიშვნელოვნად განსხვავდებოდეს იმისგან, რაც წარდგენილია ფინანსურ ანგარიშგებაში.

დ) ინვესტიცია წილობრივ ინსტრუმენტებში სამართლიანი ღირებულების შეფასება - წილობრივ ინსტრუმენტებში არსებული ინვესტიციების სამართლიანი ღირებულება განისაზღვრა ფულადი სახსრების დისკონტირების ტექნიკის გამოყენებით, მოსალოდნელი ფულადი სახსრების საფუძველზე, რომელიც კლასიფიცირებულია როგორც სამართლიანი ღირებულების შეფასების მე-3 დონის იერარქია, შეფასების გაკეთებისას გამოყენებული მონაცემების მნიშვნელობიდან გამომდინარე.

4. არსებითი სააღრიცხვო პოლიტიკის მიმოხილვა

4.1 შეფასების და წარდგენის ვალუტა

ფინანსური ანგარიშგების შეფასების და წარდგენის (პრეზენტაციის) ვალუტად კომპანია იყენებს ქართულ ლარს. ოპერაციები შეფასების ვალუტისგან განსხვავებულ ვალუტაში განიხილება, როგორც ოპერაცია უცხოურ ვალუტაში და აღირიცხება „სავალუტო კურსების ცვლილებათა გავლენა“ მოთხოვნების შესაბამისად. უცხოურ ვალუტაში ასახული მონეტარული აქტივები და ვალდებულებები გადაიანგარიშება საქართველოს ეროვნული ბანკის მიერ დადგენილი ვალუტის გაცვლის ოფიციალური კურსის შესაბამისად ბალანსის შედგენის თარიღისათვის. კონვერტაციის დროს წარმოშობილი კურსთაშორის სხვაობები აისახება მოგებისა და ზარალის ანგარიშგებაში. უცხოურ ვალუტაში განხორციელებული ოპერაციები აღირიცხება ოპერაციის განხორციელების დღეს არსებული გაცვლითი (სპოტ) კურსის შესაბამისად.

4.2 ინვესტიციები შვილობილ საწარმოში

კომპანიას გააჩნია კონტროლი საწარმოზე, როდესაც ის ექვემდებარება რისკებს, რომლებიც დაკავშირებულია ინვესტირებულ საწარმოში მისი მონაწილეობიდან ცვალებადი შემოსავლების მიღებასთან, ან გააჩნია ინვესტირებული საწარმოდან ცვალებადი შემოსავლების მიღების უფლება და ასევე ამ შემოსავალზე ზემოქმედების შესაძლებლობა, ინვესტირებულ საწარმოსთან მიმართებით თავისი უფლებამოსილების მეშვეობით. შვილობილი (ინდივიდუალურ ფინანსურ ანგარიშგებაში) და მეკავშირე (ერთობლივი საწარმოები არ აქვს) კომპანიების ინვესტიციის აღრიცხვა ხდება თვითღირებულებით.

4.3 ამონაგები

კომპანია აღიარებს შემოსავალს საქონლისა და მომსახურების მომხმარებლებისთვის გადაცემისას, იმ ანაზღაურების ოდენობით, რომლის მიღების უფლებასაც კომპანია მოელის ამ საქონლისა და მომსახურების გადაცემის სანაცვლოდ. კომპანია იყენებს ხუთსაფეხურიან მოდელს მომხმარებელთან გაფორმებული ხელშეკრულებების მიმართ:

- მომხმარებელთან ხელშეკრულების იდენტიფიცირება;
- სახელშეკრულებო ვალდებულებების დადგენა;
- გარიგების ფასის განსაზღვრა;
- გარიგების ფასის მიკუთვნება სახელშეკრულებო ვალდებულებასთან;
- შემოსავლის აღიარება, როდესაც პირი სახელშეკრულებო ვალდებულებას შეასრულებს.

კომპანია შემოსავალს აღიარებს სახელშეკრულებო ვალდებულების შესრულებისას, ანუ მაშინ, როდესაც კონტრაქტით გათვალისწინებულ მისაწოდებელ საქონელზე “კონტროლი” მომხმარებელს გადაეცემა ან შესრულება ხელშეკრულებით გათვალისწინებული მომსახურება.

შესასრულებელი ვალდებულება და შემოსავლის აღიარების მომენტი

კომპანიას შემოსავლის ძირითად ნაწილს იღებს პროდუქციის გაყიდვიდან, რომელიც აღიარდება დროის იმ მომენტში, მაშინ როცა ხდება მოცემულ საქონელთან დაკავშირებული კონტროლის მომხმარებლისთვის გადაცემა. კონტროლი შესაძლოა გადავიდეს მომხმარებელზე, როგორც გაგზავნის ისე

მიღების ადგილას. ეს განსაზღვრულია მომხმარებელთან წერილობითი ან ზეპირი ხელშეკრულების საფუძველზე.

საკონტრაქტო ღირებულების განსაზღვრა

კომპანიის შემოსავლის ძირითადი საკონტრაქტო ღირებულება არის ფიქსირებული და შესაბამისად, თითოეული კონტრაქტიდან მისაღები შემოსავლის განსაზღვრა ხდება მოცემული ფიქსირებული ფასების მიხედვით.

კომპანია არ განიხილავს დაფინანსების მნიშვნელოვან კომპონენტს, როდესაც აქტივზე

მომხმარებლისთვის კონტროლის გადაცემის თარიღსა და მიღებული ანაზღაურების თარიღებს შორის სხვაობა არის ერთ წელზე ნაკლები;

4.4 ფინანსური ინსტრუმენტები

კომპანია ფინანსურ აქტივებსა და ვალდებულებებს აღიარებს მაშინ, როდესაც ხდება ინსტრუმენტთან დაკავშირებული სახელშეკრულებო ვალდებულების მხარე. კომპანია ფინანსურ აქტივებს ჰყოფს შემდეგ კატეგორიებად - „ამორტიზებული ღირებულებით შეფასებული ფინანსური აქტივი“, „რეალური ღირებულებით შეფასებული ფინანსური აქტივი, ცვლილებების მოგებაში ან ზარალში ასახვით“, „რეალური ღირებულებით შეფასებული, ცვლილებების სხვა სრულ შემოსავალში ასახვით“. კომპანიის ხელმძღვანელობამ შეაფასა, თუ რომელი ბიზნეს მოდელი შეესაბამება კომპანიის ფინანსურ აქტივებს და ფინანსური აქტივები დააკლასიფიცირა შემდეგ კატეგორიებად - „ამორტიზებული ღირებულებით შეფასებული ფინანსური აქტივი“ და „რეალური ღირებულებით შეფასებული ფინანსური აქტივი, ცვლილებების მოგებაში ან ზარალში ასახვით“. წინა საანგარიშო პერიოდებში მომზადებულ ფინანსურ ანგარიშგებაში კომპანიის ფინანსური აქტივები წარმოდგენილია სავაჭრო და სხვა მოთხოვნებით, გაცემული სესხებით და ფული და ფულის ეკვივალენტებით. ფული და ფულის ეკვივალენტები მოიცავს ნაღდ ფულსა და ფულს მიმდინარე საბანკო ანგარიშებზე.

- ამორტიზებული ღირებულებით შეფასებული ფინანსური აქტივები

მოცემული აქტივები წარმოიქმნება მომხმარებლებისთვის საქონლისა და მომსახურების მიწოდებიდან, ასევე მოიცავს სხვა სახის ფინანსურ აქტივებს, რომლის ფლობის მიზანია სახელშეკრულებო ფულადი ნაკადების მიღება და ეს ფულადი ნაკადები წარმოადგენს მხოლოდ ძირს და მასზე დარიცხულ პროცენტს. ისინი საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური აქტივის შეძენასთან ან გამოშვებასთან და შემდგომში აღრიცხულია ამორტიზებული ღირებულებით, ეფექტური საპროცენტო განაკვეთის მეთოდის გამოყენებით, შემცირებული გაუფასურების რეზერვის მოცულობით.

- ინვესტიციები წილობრივ ინსტრუმენტებში

ფინანსური აქტივები, რომლებიც აკმაყოფილებენ კაპიტალის განმარტებას ემიტენტის მხრიდან ე.ი. ინსტრუმენტები, რომლებიც არ შეიცავს ხელშეკრულებით ვალდებულებას ფულადი სახსრების გადახდაზე და წარმოადგენს ნაჩიერ პროცენტს, კომპანიის მიერ განიხილება, როგორც ინვესტიცია წილობრივ ინსტრუმენტებში. კომპანიის პოლიტიკით ინვესტიციები წილობრივ ინსტრუმენტებში აღირიცხება რეალური ღირებულებით მოგებაში ან ზარალში ასახვით (FVTPL), რადგან მათი ფლობის მიზანი არის საინვესტიციო შემოსავლის მიღება და არ არის გამიზნული სავაჭროდ. კომპანია მოგებაში ან ზარალში აღიარებს ინვესტიციებიდან მიღებულ დივიდენდებს. თავდაპირველი აღიარებისას ფინანსური ინსტრუმენტის რეალური ღირებულების საუკეთესო შეფასება არის გარიგების ფასი. არ ყოფილა შმთხვევა, როდესაც კომპანიას გადაწყვიტოს, რომ თავდაპირველი აღიარებისას შეფასებული რეალური ღირებულება განსხვავდება გარიგების ფასისგან.

- გაუფასურება

კომპანიას ევალება მოსალოდნელი საკრედიტო დანაკარგების აღრიცხვა თავის ფასიან ქაღალდებზე, სესხებსა და სავაჭრო მოთხოვნების ანგარიშებზე 12 თვიანი პერიოდისთვის ან მათი მთლიანი ვადისთვის. გაუფასურებასთან დაკავშირებული მოთხოვნების მიზანია, ფინანსური ინსტრუმენტების არსებობის მანძილზე მოსალოდნელი საკრედიტო ზარალის აღიარება ყველა ფინანსურ ინსტრუმენტთან მიმართებით, რომლის საკრედიტო რისკი თავდაპირველი აღიარების შემდეგ მნიშვნელოვნად გაიზარდა, მიუხედავად იმისა, გაუფასურება ინდივიდუალურად შეფასდა თუ ჯგუფურად, რისთვისაც კომპანია ითვალისწინებს ყველა გონივრულ ინფორმაციას.

- სავაჭრო და სხვა მოთხოვნები და სახელმეკრულებო აქტივები

კომპანია იყენებს გამარტივებულ მიდგომას და მოსალოდნელ ზარალს აღრიცხავს სავაჭრო და სხვა მოთხოვნების მუხლზე და სახელმეკრულებო აქტივზე. აღნიშნული მიდგომის მიხედვით არსებობის მანძილზე სავაჭრო მოთხოვნების მოსალოდნელი საკრედიტო ზარალი გამოითვლება რეზერვების მატრიცის გამოყენებით. გამარტივებული მიდგომა განიხილავს ზარალს სრულად მთელი პორტფელისთვის, განურჩევლად იმისა ადგილი ჰქონდა თუ არა საკრედიტო რისკის მნიშვნელოვან ზრდას პირველადი აღიარების შემდგომ. კომპანია სავაჭრო მოთხოვნების გაუფასურებას ახორციელებს მეთოდოლოგიის საფუძველზე:

- ინდივიდუალურად განიხილავს დაკავშირებული მხარეებისგან მისაღებ თანხებს;
- ინდივიდუალურად განიხილავს მნიშვნელოვანი დებიტორული დავალიანების მქონე დებიტორებს;
- ჯგუფურად ფასდება ყველა სხვა დებიტორული დავალიანება, რადგან კომპანიის გამოცდილებით დარჩენილი ერთობლიობა არ მოიცავს ინდივიდუალურად მნიშვნელოვან ელემენტებს;

- დაკავშირებული მხარეებისგან მისაღები თანხები

კომპანია ინდივიდუალურად განიხილავს გაუფასურებაზე დაკავშირებულ მხარეებთან არსებულ მოთხოვნებს და მხედველობაში იღებს სხვადასხვა ფაქტორებსა და ინდივიდუალურ გარემოებებს, რომელიც კომპანიას შესაძლოა გააჩნდეს მის დაკავშირებულ მხარეებთან ბიზნეს საქმიანობის პროცესში. აღნიშნული ანალიზის საფუძველზე კომპანიის ხელმძღვანელობა აფასებს მოსალოდნელი საკრედიტო ზარალის მოცულობას, რომელიც განისაზღვრება წარსულის გამოცდილების საფუძველზე. კომპანია არ აღიარებს დაკავშირებული მხარეების მიმართ არსებული სავაჭრო და სხვა მოთხოვნების გაუფასურების რეზერვს, რადგან კომპანიას არ გააჩნია აღნიშნული მოთხოვნების საკრედიტო გაუფასურების ნეგატიური გამოცდილება.

- მნიშვნელოვანი დავალიანების მქონე დებიტორები

შეფასებისას კომპანია მხედველობაში იღებს სხვადასხვა ფაქტორებსა და გარემოებებს, რომელიც შესაძლოა მოიცავდეს: ა) დებიტორის რეიტინგს, ბ) ფინანსურ მდგომარეობას, გ) მისაღები თანხების ვადაგადაცილების ხანგრძლივობას, დ) ნებისმიერ ხელმისაწვდომ სხვა, მ.შ. არაფინანსურ ინფორმაციას.

- ჯგუფურად შეფასებული სავაჭრო მოთხოვნები

იმისათვის, რათა განისაზღვროს მოსალოდნელი გაუფასურების დანაკარგი ჯგუფურად შეფასებულ სავაჭრო მოთხოვნებზე, მოთხოვნები ჯგუფდება მსგავსი საკრედიტო რისკისა და ხანდაზმულობის მიხედვით. სავაჭრო და სხვა მოთხოვნებს აქვს მსგავსი რისკიანობის მახასიათებელი. მოსალოდნელი გაუფასურების დანაკარგის განაკვეთები ეფუძნება კომპანიის საკრედიტო გაუფასურების წარსულ გამოცდილებას. ისტორიული მოსალოდნელი გაუფასურების დანაკარგის განაკვეთი კორექტირდება არსებული და სამომავლო მაკროეკონომიკური ფაქტორების გათვალისწინებით, რომელიც გავლენას ახდენს კომპანიის მომხმარებლებზე.

- ფულადი სახსრების და მათი ეკვივალენტების გაუფასურება

ფულადი სახსრების და მათი ეკვივალენტების მუხლზე კომპანია არ ახორციელებს გაუფასურების აღიარებას.

- ფინანსური აქტივების აღიარების შეწყვეტა

კომპანია წყვეტს ფინანსური აქტივის აღიარებას მხოლოდ იმ შემთხვევაში, როდესაც: ფინანსური აქტივიდან მისაღები ფულადი სახსრების მიღების საკონტრაქტო უფლებებს ვადა გასდის ან იგი გადასცემს ფინანსურ აქტივთან დაკავშირებული ფულადი ნაკადების მიღების უფლებას, ან შედის ისეთ გარიგებაში, როდესაც: ა) აქტივის გასვლასთან ერთად ხდება ყველა არსებითი რისკისა და სარგებლის კომპანიიდან გასვლა; ბ) კომპანია არ გადასცემს აქტივის ფლობასთან დაკავშირებულ არსებით რისკსა და სარგებელს, მაგრამ ასევე არ ინარჩუნებს კონტროლს ამ აქტივზე.

- ფინანსური ვალდებულებები

კომპანია მის ფინანსურ ვალდებულებებს აკლასიფიცირებს შემდეგი კატეგორიებიდან ერთ-ერთით: რეალური ღირებულებით, მოგებაში ან ზარალში ასახვით და სხვა ფინანსურ ვალდებულებებად. ფინანსური ვალდებულებები მოიცავს სავაჭრო და სხვა ვალდებულებებს, საიჯარო ვალდებულებებს. ფინანსური ვალდებულებები საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური ვალდებულებების

გამოშვებასთან. მსგავსი პროცენტის მატარებელი ვალდებულებები შემდგომში აღრიცხულია ამორტიზებული ღირებულებით ეფექტური საპროცენტო განაკვეთის მეთოდის გამოყენებით, რომელიც უზრუნველყოფს მუდმივი განაკვეთით ფინანსური ვალდებულების საბალანსო ღირებულებაზე საპროცენტო ხარჯის დარიცხვას. ნებისმიერი ფინანსური ვალდებულებისთვის საპროცენტო ხარჯი მოიცავს საწყის გარიგების ხარჯებს და ნებისმიერ დამატებით გადასახდელს ვალდებულების გამოსყიდვისთვის. ფინანსური აქტივები და ვალდებულებები ერთმანეთში გაიქვითება და ფინანსურ ანგარიშგებებში წარდგება სალდირებულად, თუ არსებობს შესაბამისი იურიდიული საფუძველი აღნიშნული თანხების ურთიერთჩათვლისთვის.

4.5 საპროცენტო შემოსავალი

1-ელ და მე-2 ეტაპზე მყოფი ფინანსური ინსტრუმენტებისთვის კომპანია საპროცენტო შემოსავალს აღრიცხავს ეფექტური საპროცენტო განაკვეთის (EIR) გამოყენებით მთლიან საბალანსო თანხაზე. მე-3 ეტაპზე არსებული ფინანსური ინსტრუმენტებისთვის საპროცენტო შემოსავალი დაიანგარიშება EIR-ის გამოყენებით სესხების ამორტიზებულ ღირებულებაზე.

4.6 ხარჯები

ხარჯების აღიარება ხდება სრული შემოსავლის ანგარიშგებაში, თუ წარმოიშობა მომავალი ეკონომიკური სარგებლის შემცირება, რაც დაკავშირებულია აქტივის შემცირებასა ან ვალდებულების ზრდასთან, რაც შეიძლება საიმედოდ განისაზღვროს. ხარჯები გაწევისთანავე აღიარდება მოგებისა და ზარალის ანგარიშგებაში, თუ ხარჯებისგან ეკონომიკური სარგებლის მოტანა მომავალში აღარ არის მოსალოდნელი ან თუ მომავალი ეკონომიკური სარგებელი აღარ აკმაყოფილებს ბალანსში აქტივად აღიარების კრიტერიუმებს. თუ ეკონომიკური სარგებელი მოსალოდნელია, რომ წარმოიქმნება რამდენიმე სააღრიცხვო პერიოდის განმავლობაში, მასთან დაკავშირებული ხარჯები სრული შემოსავლის ანგარიშგებაში აღიარდება გონივრული, სარგებლის მიღების პროპორციული განაწილების საფუძველზე.

4.7 იჯარა

- იდენტიფიკაცია

ხელშეკრულების დაწყებისას კომპანია აფასებს, მთლიანად ხელშეკრულება არის თუ არა იჯარა, ან შეიცავს თუ არა იჯარას. ხელშეკრულება არის საიჯარო ხელშეკრულება, ან შეიცავს იჯარას, თუ ხელშეკრულების მეშვეობით ხდება იდენტიფიცირებული აქტივის კონტროლის უფლების გადაცემა გარკვეული პერიოდის განმავლობაში ანაზღაურების მიღების სანაცვლოდ. იმის დასადგენად, ესა თუ ის ხელშეკრულება გადასცემს თუ არა მომხმარებელს იდენტიფიცირებული აქტივის გამოყენების კონტროლის უფლებას გარკვეული პერიოდის განმავლობაში, კომპანია აფასებს, გამოყენების პერიოდის განმავლობაში მომხმარებელს გააჩნია თუ არა უფლებები: - ხელშეკრულებაში იდენტიფიცირებული აქტივიდან პრაქტიკულად მთლიანი სარგებლის მიღების უფლება და - იდენტიფიცირებული აქტივის გამოყენების წესის განსაზღვრის უფლება.

- თავდაპირველი აღიარება

იჯარის ვადის დაწყების თარიღისთვის კომპანია აღიარებს აქტივების გამოყენების უფლებას და საიჯარო ვალდებულებას, გარდა იჯარისა, რომლის საიჯარო აქტივს დაბალი ღირებულება აქვს და - იჯარისა, რომლის ვადა 12 თვეზე ნაკლებია. იჯარა კომპანიის ანგარიშგებაში აღიარდება როგორც აქტივი, რომელიც წარმოადგენს იჯარის ვადის განმავლობაში, იჯარის ობიექტის გამოყენების უფლებას და ვალდებულება საიჯარო გადასახდელების ანაზღაურებისთვის.

იჯარის ვადის დაწყების თარიღისთვის კომპანია საიჯარო ვალდებულებას აფასებს იმ საიჯარო გადახდების დღევანდელი ღირებულების მიხედვით, რომლებიც ამ თარიღისთვის განხორციელებული არ არის. საიჯარო გადახდები დისკონტირდება იჯარაში ნაგულისხმევი საპროცენტო განაკვეთით, თუ ამ განაკვეთის განსაზღვრა შესაძლებელია. თუ ეს შეუძლებელია, გამოიყენება იჯარის ვადის დაწყების თარიღისთვის განსაზღვრული მოიჯარის ზღვრული სასესხო განაკვეთი. საიჯარო ვალდებულების შეფასებაში ცვლადი საიჯარო გადახდები მონაწილეობს იმ მოცულობით, რა მოცულობითაც დამოკიდებულია ინდექსზე ან განაკვეთზე. ცვლადი საიჯარო გადახდები თავდაპირველად ფასდება იჯარის ვადის დაწყების თარიღის მდგომარეობით ამ ინდექსის ან განაკვეთის გამოყენებით. სხვა ცვლადი საიჯარო გადახდები აღიარდება იმ პერიოდის ხარჯად, რომელსაც ისინი მიეკუთვნება. იჯარის ვადის დაწყების თარიღისთვის, კომპანიის ვალდებულება საიჯარო გადასახდელების ანაზღაურებისთვის მოიცავს: თანხებს, რომელთა გადახდა მოსალოდნელია ნარჩენი ღირებულების გარანტიების მიხედვით; შესყიდვის არჩევანის უფლების ფასს, თუ საკმარისად სარწმუნოა, რომ მოიჯარე გამოიყენებს ამ უფლებას;

იჯარის ვადამდე შეწყვეტისთვის ჯარიმებს, თუ იჯარის ვადა ასახავს მოიჯარის მიერ იჯარის ვადამდე შეწყვეტის არჩევანის უფლების გამოყენებას;

იჯარის ვადის დაწყების თარიღისთვის კომპანია აქტივების გამოყენების უფლებას თვითღირებულებით აფასებს. აქტივების გამოყენების უფლების თვითღირებულება მოიცავს: - საიჯარო ვალდებულების თავდაპირველ შეფასებას, - საიჯარო გადახდებს, რომლებიც უკვე განხორციელებულია იჯარის ვადის დაწყების თარიღისთვის, ან ამ თარიღამდე, მიღებული წამახალისებელი საიჯარო გადახდების გამოკლებით; - მოიჯარის მიერ გაწეულ თავდაპირველ პირდაპირ დანახარჯებს; და - იმ დანახარჯების შეფასებას, რომლებსაც მოიჯარე გასწევს საიჯარო აქტივის დემონტაჟისა და ლიკვიდაციის დროს საიჯარო აქტივის აღსადგენად ისეთ მდგომარეობაში მოყვანის მიზნით, რაც მოითხოვება საიჯარო ხელშეკრულების პირობებით.

- შემდგომი შეფასება

იჯარის ვადის დაწყების თარიღის შემდეგ დღევანდელი ღირებულებით შეფასებული საიჯარო ვალდებულება იზრდება პროცენტის დამატებით და მცირდება განხორციელებული საიჯარო გადახდებით. აქტივების გამოყენების უფლება მცირდება დაგროვილი ცვეთით და დაგროვილი გაუფასურების გამოკლებით. თუ საიჯარო ხელშეკრულების თანახმად საიჯარო აქტივზე საკუთრების უფლება იჯარის ვადის დასრულებისას მოიჯარეს გადაეცემა, ან აქტივების გამოყენების უფლების თვითღირებულება ასახავს მოიჯარის განზრახვას, რომ ის გამოიყენებს აქტივის შესყიდვის არჩევანის უფლებას, აქტივს ცვეთა ერიცხება იჯარის ვადის დაწყების თარიღიდან საიჯარო აქტივის სასარგებლო მომსახურების ვადის დასრულებამდე. სხვა შემთხვევაში, აქტივების გამოყენების უფლებას ცვეთა ერიცხება იჯარის ვადის დაწყების თარიღიდან შემდეგ ორ თარიღს შორის უფრო ადრინდელ თარიღამდე: აქტივების გამოყენების უფლების სასარგებლო მომსახურების ვადის დასრულებისა და იჯარის ვადის დასრულების თარიღი. საიჯარო აქტივი ამორტიზდება იჯარის ვადის შესაბამისად. იჯარის ვადის დაწყების თარიღის შემდეგ კომპანია ხელახლა აფასებს საიჯარო ვალდებულებას, საიჯარო გადახდების ცვლილებების ასახვის მიზნით. საიჯარო ვალდებულების ხელახალი შეფასების შედეგად მიღებული თანხა აღიარდება, როგორც აქტივების გამოყენების უფლების კორექტირება. თუმცა, თუ აქტივების გამოყენების უფლების საბალანსო ღირებულება მცირდება ნულამდე და ამავე დროს მცირდება საიჯარო ვალდებულების შეფასებაც, ხელახალი შეფასების თანხის დარჩენილი ნაწილი აღიარდება მოგება/ზარალში. საიჯარო ვალდებულება ხელახლა ფასდება გადასინჯული საიჯარო გადახდების და გადასინჯული დისკონტირების განაკვეთის გამოყენებით, ნებისმიერ შემდეგ შემთხვევაში, თუ: შეიცვალა იჯარის ვადა, ან შეიცვალა საიჯარო აქტივის შესყიდვის არჩევანის უფლების შეფასება. თუ შეიცვალა თანხები, რომელთა გადახდაც მოსალოდნელია ნარჩენი ღირებულების გარანტიის პირობის ფარგლებში ან შეიცვალა მომავალი საიჯარო გადახდები იმის გამო, რომ შეიცვალა ამ გადახდების განსაზღვრისთვის გამოსაყენებელი ინდექსი ან განაკვეთი, საიჯარო ვალდებულება ხელახლა ფასდება იჯარის ვადის დასაწყისში განსაზღვრული დისკონტირების განაკვეთის გამოყენებით, იმ შემთხვევის გარდა, როდესაც საიჯარო გადახდების ცვლილება გამოწვეულია საპროცენტო განაკვეთების ცვალებადობით. როცა კომპანია ახდენს იჯარის სახელშეკრულებო პირობების მოდიფიკაციას, ამ შემთხვევაში, აღრიცხვა დამოკიდებულია მოდიფიკაციის შინაარსზე: - იჯარის მოდიფიკაცია აისახება, როგორც განცალკევებული იჯარა, თუ მოდიფიკაციის შედეგად იზრდება იჯარის გამოყენების სფერო და იჯარის ანაზღაურება იზრდება გაზრდილი გამოყენების სფეროს შესაფერისი ანაზღაურებით. - იჯარის ისეთი მოდიფიკაციის შემთხვევაში, რომელიც არ აღირიცხება, როგორც განცალკევებული იჯარა, იჯარის მოდიფიკაციის ძალაში შესვლის თარიღისთვის მოიჯარე ხელახლა აფასებს საიჯარო ვალდებულებას გადასინჯული საიჯარო გადახდების დისკონტირებით გადასინჯული დისკონტირების განაკვეთის საფუძველზე. - იჯარის ისეთი მოდიფიკაციის შემთხვევაში, რომლის შედეგად მცირდება იჯარის მოქმედების სფერო, მცირდება აქტივების გამოყენების უფლების საბალანსო ღირებულება იჯარის ნაწილობრივ ან სრულად შეწყვეტის ასახვის მიზნით, მოგება/ზარალში აღიარდება ნებისმიერი შემოსულობა ან ზარალი, რომელიც დაკავშირებულია იჯარის ნაწილობრივ ან მთლიანად შეწყვეტასთან; საიჯარო ვალდებულება შემდგომში კორექტირდება იმგვარად, რომ მისმა საბალანსო ღირებულებამ ასახოს მოდიფიცირებული საიჯარო გადასახდელები მოდიფიცირებული ვადის განმავლობაში, რომლებიც დადისკონტირებულია მოდიფიკაციის თარიღისთვის არსებული განაკვეთით. ასეთ დროს, აქტივების გამოყენების უფლებაც შესაბამისი თანხით კორექტირდება. კომპანია არასაიჯარო კომპონენტებს გამოაცალკევებს საიჯარო კომპონენტებისგან.

- იჯარის ვადა

იჯარის ვადა არის იჯარის არაგაუქმებადი პერიოდი, რომლის განმავლობაშიც მოიჯარეს აქვს საიჯარო აქტივების გამოყენების უფლება, შემდეგ პერიოდებთან ერთად: ა) პერიოდები, რომლებსაც მოიცავს

იჯარის გაგრძელების არჩევანის უფლებას (მათ შორის მიღებული საქმიანი პრაქტიკით გამყარებული), თუ საკმარისად სარწმუნოა, რომ მოიჯარე ამ უფლებას გამოიყენებს; და ბ) პერიოდები, რომლებსაც მოიცავს იჯარის ვადამდე შეწყვეტის არჩევანის უფლება, თუ საკმარისად სარწმუნოა, რომ მოიჯარე ამ უფლებას არ გამოიყენებს. ხელმძღვანელობა იყენებს მსჯელობას იჯარის ვადის დადგენისას. იმის შესაფასებლად, საკმარისად სარწმუნოა თუ არა, რომ მოიჯარე გამოიყენებს იჯარის გაგრძელების უფლებას, ან არ გამოიყენებს იჯარის ვადამდე შეწყვეტის უფლებას, კომპანია განიხილავს ყველა სათანადო ფაქტს და გარემოებას, რომელიც მოიჯარეს ეკონომიკურ სტიმულს უქმნის, გამოიყენოს იჯარის გაგრძელების უფლება, ან არ გამოიყენოს იჯარის ვადამდე შეწყვეტის უფლება. კომპანია ხელახლა აფასებს, საკმარისად სარწმუნოა თუ არა, რომ ის გამოიყენებს იჯარის გაგრძელების არჩევანის უფლებას, ან არ გამოიყენებს იჯარის ვადამდე შეწყვეტის უფლებას, იმ შემთხვევაში, თუ მოხდება რაიმე მნიშვნელობიანი მოვლენა, ან მნიშვნელოვნად შეიცვლება გარემოებები, რომლებიც: ა) მოიჯარის კონტროლს ექვემდებარება; და ბ) გავლენას ახდენს იმის შეფასებაზე, საკმარისად სარწმუნოა თუ არა, რომ მოიჯარე გამოიყენებს უფლებას, რომელიც ადრე გათვალისწინებული არ ჰქონდა იჯარის ვადის დადგენისას, ან არ გამოიყენებს ისეთ უფლებას, რომელიც ადრე გათვალისწინებული ჰქონდა იჯარის ვადის განსაზღვრისას. ხელმძღვანელობა ყოველი საანგარიშგებო პერიოდის ბოლოსათვის ახდენს საიჯარო ვადების ხელახალ შეფასებას. საიჯარო ვადების ცვლილების ეფექტით ხდება აქტივის გამოყენების უფლებისა და საიჯარო ვალდებულების დაკორექტირება.

- ზღვრული სასესხო განაკვეთი

ზღვრული სასესხო განაკვეთი არის, საპროცენტო განაკვეთი, რომლის გადახდაც მსგავს ეკონომიკურ გარემოში მოუწევდა მოიჯარეს აქტივების გამოყენების უფლების ღირებულების მსგავსი ღირებულების აქტივის მოსაპოვებლად საჭირო სესხით სარგებლობისთვის, რომელსაც მსგავსი ვადა და უზრუნველყოფა ექნებოდა. ხელმძღვანელობა იყენებს მსჯელობას ზღვრული სასესხო განაკვეთის დადგენისთვის. დაკვირვებადი მონაცემების გამოყენებით განისაზღვრება ძირითადი განაკვეთი, რომელიც კორექტირდება მოიჯარისთვის დამახასიათებელი სპეციფიკური ფაქტორებით და უზრუნველყოფის (იჯარის ობიექტის) მახასიათებლებით.

- საიჯარო გადახდები

ხშირად იჯარის ხელშეკრულება არ მოიცავს ჩანაწერს (ან მოიცავს არასრულ ჩანაწერს) იჯარის განახლების/გაგრძელების შესახებ. ზემოთხსენებული უფლების არსებობა გამყარებულია მიღებული საქმიანი პრაქტიკის შესაბამისად. კომპანია ამგვარ მიღებულ საქმიან პრაქტიკას განიხილავს ხელშეკრულების შემადგენელ ნაწილად. ასეთი შემთხვევებისთვის, საიჯარო ვალდებულების განსაზღვრისას შეფასებული საიჯარო გადახდები არის უცვლელი მთელი საიჯარო ვადის განმავლობაში განახლებადი პერიოდის ჩათვლით.

მოკლევადიანი იჯარა და გრძელვადიანი იჯარა, რომლის საიჯარო აქტივს დაბალი ღირებულება აქვს კომპანიამ გადაწყვიტა მოკლევადიან იჯარასთან და დაბალი ღირებულების მქონე საიჯარო აქტივის იჯარასთან მიმართებაში გამოიყენოს გათავისუფლება. ამ იჯარასთან დაკავშირებული საიჯარო გადახდები აღირიცხება ხარჯის სახით იჯარის ვადის განმავლობაში.

- იჯარების პორტფელური აღრიცხვა

კომპანია მსგავსი მახასიათებლების მქონე საიჯარო ხელშეკრულებების პორტფელს აღრიცხავს გამარტივებული მიდგომის სახით, მხოლოდ იმ შემთხვევაში თუ კომპანია ვარაუდობს, რომ ხელშეკრულებების პორტფელთან მიმართებით იჯარის სააღრიცხვო პოლიტიკის გამოყენების გავლენა ანგარიშგებაზე არსებითად განსხვავებული არ იქნება პორტფელის შემადგენელი ცალკეული ხელშეკრულების მიმართ მისი გამოყენების შედეგისგან. ხელშეკრულებების პორტფელის მიხედვით აღრიცხვისას, კომპანია იყენებს ისეთ შეფასებებსა და დამზებებს, რომლებიც ასახავს პორტფელის სიდიდესა და შემადგენლობას. კომპანია იყენებს ერთი დისკონტირების განაკვეთს საკმარისად მსგავსი მახასიათებლების მქონე საიჯარო ხელშეკრულებების პორტფელთან მიმართებით (როგორიცაა, მაგალითად მსგავსი კლასის საიჯარო აქტივების საიჯარო ხელშეკრულებები, რომლებსაც მსგავსი დარჩენილი იჯარის ვადა აქვთ ანალოგიურ ეკონომიკურ გარემოში და ნომინირებულია ერთი და იგივე ვალუტაში).

4.8 გადასახადები

- მოგების გადასახადი

2017 წლის 1 იანვრიდან საქართველოში ძალაშია მოგების გადასახადის ესტონური მოდელი. მის თანახმად მოგების გადასახადით დაბეგვრის საგანს წარმოადგენს: დივიდენდების განაწილება; სხვაობა გარიგების ფასსა და საბაზრო ღირებულებას შორის; ხრჯები, რომლებიც არ მიეკუთვნება ეკონომიკურ საქმიანობას; დანაკლისები; უსასყიდლოდ გადაცემული საქონელი და მომსახურება; ლიმიტს ზემოთ გაწეული წარმომადგენლობითი ხარჯები.

მოგების გადასახადის ხარჯი აღიარდება იმ საანგარიშგებო პერიოდში, როდესაც კომპანია ზემოთ ჩამოთვლილი მოვლენების შედეგად გარდა პირველისა, გაიანგარიშებს მოგების გადასახადს.

- გადავადებული გადასახადი

საქართველოს საგადასახადო კანონმდებლობაში შესული სპეციფიკური ცვლილებების გამო 2017 წლიდან საქართველოს რეზიდენტი კომპანიებისთვის აქტივების და ვალდებულებების საბალანსო და საგადასახადო ღირებულებებს შორის არ არსებობს დროებითი სხვაობები, რომელმაც შეიძლება გამოიწვიოს გადავადებული საგადასახადო აქტივების/ვალდებულებების წარმოქმნა.

- გადასახადები, გარდა მოგების გადასახადისა

გადასახადები გარდა მოგების გადასახადისა აღიარდება იმ საანგარიშგებო პერიოდში რა პერიოდშიც შესრუდება დასაბეგრი ოპერაციები ან ქონების გადასახადის შემთვევაში - რა პერიოდისთვისაც წარმოიშება საგადასახადო ვალდებულება კანონის თანახმად. წინასწარ გადახდილი გადასახადები, რომლისგანაც მოსალოდნელია მომავალში ეკონომიკური სარგებლის მიღება აღიარდება აქტივად. გადასახდელი დამატებული ღირებულების გადასახადი, რომელიც დაკავშირებულია დასაბეგრი გარიგებებთან, საგადასახადო ორგანოებისათვის გადასახდელი ხდება მომხმარებლებისთვის საქონლის ან მომსახურების მიწოდების თვის მომდევნო თვის 15 რიცხვამდე (ან უშუალოდ მომდევნო დღემდე, თუ ეს თარიღი არასამუშაო დღეს წარმოადგენს). საგადასახადო კოდექსით დადგენილია დღგ-ზე ანგარიშსწორება გაყიდვასა და შესყიდვას დღგ-ებში სხვაობაზე. დღგ აღიარებულია ფინანსური მდგომარეობის ანგარიშგებაში ასეთი სალდირების საფუძველზე.

4.9 ძირითადი საშუალებები

ძირითადი საშუალებების ერთეულის საწყისი აღიარება ხდება თვითღირებულებით. თვითღირებულების კომპონენტები მოიცავს შეძენის, ტრანსპორტირების ფასსა და უშუალოდ დაკავშირებულ დანახარჯებს, რომელიც აუცილებელია აქტივის სამუშაო მდგომარეობაში მოსაყვანად. შემდგომი დანახარჯები ჩაირთვება აქტივის საბალანსო ღირებულებაში მხოლოდ მაშინ, როდესაც შესაძლებელია აღნიშნული ტიპის დანახარჯისგან მომავალი ეკონომიკური სარგებლის მიღება და შესაძლებელია მისი ღირებულების საიმედოდ განსაზღვრა. ყველა სხვა სახის დანახარჯი, რომელიც დაკავშირებულია მიმდინარე რემონტებთან, აღიარდება როგორც ხარჯი მისი გაწევის პერიოდში. ძირითადი საშუალებები აღირიცხება ისტორიულ ღირებულებას, დაგროვილ ცვეთასა და გაუფასურების ზარალს შორის სხვაობის თანხით. ცვეთა ერიცხება აღნიშნულ აქტივთა ჯგუფს, მთლიანად მათი სასარგებლო მომსახურების ვადის განმავლობაში. კომპანია იყენებს ცვეთის წრფივი დარიცხვის მეთოდს ძირითადი საშუალებების ყველა ჯგუფისათვის.

სასარგებლო სამსახურის ვადა და ცვეთის მეთოდი გადაიხედება ყოველი საანგარიშგებო პერიოდის ბოლოს, ღირებულების ცვლილების ეფექტის გათვალისწინებით, პერსპექტიულ საფუძველზე. იმ შემთხვევაში, თუ ძირითადი საშუალებების თითოეულ კომპონენტს გააჩნია განსხვავებული ექსპლუატაციის პირობები, მაშინ ამდაგვარ აქტივთა ჯგუფი აღირიცხება ინდივიდუალურად. ძირითადი საშუალებების ჯგუფების სასარგებლო მომსახურების ვადები მეტწილად წარმოდგენილია შემდეგნაირად:

კომპ ტექნიკა და პერიფერია	5 წელი;
ავტო	8 - 10 წელი;
სატრანსპორტო საშუალებები	10 წელი;
იჯარით აღებული ქონების კეთილმოწყობა	საიჯარო ხელშეკრულების მოქმედების ვადა

ძირითადი საშუალებების ცვეთის ხარჯი აღიარდება ხარჯებში, გარდა იმ შემთხვევისა, როდესაც აღნიშნული თანხა უნდა აღირიცხოს სხვა აქტივის საბალანსო ღირებულებაში. ძირითადი საშუალების

ობიექტის აღიარება წყდება მისი გასხვისებისას ან როდესაც მისი შემდგომი გამოყენებიდან მომავალში ეკონომიკური სარგებლის მიღება აღარ არის მოსალოდნელი. მოგება ან ზარალი ძირითადი საშუალებების გასვლის შედეგად განისაზღვრება საბალანსო ღირებულებისა და მიღებული წმინდა ანაზღაურების სხვაობით და აღიარდება სრული შემოსავლის ანგარიშგებაში.

4.10 საინვესტიციო ქონება

საინვესტიციო ქონებას კომპანია აქტივად აღიარებს როდესაც: ა) მოსალოდნელია, რომ საწარმო მიიღებს ამ ქონებასთან დაკავშირებულ მომავალ ეკონომიკურ სარგებელს; ბ) შესაძლებელია საინვესტიციო ქონების თვითღირებულების საიმედოდ შეფასება. საინვესტიციო ქონება აღირიცხება ისტორიულ ღირებულებას, დაგროვილ ცვეთას და გაუფასურების ზარალს შორის სხვაობის თანხით. ცვეთა ერიცხება აღნიშნულ აქტივთა ჯგუფს, მთლიანად მათი სასარგებლო მომსახურების ვადის განმავლობაში. კომპანია იყენებს ცვეთის წრფივი დარიცხვის მეთოდს. საინვესტიციო ქონების სასარგებლო მომსახურების ვადა განისაზღვრება 20-40 წლით. კომპანიის საკუთრებაში არსებულ მიწას ცვეთა არ ერიცხება. საინვესტიციო ქონების აღიარება წყდება მისი გასხვისებისას ან მაშინ, როდესაც მისი შემდგომი გამოყენებიდან მომავალში ეკონომიკური სარგებლის მიღება აღარაა მოსალოდნელი. მოგება ან ზარალი საინვესტიციო ქონების გასვლის შედეგად განისაზღვრება საბალანსო ღირებულებისა და მიღებული წმინდა ანაზღაურების სხვაობით და ჩაირთვება სრული შემოსავლის ანგარიშგებაში.

4.11 აქტივების გაუფასურება

ყოველი საანგარიშგებო პერიოდის ბოლოს საწარმო მიმოიხილავს აქტივების საბალანსო ღირებულებას რათა განსაზღვროს, არსებობს თუ არა მინიშნება აქტივის გაუფასურების შესახებ. ასეთის არსებობის შემთხვევაში, კომპანია ახორციელებს აქტივების ანაზღაურებადი ღირებულების შეფასებას. თუ შეუძლებელია ცალკეული აქტივის ანაზღაურებადი ღირებულების შეფასება, კომპანია განსაზღვრავს იმ ფულადი სახსრების წარმომქმნელი ერთეულის ანაზღაურებად ღირებულებას, რომელსაც განეკუთვნება მოცემული აქტივი. აქტივის ფულადი სახსრების წარმომქმნელი ერთეული წარმოადგენს აქტივების უმცირეს ჯგუფს, რომელიც მოიცავს მოცემულ აქტივს და წარმოქმნის ფულად სახსრებს უწყვეტი გამოყენების შედეგად, რომელთა მიღება, უმეტესწილად, დამოკიდებული არ არის სხვა აქტივებიდან ან აქტივთა ჯგუფიდან ფულადი სახსრების მიღებაზე. აქტივის (ან ფულადი სახსრების წარმომქმნელი ერთეულის) ანაზღაურებადი ღირებულება წარმოადგენს გასვლის დანახარჯებით შემცირებულ რეალურ ღირებულებასა და გამოყენების ღირებულებას შორის უდიდეს თანხას.

აქტივის გამოყენების ღირებულება არის აქტივიდან ან ფულადი სახსრების წარმომქმნელი ერთეულიდან მომავალში მისაღები ფულადი ნაკადების დისკონტირებული ღირებულება. აქტივის (ან ფულადი სახსრების წარმომქმნელი ერთეულის) საბალანსო ღირებულება უნდა შემცირდეს მის ანაზღაურებად ღირებულებამდე იმ შემთხვევაში, თუ მოცემული აქტივის (ან ფულადი სახსრების წარმომქმნელი ერთეულის) ანაზღაურებადი ღირებულება ნაკლებია მის საბალანსო ღირებულებაზე. შემცირების თანხა წარმოადგენს გაუფასურების ზარალს და აღიარდება ხარჯის სახით მოგება-ზარალის ან სხვა სრული შემოსავლის ანგარიშგებაში. ყოველი საანგარიშგებო პერიოდის ბოლოს კომპანია განსაზღვრავს არსებობს თუ არა რაიმე ნიშანი, რომლის მიხედვით წინა წლებში აღიარებული აქტივის (ან ფულადი სახსრების წარმომქმნელი ერთეულის) გაუფასურების ზარალი შესაძლოა აღარ არსებობდეს ან შემცირებული იყოს. მისი არსებობის შემთხვევაში, კომპანია აფასებს მოცემული აქტივის (ან ფულადი სახსრების წარმომქმნელი ერთეულის) ანაზღაურებად ღირებულებას. გაუფასურების ზარალის კომპენსირების შემთხვევაში იზრდება აქტივის (ფულადის სახსრების წარმომქმნელი ერთეულის) საბალანსო ღირებულება, მაგრამ არაუმეტეს იმ საბალანსო ღირებულებისა, რომელიც მიღებული იქნებოდა წინა წლებში გაუფასურების ზარალის აღიარება რომ არ მომხდარიყო.

4.12 სასაქონლო-მატერიალური მარაგები

კომპანიაში მარაგების შეფასება ხდება უმცირესი თანხით თვითღირებულებასა და ნეტო სარეალიზაციო ღირებულებას შორის. მარაგების თვითღირებულება მოიცავს მათ შეძენასა და გადამუშავებასთან დაკავშირებულ დანახარჯებს, აგრეთვე იმ დანახარჯებს რომელიც გაწეულია მის მოცემულ ადგილამდე ტრანსპორტირებისა და სათანადო მდგომარეობაში მოყვანისათვის. სასაქონლო-მატერიალური ფასულობების შეძენის დანახარჯები მოიცავს მათი შეძენის ღირებულებას, საიმპორტო საბაჟო გადასახადს და სხვა არადაბრუნებად გადასახადებს, სატრანსპორტო, დატვირთვა-გადმოტვირთვის დანახარჯებს და მარაგების შეძენასთან უშუალოდ დაკავშირებულ სხვა დანახარჯებს. ყველა სახის სავაჭრო ფასდაკლება ამცირებს შეძენის დანახარჯებს. მარაგების ნეტო სარეალიზაციო ღირებულება არის შეფასებითი გასაყიდი ფასი გაყიდვისათვის საჭირო შეფასებითი დანახარჯების გამოკლებით.

4.13 დივიდენდები

გასაცემი დივიდენდები დგინდება კომპანიის დამფუძნებელი პარტნიორების გადაწყვეტილების საფუძველზე. დივიდენდები აღიარდება როგორც ვალდებულება და შესაბამისი თანხით მცირდება კაპიტალი. საანგარიშგებო პერიოდის შემდეგ ფინანსური ანგარიშგების დამტკიცებამდე გამოქვეყნებული დივიდენდები განიმარტება ბალანსის შემდგომ მოვლენებში.

4.16 ანარიცხები და პირობითი ვალდებულებები

პირობითი ვალდებულებები არ აისახება ფინანსურ ანგარიშგებაში, გარდა იმ შემთხვევისა, როდესაც მოსალოდნელია ეკონომიკური სარგებლის გასვლა კომპანიიდან და შესაძლებელია ამ ვალდებულების საიმედოდ შეფასება. ფინანსურ ანგარიშგებაში ასევე არ აისახება პირობითი აქტივები. მაგრამ ისეთი ფინანსური აქტივების შესახებ ინფორმაცია, რომლებთან დაკავშირებული ეკონომიკური სარგებლის შემოსვლა კომპანიაში მოსალოდნელია აისახება განმარტებით შენიშვნებში. იმ შემთხვევაში, თუ კომპანიას აქვს რწმუნება, რომ ეკონომიკური სარგებელი შემოვა კომპანიაში, მაშინ მასთან დაკავშირებული აქტივი და შემოსავალი აისახება იმ პერიოდის ფინანსურ ანგარიშგებაში, როდესაც აღგილი ჰქონდა შეფასების ცვლილებას. ანარიცხი წარმოადგენს ვალდებულებას, რომელიც დაკავშირებულია რაოდენობრივ და დროით განუსაზღვრელობებთან. კომპანიაში ანარიცხი აღიარდება, როდესაც კომპანიას აქვს მიმდინარე მოვალეობა (იურიდიული ან კონსტრუქციული), რომელიც წარმოიქმნება წარსული მოვლენის შედეგად და სავარაუდოა, რომ მოვალეობის დასაფარად საჭირო იქნება ეკონომიკურ სარგებელში განივებული რესურსების გასვლა; და შესაძლებელია ვალდებულების თანხის საიმედოდ შეფასება.

5. ფინანსური ინსტრუმენტები - რისკების მართვა

კომპანიის წინაშე არსებული ძირითადი რისკებია:

- საკრედიტო რისკი;
 - სავალუტო რისკი;
 - ლიკვიდურობის რისკი;
- საოპერაციო რისკი

კომპანია საოპერაციო საქმიანობის ნაწილში დგას ფინანსური ინსტრუმენტების გამოყენებიდან წარმოქმნილი რისკების წინაშე. ეს განმარტებითი შენიშვნა აღწერს კომპანიის მიზნებს, პოლიტიკებსა და პროცედურებს რისკების მართვისათვის და რისკების შეფასების მეთოდებს. ამ რისკებთან დაკავშირებული დამატებითი რაოდენობრივი ინფორმაცია წარმოდგენილია ფინანსურ ანგარიშგებაში.

ფინანსური ინსტრუმენტების ძირითადი კატეგორიები

კომპანიის ძირითადი ფინანსური ვალდებულებები მოიცავს სავაჭრო და სხვა ვალდებულებებს, საიჯარო ვალდებულებებს. ამ ფინანსური ინსტრუმენტების მთავარი მიზანია კომპანიის ფინანსური უზრუნველყოფა. კომპანიას გააჩნია ისეთი ფინანსური აქტივები როგორიცაა სავაჭრო და სხვა მოთხოვნები, ფული და ფულის ეკვივალენტები. ფინანსური ინსტრუმენტების ძირითადი კატეგორიები წარმოდგენილია შემდეგნაირად:

დასახელება	31/12/24	31/12/23
ფული და ფულის ეკვივალენტები	2,003,552	1,349,344
მოკლევადიანი მოთხოვნები	1,936,005	2,193,173
საგადასახადო აქტივები	43,705	50,438
მოკლევადიანი ვალდებულებები	2,012,531	2,420,439
გრძელვადიანი საიჯარო ვალდებულებები	1,544,868	1,856,350

- ფინანსური ინსტრუმენტების რეალური ღირებულება

რეალური ღირებულება არის საფასური, რომელიც მიიღება აქტივის გაყიდვისას ან გადაიხდება ვალდებულების გადასაცემად ორგანიზებულ ოპერაციაში საბაზრო მონაწილეებს შორის შეფასების დღეს, ან ასეთის არ არსებობის შემთხვევაში იმ ბაზრის მიხედვით რომელზეც აქვს წვდომა კომპანიას და ყველაზე ხელსაყრელია მოცემული თარიღისათვის. როცა შესაძლებელია, ინსტრუმენტის რეალურ

ღირებულებას კომპანია განსაზღვრავს მოცემული ინსტრუმენტის მოქმედ ბაზარზე კოტირებული ფასით. ბაზარი მოქმედად ითვლება, თუ აქტივებისა და ვალდებულებების ოპერაციები მიმდინარეობს საკმარისი სიხშირითა და მოცულობით, რათა უზრუნველყოს ინფორმაცია ფასების თაობაზე მუდმივ რეჟიმში. თუ მოქმედ ბაზარზე არ არსებობს კოტირებული ფასი, კომპანია რეალურ ღირებულებას განსაზღვრავს შეფასების მეთოდების გამოყენებით. შერჩეული შეფასების მეთოდი მაქსიმალურად იყენებს დაკვირვებად საბაზრო მონაცემებს, მინიმალურად ეყრდნობა არასაბაზრო მონაცემებს და ითვალისწინებს ყველა იმ ფაქტორს, რომლებსაც ბაზრის მონაწილეები ფასის დადგენისას მიიღებდნენ მხედველობაში. თავდაპირველი აღიარებისას ამა თუ იმ ფინანსური ინსტრუმენტის რეალური ღირებულების საუკეთესო მტკიცებულება არის გარიგების ფასი, ანუ გადახდილი ან მიღებული საკომპენსაციო თანხის რეალური ღირებულება. თუ კომპანია გადაწყვეტს, რომ რეალური ღირებულება თავდაპირველი აღიარებისას განსხვავდება გარიგების ფასისგან და რეალური ღირებულება არ დასტურდება იდენტური აქტივის ან ვალდებულების მოქმედ ბაზარზე არსებული კოტირებული ფასით, ასევე, ეს ღირებულება არ ეფუძნება შეფასებას ისეთი მეთოდის საფუძველზე, რომლის ცვლადებიც მოიცავენ მხოლოდ დაკვირვებადი ბაზრების მონაცემებს, ასეთ შემთხვევაში ფინანსური ინსტრუმენტი თავდაპირველად შეფასდება რეალური ღირებულებით, რომელიც დაკორექტირდება სხვაობით ამ ღირებულებასა და გარიგების ღირებულებას შორის. ნებისმიერი სხვაობა ამ ღირებულებასა და შეფასების მეთოდით მიღებულ თავდაპირველ ღირებულებას შორის მოგვიანებით სათანადო წესით აღიარდება მოგებაში ან ზარალში, ინსტრუმენტის სასიცოცხლო ვადის განმავლობაში, მაგრამ არაუგვიანეს იმ დროისა, როცა შეფასება მთლიანად ეყრდნობა დაკვირვებადი ბაზრის მონაცემებს ან როდესაც გარიგება დაიხურება. კომპანია აღგენს რეალურ ღირებულებას შემდეგი იერარქიის გამოყენებით, რომელიც ასახავს შეფასების გაკეთებისას გამოყენებული მონაცემების მნიშვნელობას: დონე 1: კოტირებული საბაზრო ფასი (კორექტირების გარეშე) მოქმედ ბაზარზე ანალოგიური ფინანსური ინსტრუმენტისთვის; დონე 2: მონაცემები გარდა იმისა, რაც შედის პირველ დონეში და რომლებიც თვალსაჩინოა როგორც პირდაპირ (ფასები), ასევე ირიბად (ფასებისაგან წარმოებული). ეს კატეგორია მოიცავს ინსტრუმენტებს, რომლებიც ფასდება შემდეგი მონაცემების გამოყენებით: მოქმედ ბაზრებზე კოტირებული საბაზრო ფასები მსგავსი ფინანსური ინსტრუმენტებისთვის; კოტირებული ფასები მსგავსი ინსტრუმენტებისთვის, რომლებიც ნაკლებად აქტიურად მიიჩნევა; ან შეფასების სხვა მეთოდები, რომლის ფარგლებშიც ყველა მნიშვნელოვანი მონაცემი არის პირდაპირ ან ირიბად თვალსაჩინო, საბაზრო მონაცემებიდან გამომდინარე; დონე 3: არათვალსაჩინო მონაცემები. აღნიშნული კატეგორია მოიცავს ყველა ინსტრუმენტს, რომლის ფარგლებში შეფასების მეთოდიცა მოიცავს მონაცემებს, რომლებიც არ ეყრდნობიან თვალსაჩინო მონაცემებს და არათვალსაჩინო მონაცემები მნიშვნელოვან გავლენას ახდენენ ინსტრუმენტის შეფასებაზე. აღნიშნული კატეგორია მოიცავს ინსტრუმენტებს, რომელთა შეფასება ხდება მსგავსი ინსტრუმენტებისთვის კოტირებული ფასების საფუძველზე, რომლის ფარგლებში მნიშვნელოვანი არათვალსაჩინო კორექტირებები ან დამუშავებია საჭირო, რათა აისახოს სხვაობები ინსტრუმენტებს შორის. რეალური ღირებულების შეფასება, რომელიც გამოყენებულია ამორტიზებული ღირებულებით აღრიცხული ფინანსური ინსტრუმენტებისთვის - სხვა ინვესტიციები, სავაჭრო და სხვა მოთხოვნები, გაცემული სესხები, სავაჭრო და სხვა ვალდებულებები, საიჯარო ვალდებულებები მოხდა მე-2 და მე-3 იერარქიის საფუძველზე. აღნიშნული იერარქიებისთვის მოხდა დისკონტირებული ფულადი ნაკადების მეთოდის გამოყენებით. რეალური ღირებულების შეფასება არაკოტირებული ფიქსირებული საპროცენტო განაკვეთის მქონე ფინანსური ინსტრუმენტებისთვის მოხდა მოსალოდნელი მომავალი ფულადი ნაკადების საფუძველზე, რომელიც დადისკონტირებულია მიმდინარე საპროცენტო განაკვეთით, რომელიც დამახასიათებელია მსგავსი საკრედიტო რისკის და დაფარვის ვადის მქონე ახალი ფინანსური ინსტრუმენტისთვის. 2024 და 2023 წლების 31 დეკემბრს დასრულებული წლებისთვის არ მომხდარა ცვლილება მე-2 და მე-3 დონის შეფასების იერარქიისთვის გამოყენებულ შეფასების მეთოდოლოგიაში. ფული და ფულის ეკვივალენტების რეალური ღირებულება შეფასებულია პირველი დონის

- კაპიტალის მართვა

კომპანია თავის კაპიტალთან დაკავშირებულ რისკს მართავს იმისათვის, რომ უზრუნველყოს ფუნქციონირებად საწარმოდ დარჩენა და ამავდროულად დაინტერესებული მხარეების უკუგების მაქსიმიზაცია, მოზიდული და საკუთარი კაპიტალის ოპტიმალური ბალანსის დაცვის გზით. კომპანიის მენეჯმენტი რეგულარულად მიმოიხილავს კაპიტალის სტრუქტურას. ზოგადი მიზნები, პოლიტიკა და პროცესები კომპანიის ხელმძღვანელობას გააჩნია საერთო პასუხისმგებლობა კომპანიის რისკების მართვის მიზნებისა და პოლიტიკის განსაზღვრისთვის, ამასთანავე, პასუხისმგებლობის შენარჩუნებასთან ერთად, მიზნებისა და პროცესების ეფექტურად დანერგვისთვის მას დელეგირებული აქვს პროცესების შემუშავებისა და ოპერირების უფლება კომპანიის ფინანსური მხარისთვის. კომპანიის მენეჯმენტი

ღებულობს ყოველთვიურ ანგარიშგებას კომპანიის ფინანსური მხარისგან, მიმოიხილავს თავიანთი დასახული მიზნებისა და პოლიტიკის შესრულებისათვის განხორციელებული პროცესების ეფექტურობას. კომპანიის მენეჯმენტის მთავარი მიზანი არის დაიცვას კომპანია რისკის მიუღებელი დონისაგან და საშუალება მისცეს მას მიაღწიოს საქმიანობის მიზანს. აღნიშნულ პოლიტიკასთან დაკავშირებული დამატებითი ინფორმაცია მოცემულია ქვემოთ.

- სავალუტო რისკი

სავალუტო რისკი განისაზღვრება, როგორც რისკი იმისა, რომ ფინანსური ინსტრუმენტების ღირებულება მერყევი იქნება სავალუტო კურსის ცვალებადობის გამო. უცხოურ ვალუტაში არსებული ფინანსური აქტივებისა და ვალდებულებების საბალანსო ღირებულება წარმოდგენილია შემდეგნაირად:

აქტივები	31/12/24	31/12/23
ფული ევროს საბანკო ანგარიშზე	EUR 784	EUR 10,068
ფული აშშ დოლარის საბანკო ანგარიშზე	\$36,309	\$198,488

უცხოურ ვალუტაში არსებული მცირე აქტივები მოცემულ კონკრეტულ შემთხვევაში კომპანიას არსებითი რისკების წინაშე ვერ აყენებენ.

ვალდებულებები	31/12/24	31/12/23
სავაჭრო ვალდებულებები	არ გააჩნია	არ გააჩნია
საიჯარო ვალდებულებები	\$13,000	

კომპანიის ხელმძღვანელობის მიერ სავალუტო რისკის მინიმიზაციისათვის გადადგმული აქვს ქმედითი ნაბიჯები: იმპორტულ საქონელზე (მთლიანად) სავაჭრო ვალდებულებების ვალუტა არის ქართული ლარი. იმის გამო, რომ მომწოდებელთან საბანკო ტრანზაქციები ვერ ხდება ლარებში, ნავაჭრი ამონაგები გადარცხვის უშუალოდ წინა პერიოდში კონვერტირდება დოლარში და დოლარი ირიცხება სპოტ კურსით ლარის მიმართ. რაც შეეხება მოკლევადიან საიჯარო ვალდებულებებს, სავალუტო რისკი, როგორც ცხრილიდან ჩანს, არაარსებითია.

- საკრედიტო რისკი

საკრედიტო რისკი არის ფულადი ზარალის მიღების რისკი დებიტორის ან სხვა კონტრაგენტის მიერ დავალიანების დაუფარავობის შემთხვევაში. კომპანიის საფრთხეს საკრედიტო რისკთან დაკავშირებით განაპირობებს თითოეული მომხმარებლის მახასიათებლები. კომპანიის საკრედიტო რისკი განპირობებულია გაცემული სესხებით, სავაჭრო და სხვა მოთხოვნებით და ფული და ფულის ეკვივალენტებით (გარდა ნაღდი ფულისა). კომპანია საკრედიტო რისკს მართავს გარკვეული პრინციპების საფუძველზე, რომლებიც ითვალისწინებს ყველა დაუფარავი საკრედიტო თანხის დაფარვის კონტროლს და პრობლემური ფინანსური აქტივების ინტენსიურ მართვას. საკრედიტო რისკის მონიტორინგის მიზნით, კომპანია მომხმარებლებს აერთიანებს მათი ვადაგადაცემების სტატუსის მიხედვით. საკრედიტო რისკის სამართავად კომპანია განიხილავს არის თუ არა დებიტორი სახელმწიფო, დაკავშირებული მხარე ან სხვა იურიდიული პირი. ფინანსური აქტივების საბალანსო ღირებულება წარმოადგენს მაქსიმალურ საკრედიტო რისკს (გარდა ნაღდი ფულისა). კომპანია საკრედიტო რისკის მართვის პოლიტიკის ფარგლებში ახორციელებს ფინანსური აქტივების საკრედიტო ხარისხის ანალიზს. სავაჭრო და სხვა მოთხოვნების საკრედიტო ხარისხის ანალიზი 2024 წლის 31 დეკემბრის მდგომარეობით, რომელიც არ შეიცავს არსებით მოთხოვნებს დაკავშირებული მხარეების მიმართ (საექვო და უიმედო მოთხოვნები გადაცემულია ფაქტორინგის წესით არცთუ შორეულ წარსულში) შემდეგია:

დასახელება	სულ	ხანდაზმულობა				
	31/12/24	თვემდე	3 თვემდე	180 დღემდე	წლამდე	წელზე მეტი
მოთხოვნები მიწოდებიდან და მომსახურებიდან	1,936,005	946,168	97,558	62,860	134,047	695,372
გაუფასურება თანხა	965,342	33,372	44,375	58,176	134,047	695,372

- ლიკვიდურობის რისკი

ლიკვიდურობის რისკში იგულისხმება საკმარისი ფინანსური რესურსის არსებობა, რათა მოხდეს ფინანსური ვალდებულებების დაფარვა შესაბამის ვადაში. ლიკვიდურობის რისკის მართვისთვის ხელმძღვანელობა ახორციელებს სისტემატიურ ზედამხედველობას მოსალოდნელ მომავალ ფულად ნაკადებზე, რომელიც წარმოადგენს აქტივებისა და ვალდებულებების მართვის პროცესის ნაწილს. კომპანია ახდენს ლიკვიდურობის რისკების კონტროლს ვადიანობის ანალიზის მიხედვით და განსაზღვრავს კომპანიის სტრატეგიას მომავალი ფინანსური პერიოდისთვის. მოყვანილი ცხრილებიდან ჩანს, რომ კომპანიის ფინანსური ვალდებულებები შედგება მიმდინარე სავაჭრო და გრძელვადიანი საიჯარო ვალდებულებებისაგან.

დასახელება	1 წლამდე	1-5 წელი
მოკლევადიანი სავაჭრო ვალდებულებები	2,012,531	
გრძელვადიანი საიჯარო ვალდებულებები		1,544,868

კომპანიის პოზიციაა, რომ აქვს საკმარისი ლიკვიდობა (სწრაფი ლიკვიდობის კოეფიციენტი ძალიან მაღალია), რომ შეასრულოს მიმდინარე ვალდებულებები. ფული და ფულის ექვივალენტების ოდენობა უკვე ტოლია მიმდინარე ვალდებულებებისა, ამას ემეტება მოკლევადიანი მოთხოვნები და მარაგები. კომპანიას ასევე კარგი პოზიცია აქვს გრძელვადიან საიჯარო ვალდებულებებში. საიჯარო ხელშეკრულებების კომპანიის მიერ ცალმხრივი გაუქმების შემთხვევაში პირგასამტეხლობები ორი თვის საიჯარო ქირას არ აღემატება.

6. ა1 ფული და ფულის ეკვივალენტები

დასახელება	31/12/24	31/12/23
ფული და ფულის ეკვივალენტები	2,003,552	1,349,344

ფულის და ფულის ეკვივალენტების საბალანსო ღირებულება შეესაბამება მათ რეალურ ღირებულებას. დამატებითი ინფორმაცია ფულის და ფულის ეკვივალენტების შესახებ იხილეთ მე-5 შენიშვნაში.

ა2. მოკლევადიანი მოთხოვნები

დასახელება	31/12/24	31/12/23
მოკლევადიანი მოთხოვნები	1,936,005	2,193,173

არ შეიცავს მოთხოვნებს დაკავშირებული მხარეების მიმართ, უიმედო და საეჭვო ვალების მიმართ მიდგომა აღწერილია დამატებით ინფორმაციაში სავაჭრო და სხვა მოთხოვნების შესახებ. იხილეთ მე-5 შენიშვნა.

ა3. მარაგები

დასახელება	31/12/24	31/12/23
სასაქონლო-მატერიალური მარაგი	1,413,849	2,248,430

კომპანიამ წლის ბოლოს გადახდა მარაგს, რათა შეეფასებინა უმცირესი ღირებულებით თვითღირებულებასა და შესაძლო სარეალიზაციო ღირებულებას შორის. ვადაგასული და გასაყიდად გაუვარგისებული საქონლის დროული ჩამოწერის გამო შესაძლო სარეალიზაციო ღირებულება თვითღირებულებაზე ქვემოთ არ ჩამოსულა.

ა5. საგადასახადო აქტივები და ვალდებულებები.

დასახელება	31/12/24	31/12/23
საგადასახადო აქტივები	43,705	50,438

წარმოდგენს საანგარიშო პერიოდის დასრულებიდან 15 დღეში გადასახდელ დღგ-ს, რომელიც დროულად იქნა გადახდილი.

ა6. გრძელვადიანი იჯარა, აქტივის გამოყენების უფლება, გრძელვადიანი საიჯარო ვალდებულებები

	საანგ პერ	შესადარ პერ
ა) აქტივების გამოყენების უფლებების ცვეთის ხარჯი საიჯარო აქტივის კლასის შესაბამისად;	399,213	499,017
ბ) საიჯარო ვალდებულებებთან დაკავშირებული საპროცენტო ხარჯი;	177,614	231,285
გ) მე-6 პუნქტის გამოყენებით აღრიცხულ მოკლევადიან იჯარასთან დაკავშირებული ხარჯი. ეს ხარჯი არ უნდა მოიცავდეს ისეთ იჯარასთან დაკავშირებულ ხარჯს, რომლის ვადაა არაუმეტეს ერთი თვე	-	
დ) მე-6 პუნქტის გამოყენებით აღრიცხული ხარჯი, რომელიც დაკავშირებულია დაბალი ღირებულების მქონე აქტივების იჯარასთან. ეს ხარჯი არ უნდა მოიცავდეს დაბალი ღირებულების მქონე აქტივების ისეთ მოკლევადიან იჯარასთან დაკავშირებულ ხარჯს, რომელიც მითითებულია 53(გ) პუნქტში;	-	
ე) ცვლად საიჯარო გადახდებთან დაკავშირებული ხარჯი, რომელიც გათვალისწინებული არ იყო საიჯარო ვალდებულებების შეფასებაში;	-	
ვ) შემოსავალი, რომელიც მიღებულია გამოყენების უფლების აქტივების ქვეიჯარიდან;	-	
ზ) იჯარასთან დაკავშირებით საწარმოდან გასული ფულადი ნაკადების ჯამური თანხა;	549,020	638,733
თ) აქტივების გამოყენების უფლებების ცვლილება; (ხელშეკრულების ცვლილება)	-265,521	670,197
ი) შემოსულობა და ზარალი, რომელიც მიღებულია უკუიჯარის პირობით გაყიდვის ოპერაციებიდან; და	-	
კ) აქტივების გამოყენების უფლებების საბალანსო ღირებულება საანგარიშგებო პერიოდის ბოლოს, საიჯარო აქტივის კლასის შესაბამისად.	1,596,853	1,996,067

კომპანიის საიჯარო ხელშეკრულებები მოიცავს საოპერაციო საქმიანობისთვის განკუთვნილ სასაწყობო ფართების იჯარას. იჯარების სახელშეკრულებო პერიოდი ზოგ ხელშეკრულებაში მითითებულია გარკვეული ვადით, ავტომატური გაგრძელების შესაძლებლობით და ამიტომ შეფასებულია 5 წლით გასული პერიოდების გამოცდილების გათვალისწინებით. საიჯარო გადასახდელები ნომინირებულია ლარში და დოლარში. გამართივებული მიდგომის სახით კომპანია პორტფელურად აღრიცხავს მსგავსი მახასიათებლების მქონე საიჯარო ხელშეკრულებებს, რადგან ვარაუდობს რომ ხელშეკრულებების პორტფელთან მიმართებით სტანდარტის გამოყენების გავლენა ფინანსურ ანგარიშგებაზე არსებითად განსხვავებული არ არის პორტფელის შემადგენელი ცალკეული ხელშეკრულების მიმართ მისი გამოყენების შედეგისგან. ხელშეკრულებების პორტფელის მიხედვით აღრიცხვისას, კომპანია იყენებს ისეთ შეფასებებსა და დამხმარებებს, რომლებიც ასახავს პორტფელის სიდიდესა და შემადგენლობას.

აქტივის გამოყენების უფლება წარმოდგენილია შემდეგნაირად:

დასახელება	31/12/23	დარიცხული ცვეთა	31/12/24
აქტივის გამოყენების უფლება	1,996,067	399,213	1,596,853

საიჯარო ვალდებულებები წარმოდგენილია შემდეგნაირად:

დასახელება	31/12/23	ვალდ შემცირება	31/12/24
გრძელვად საიჯარო ვალდ-ბი	1,856,350	420,568	1,544,868

იჯარამ განიცადა მოდიფიკაცია, რომელიც არ საჭიროებს განცალკევებულ იჯარად ასახვას: ხელშეკრულებაში შევიდა ცვლილება - შეიცვალა მეიჯარე, მცირედ შეიცვალა ფართები და შესაბამისად, საიჯარო გადასახდელები.

კომპანია უმეტესი იჯარის შემთხვევაში აღიარებს აქტივის გამოყენების უფლების სახით არსებულ აქტივს და საიჯარო ვალდებულებას. აქტივების გამოყენების უფლება აღიარებულია საიჯარო ვალდებულებების ტოლი თანხით შესწორებული წინასწარი გადახდებით და დარიცხული ვალდებულებით. საიჯარო ვალდებულებები აღიარებულია მომავალი საიჯარო გადასახდელების ზღვრული სასესხო განაკვეთით დისკონტირებული ღირებულებით. ზღვრული სასესხო განაკვეთი არის საპროცენტო განაკვეთი, რომლის გადახდაც მსგავს ეკონომიკურ გარემოში მოუწევდა მოიჯარეს აქტივების გამოყენების უფლების ღირებულების მსგავსი ღირებულების აქტივის მოსაპოვებლად საჭირო სესხით სარგებლობისთვის, რომელსაც მსგავსი ვადა და უზრუნველყოფა ექნებოდა. დოლარში არსებულ საიჯარო ხელშეკრულებებზე წლიური 8 - 10% და ლარში არსებულ საიჯარო ხელშეკრულებებზე - 8 - 12%.

ა7. ძირითადი საშუალებები და მიწის ნაკვეთები

	საწყ ღირ პერ დასაწყის ში	აკუმ ცვეთა პერ დასაწყისში	საბალ ღირ პერ დასაწყის ში	შემოსვ ლა საანგ პერ	გასვლა საანგ პერ	ცვეთა საანგ პერიოდში	საბალ ღირ პერ ბოლოს
დაუმთავრ მშენ	58,888		58,888	98,598	-113,125		44,361
მანქანა-დანადგარები	459,546	-358,887	100,659	25,360	-621	-12,700	112,698
ოფისის აღჭურვილობა	854,506	-712,831	141,675	68,392	0	-61,762	148,306
ავეჯი და სხვა ინვენტარი	75,716	-59,600	16,116	0	-5,976	-1,599	8,540
იჯარით აღებული ქონების კეთილმოწყობა	152,889	-147,102	5,787	0	0	-798	4,989
	1,601,545	-1,278,420	323,125	192,350	-119,722	-76,859	318,895

შესადარისი პერიოდის მონაცემები:

2023 ძირითადი საშუალებები	დაუმთ მშენ	მანქანა - დანად გარები	სატრან სპორტ ო საშუა ლებები	ავეჯი და მოწყო ბილობა	საოფი სე აღჭურ ვილობა	იჯარით აღებული ქონების კეთილმო წყობა	ჯამი
<u>ღირებულება</u>							
შესადარისი პერიოდის ნაშთი	137,781	406,098		75,716	742,238	152,889	1,514,722
დამატება	119,513	80,326			148,003		347,842
გასვლა	198,406	26,879			35,735		261,019
ნაშთი პერიოდის ბოლოს	58,888	459,546		75,716	854,506	152,889	1,601,545

ცვეთა და გაუფასურება							
შესადარისი პერიოდის ნაშთი		379,746		57,542	659,814	146,303	1,243,405
წლის ხარჯი/დარიცხვა		6,020		2,058	53,244	798	62,120
გაუფასურება							
გასვლა		26,879			227		27,106
ნაშთი პერიოდის ბოლოს		358,887		59,600	712,831	147,102	1,278,420
ნეტო საბალანსო ღირებულება							
პერიოდის ბოლოს	58,888	100,659		16,116	141,675	5,787	323,125

სასარგებლო სამსახურის ვადები განსაზღვრულია შემდეგი ხანგრძლივობით:

სატრანსპორტო საშუალებები - 10 წელი;

ავეჯი - 10 წელი;

საოფისე კომპიუტერული ტექნიკა და პერიფერია - 5 წელი;

ა8. არამატერიალური აქტივები

		სხვა არამატ აქტივები
პერიოდის დასაწყისი სი (შესად პერიოდის ბოლოს)	ისტორიული ღირ	177,488
	აკუმულირებული ცვეთა	107,131
	ნეტო საბალანსო ღირებულება	70,357
საანგარიშო პერიოდის ბოლოს	შემოსვლა	
	გასვლა	
	ცვეთა	70,357
საანგარიშო პერიოდის ბოლოს	ისტორიული ღირ	
	აკუმულირებული ცვეთა	
	ნეტო საბალანსო ღირებულება	0

წარმოადგენდა პროგრამული უზრუნველყოფისა და სხვა მცირე აქტივების ღირებულებას, რომელმაც განიცადა სრული ამორტიზაცია;

ა9. მოკლევადიანი ვალდებულებები

დასახელება	31/12/24	31/12/23
მოკლევადიანი ვალდებულებები	2,012,531	2,420,439

წარმოადგენს მხოლოდ სავაჭრო ვალდებულებებს, სხვა მნიშვნელოვანი ვალდებულებები კომპანიას არ აქვს. ამორტიზებული ღირებულებით შეფასებული ფინანსური ვალდებულებების საბალანსო ღირებულება უახლოვდება სამართლიან ღირებულებას მათი მოკლევადიანი ხასიათის გამო. დამატებითი ინფორმაცია სავაჭრო და სხვა ვალდებულებების შესახებ იხილეთ მე-5 შენიშვნაში.

ა10. კაპიტალი

	საწესდებო კაპიტალი	მოგება ან/და ზარალი	სულ კაპიტალი
	ბალანსი 31.12.2022 მდგომარეობით	176,000	4,061,192
2023	წმინდა მოგება პერიოდში	-268,272	
	გადახდილი დივიდენდი		
	საწესდებო კაპიტალის ზრდა/კლება		
	ბალანსი 31.12.2023 მდგომარეობით	176,000	3,792,920
2024	წმინდა მოგება პერიოდში	301,940	
	გადახდილი დივიდენდი	-510,680	
	საწესდებო კაპიტალის ზრდა/კლება		
	ბალანსი 31.12.2024 მდგომარეობით	176,000	3,584,180

კაპიტალი გაზრდილია საანგარიშო პერიოდის წმინდა მოგებით, დამფუძნებელი პარტნიორის შენატანებით და შემცირებულია გამოცხადებული და გაცემული დივიდენდებით. სხვა ცვლილებები არ განხორციელებულა.

ბ1 შემოსავლები საქონლის რეალიზაციიდან და სხვა საოპერაციო შემოსავალი

დასახელება	2024 წ	2023 წ
შემოსავალი რეალიზაციიდან	19,722,259	22,028,181
შემოსავლები საურავებიდან და სხვა მცირე საოპერაციო შემოსავლი	621,604	670,836
სულ საოპერაციო შემოსავლები	20,343,863	22,699,017

საქონლის რეალიზაცია აღწერილია ზოგად ინფორმაციაში საწარმოს შესახებ. შემოსავალი აღიარდება დროის იმ მომენტში, როდესაც მომხმარებელს გადაეცემა კონტროლი საქონელზე.

ბ1.1 სხვა არასაოპერაციო შემოსავლები.

არასაოპერაციო საპროცენტო შემოსავლები	59,940	51,550
--------------------------------------	--------	--------

პროცენტები დაერიცხა ბანკში არსებულ ნაშთებს, რომლებიც განთავსდა შეძლებისდაგვარად მაღალპროცენტიან ანაბრების ან მსგავსი ტიპის ანგარიშებზე.

ბ2 რეალიზებული საქონლის ღირებულება

დასახელება	2024	2023
რეალიზებული საქონლის თვითღირებულება	-10,015,933	-13,303,066

წარმოადგენს რეალიზებული საქონლის: პარფიუმერია, კოსმეტიკა, ტანსაცმ, აქსესუარები თვითღირებულებას.

ბ2.1 საოპერაციო ხარჯები გარდა რეალიზ საქ თვითღირებულებისა

დასახელება	2024	2023
ზონალური მენეჯერების საკომისიოები	-4,297,494	-4,164,190
შრომის ანაზღაურება	-1,859,864	-1,674,476
მიწოდების და ტრანსპორტირების ხარჯები	-1,317,185	-1,337,631
საკონსულტაციო ხარჯები	-265,309	-559,865
აგუ ცვეთა	-399,213	-499,017
რეკლამის ხარჯები	-238,623	-400,602
კონფერენციებისა და მოგზაურობის ხარჯები	-166,807	-114,591
დანაკლისები და გაუვარგისება	-49,678	-239,458
სხვა ზედნადები და აღმინ ხარჯები	-347,399	-78,834
კოლექციის ხარჯები	-98,563	-80,360
კომუნიკაციისა ხარჯები	-34,719	-53,595
ცვეთა და ამორტიზაცია	-76,859	-62,120
კომუნალური ხარჯი	-39,012	-48,767
საგადასახადო ხარჯები	-142,229	-30,606
ქველმოქმედების ხარჯები	-80,682	-36,448
აგუ საპროც ხარჯი	-177,614	-231,285
უიმედო ვალების ხარჯები	-186,667	-23,357
დაცვის ხარჯები	-32,479	-26,860
საკანცელარიო საქონლის ხარჯები	-6,365	-6,635
გრძელვად იჯარის მოდიფიკაცია (არაგანცალკ)	-265,521	
ჯამი	-10,082,279	-9,668,697

ბ2.3 სხვა სრული შემოსულობები და ხარჯები

სხვა სრული შემოსულ/ხარჯები სავალ. ნაშთ. გადაფასებიდან	-3,651	-47,076
---	--------	---------

წარმოადგენს მონეტარულ ანგარიშებზე არსებული ნაშთების გადაფასებას ბალანსის შედგენის თარიღისათვის.

2024 და 2023 წლების 31 დეკემბერს დასრულებული წლისთვის აუდიტორულ კომპანიაზე გაწეული წლიური ფინანსური ანგარიშგების აუდიტის მომსახურების ღირებულება შეადგენს 15 ათას ლარს.

23. პირობითი ვალდებულებები

სასამართლო დავები.

კომპანიას არ ქვს მიმდინარე სასამართლო დავა

გადასახადები

კომპანიას მიაჩნია, რომ ყველა გადასახადი გაანგარიშებული და დეკლარირებული აქვს ზუსტად და ღრულად. ამიტომ არანაირი ანარიცხი არ წარადგინა ფინანსურ ანგარიშგებაში.

თავდებობა

კომპანია თავდებში არ უდგას არავის.

24. დაკავშირებული მხარეები

კომპანიის დაკავშირებული მხარეები არიან: დამფუძნებელი პარტნიორები, დირექტორი, მვილობილი და მეკავშირე საწარმოები. დაკავშირებული მხარის იდენტიფიკაციისათვის გაითვალისწინება არა მხოლოდ წმინდა იურიდიული მხარე, არამედ მისი შინაარსი. კომპანიას დაკავშირებულ მხარეებთან სავაჭრო,

სასესხო ან სხვა მოთხოვნა-ვალდებულებები არ აქვს, არ აქვს არსებითი ოპერაციებიც, გარდა დირექტორის ხელფასისა. ყველა სხვა მაჩვენებელი განმარტებულია შესაბამის შენიშვნაში.

პარტნიორები:

შეზღუდული პასუხისმგებლობის საზოგადოება ეივონ ნეზერლენდს ჰოლდინგს, 34209926 /ნიდერლანდები/, 03.08.2004. საანგარიშო პერიოდში მასზე გაიცა დივიდენდი 510,680ლ.

დირექტორი: ნანა კვირჩილაძე.

25. საანგარიშგებო პერიოდის შემდგომი მოვლენები

საანგარიშგებო წლის შემდეგ კომპანიაში მნიშვნელოვან მოვლენებს ადგილი არ ჰქონია.

დირექტორი:
29/9/2025



ნანა კვირჩილაძე